

**NINTH SITTING ON TUESDAY, THE 21ST MARCH, 2006
(SEVENTH SESSION)**

MEMBERS PRESENT

PU LALCHAMLIANA, Speaker, Pu Zoramthanga, Chief Minister, Deputy Speaker, 11 Ministers and 24 Members were present.

LIST OF BUSINESS

FOR NINTH SITTING ON TUESDAY, THE 21ST MARCH, 2006.
(Time 10 : 30 A.M to 1 : 00 P.M. and 2 : 00 P.M. to 4 : 00 P.M.)

QUESTIONS

1. **QUESTIONS** entered in separate list to be asked and oral answers given.

PRESENTATION OF REPORT

2. **PU R. LALZIRLIANA** to present to the House the following Reports :
 - 1) Nineteenth Action Taken Report of Public Accounts Committee relating to Power & Electricity Department, Government of Mizoram.
 - 2) Twentieth Action Taken Report of Public Accounts Committee relating to Social Welfare Department. Government of Mizoram.
 - 3) Twenty first Action Taken Report of Public Accounts Committee relating to Sericulture Department. Government of Mizoram.

MOTIONS FOR ELECTIONS TO FINANCIAL COMMITTEES

3. **PU R. LALZIRLIANA** to move motion for election to Public Accounts Committee.
4. **PU LALTIENGLIANA** to move motion for election to Committee on Estimates.
5. **PU F. LAL THANZUALA** to move motion for election to Committee on Public Undertakings.

GENERAL DISCUSSION ON THE BUDGET FOR THE YEAR 2006-2007

6. General Discussion on the Budget for the year 2006-2007 (to be concluded)

S P E A K E R

: Mi khawngaih thei takte chu an eng a thawl e,
khawngaih an la hlawh dawn si a.

Zawhna kan la ang a, zawhna 106-na zawt
turin Pu Andrew Latherliana ilo sawm ang.

PU ANDREW LALHERLIANA : Pu Speaker, ka lawm e. Ka zawhna Starred Question 106-na - Will the Hon'ble Minister Public Works Department be pleased to state - a) Millenium Centre-a Dawr te hi mimal hnena pek an ni em? b) Nise, mi engzat hnena pek nge an nih? tih hi Public Works Department changtu kan Minister zahawm tak chhan atan-kan zawt a ni e.

S P E A K E R : PWD changtu Chief Minister zahawm tak a awm loh avangin a aiawh turin Pu Tawnluia a authorised a, a chhang turin Minister zahawm tak Pu Tawnluia ilo sawm ang.

PU TAWNLUIA MINISTER : Pu Speaker, Member zahawm tak Pu Andrew-a zawhna a-na leh b-na chhanna chu - Tunah mimal pek an ni lo tih a ni.

PU ANDREW LALHERLIANA : Pu Speaker, pek tiha zawhna kha a la tih khanin kan han ziak lova, allot niawm khan kan hria a, khami ang tal khan a chhan theih em a allot angin.

PU ZODINTLUANGA : Pu Speaker, Millenium Centre-a dawrite hi mimal hnenah pek an ni lo tih kha a pawmawm thlap a, he Centre-a dawr luahtu turah hian mi engzatin nge pawisa pe lawk tawh tih kha ka zawhna 1-na nisela. Tin, a pahnuhnaah chuan dawr luahtu turte hian an pawisa pek hi an pe full nghal vek em tih a ni a. Pathumnaah chuan dawr luahtu tur tena pawisa an pek hi engzat nge a tlem ber ni a, engzat nge tam ber tiha ni a, a 4-naah chuan pawisa tlingkhawm tawh zawng zawng hi engzat nge? He pawisa hi khawiah nge a awm tih kha ka rawn zawt e.

PU LALDUHOMA : Pu Speaker, khami hrul deuhah khan Millenium Centre chhunga Store te, shop luahtu turin buyer te allotec-te an awm a, chung allottee te hming leh Pa hming leh Address tunah mai min chhang thei lo anih pawhin Session chhung tal hian min hrilh thei angem tih leh Board of Director te hi tutenge an nih tih ka zawt a ni.

S P E A K E R : A chhang turin Minister ilo sawm ang.

PU TAWNLUIA MINISTER : Pu Speaker, zawttu pakhat khan allot a ti a, allot a ni chiah lova. Kan sawi ang a, a fiah maiin ka ring a. Millenium Centre a dawr hi a vaiin 305 a awm a. Chu chu Lease pek an ni a. Tichuan a rate a awm vek a.

Category hrang hrang a awm a. Chutiang chuan tunah hian 91 years lease-in mi 57 hmenah dawr 63 pek tawh a ni. Chumi awmzia chu mi thenkhat chuan dawr 2 an la tihna a ni, an lei tawh tihna. Tin chumi avang chuan heta zawhnaah hian mimal hmena pek a ni em ? tih kha chu individuala allotment kha chu a nilo a ni. Lease-in pek an ni e, tih a ni.

Tin, hemi mi 57 te hian an pawisa pek tlingkhawm tawh chu hetah hian kan nei mai lova, ka sawi thei lo ang a. Tin, a pawisa sen tawh hrim hrim heta record kan hmuhah hi chuan crore 24 nuai 90 leh sing 5 leh sang hnih zanga leh point 47 a ni a. Tin, khata pawisa mi 57 in Lease a an pek tawh tlingkhawm chu nuai 590.58 a ni a. Pu Speaker, heta Governing Board Memberte hi chu C.S. a ni a, tin, Finance Commissioner, Planning Commissioner, Tin, Aizawl DC, Engineer -in-Chief, P.W.D., C.E. (P & E), C.E. (PHE), Pu Ramhluna Khiangte, chu chu Board of Director te an ni a. Tin, heta Lease in pekte an hming, pa hming, address tihte leh Board Memberte pawh hi Unstarred Question ah khan a lo kal a. Nakinah a copy kan hmuh vek ka ring a.

PU H. LIANSILOVA :

Pu Speaker, hemi Millenium Trade Central hi kan Assembly hmasa lamahte pawh khan sawilan leh zawhnahte pawh keimah pawhin ka pek tawh a awm a. Chutah chuan sawlai Upper Bazar hmun tuna a awmna

hmun saw engemaw lai kha chuan thlai zuar ho te duhsak bik a, a hmun te pawh han pek deuh an ni a. A nghet chuan a ni lova, sawlai vel saw anhnah leh thlai zawhna hmun atanah thingtlang leh hei khawpui chhehvela kut hnathawka eizawng hovin an hmang lo thei lova, in beh chhan nan an hmang a. Sawtianga Trade Centre changkang tak a lo awm takah sawnin chhuahzir luh hleih theih loh, hei kan sawi fova, Zirtawp zanah phei chuan mi 200-300 saw thutna hmun chan loh hlauva a sur a sa hnuai khawvawt leh hrehawm karah pawh mi varandaa riaklut an awm reng a ni a. Chuvang chuan dawrkai leh sumdawng hausa te tanah sawlai dawr changkang takah sawnin ram thang zelah dawr tha tak tak a awm te pawh chu a thik awm lova. Amaherawhchu, a hnuai lamah sawnin heng kan thlai hnah zuar tute khawpui daifem leh khawpui pawn lama rethei zual lo tlan lut te tanah hian hmun a awm thei dawn lawm ni ? tih kha ka zawt tawh thin a. Tin, a ngen pawh kan han ngen pah deuh thin a. Kan Chief Minister in min chhanna hnuhnungah kha chuan ngaihtuah kan tum dawn nia a ti a, inbeisei awm deuh khan a sawiin ka hria a. Mahse hei chanchinbuah te kan han hmuh leh tukinah pawh zawhna leh chhanna kan han hriatah khan a maktaduai tel a Booked thei hovin chunglam dawr te chu lo booked tawh a, lease out tur a ni tih kum 99 nge ni chumi atanah chuan tih a lo ni ta a. Kan thlai thar zuartu mireithe, harsa kan han tih mai tur intunmun vena turin a hnuai fiat khat tal te saw chu zuah turin ngaihtuahna a la awm em ? awmlo a nih pawhin hei tunah hian ngaihtuahna a hman thar theih ang em ? tih kan zawt duh a.

Pahnihnaah chuan khatiang a lease a han pek a, advance a booked khanin vawiin ni thleng a booked khan in vawiin ni thleng hian pawisa engzat nge ni kan hmuh ? Tin, chu chu hman nghal ze a ni em ? tih kan zawt a ni. Tin, hman nghal zel anih loh chuan engtianga Account vawn nge a nih ?

PU ANDREW LALHERLIANA :

Pu Speaker, ka lawm e. Nichin khan a chhanna a bulh deuh hlek avang khan ka Supplementary ka la pe lo deuhah ka in ngai a. Saw ram tha lai ber, Aizawlah chuan a Prime Land tak tak lai kum 90 chuang nei turin

kan in allot tihna a ni a, kan in pe a ni deuh ber a. Tisawnin tunlaih chhiah a san chhoh zia te han ngaihtuah hianin vawikhata a building man awm vel emaw chawi tira han in allot ang mai kha em ni ? Ngeni a a Terms & Conditions- ah khan kum khai chhungin engzat nge an pek tur ang vel te kha khatiang ang zawng khanin fel takin Sorkar tan Revenue source tak tak anga siam tal a ni em tih kha kan hre duh a. Terms & Conditions ah engzat nge kumkhat ah te an chhunluh dawn? Tunah vawikhata one time a an pek an mai saw em ni a dawn dan tur kha khawngaih takin min hrilh thei em tih kha kan zawt leh a ni e.

S P E A K E R : A cihang turin Acting Chief Minister ilo sawm leh ang.

PU TAWNLUIA
MINISTER : Pu Speaker, Member zahawm tak Pu H. Liansailova, North II bialta zawhna kha thingtlang atanga Chaw-hmeh zuartute tana sawlaia dawr han siam dan tur a kha chu tuna ruahmanna ah chuan a tel rih lo a ni.

Dawr changkang I leh kan khawpui hmel leh Mizoram hmel, kan Sorkar hmel, kan hnam mel tilang thei tura buatsaih anih ve avang sawn hemi thlai hnephnawl engemaw lo tawih rimchhemai thei te nena han han inchiiah piah loh dan kha ngaihtuah a ni ve a. Khatiang ang thingtlanga loneitute tharchhuah zawhna tur kha chu a hranpa a buatsaih a ni zawk a ni, tin khatianga kan dawrte lease a latute pawisa pek tawh thinghawm kha a va'in nichinah khan ka sawi tawh a Rs. 590,58,000 ani a. Hei hi Bank-ah millenium centre authority account ah dah iuh zel a ni a. Tin, Vijaya Bank leh HUDCO atangin heng sakna tur pawisa te hi loan a lak ani in khatiang ang khan he Millenium Centre lu sak ani. Tin, term & condition heta a luahtu turte ti mai ilangin, a lease a kan pek a te iuah dan tur phung erawh hi chu Pu Speaker, helaiiah hian kan in ralring mai lova ka sawi thei hrilh lova. Amaherawhchu, heng hi confidential a ni lova, Public property a ni vek a ni. Tin, hengte pawh hi quotation notice ah chhuah vek a ni a. Chuvangin, heng hi chu ualau takin hmuh theih a ni a. Engpawh niselangin kan hriat chian atan pawh khang kha chu a copy A department concerned te pawhin an la rawn provide thei turah pawh ngai ila a tha ang e.

S P E A K E R : Starred Question No. 107 -na zawt turin Pu Saikapthianga ilo sawm ang.

PU SAIKAPTHIANGA : Pu Speaker, ka zawh hmam helaiiah hian correction dil ka duh a. Kawrthah MLA bial chhung tih hi Mizoram chhung tia zawh ka duh a, min phalsak la ka lawm khawp ang.

S P E A K E R : Zawt phawt la, nakinah Mizoram chhung zawt ta la, a inhmeah zawk deuhin ka ring a.

PU SAIKAPTHIANGA : Ka lawm e, ka zawhna 107-na Horticulture Minister zahawm tak min chhan atan, Kawrthah MLA bial chhunga Serthlum tam zo ta vek mai thlakna tur Sorkar hian ruahmanna a siam em ? b) Siamlo se engvang nge ? tih ka zawt e.

S P E A K E R : Chhang turin Horticulture Department changtu Minister zahawm tak Pu H. Rammawi ilo sawm ang.

PU H. RAMMAWI MINISTER : Pu Speaker, zawhna a) Kawrthah MLA bial chhung tih ni mahsela a chhanna hi chuan a cover thei tho ang a. Serthlum Mizorama tam thlakna hi ngun taka ngaihtuah a ngai a, ram leilung mila a thlakna tur thlai ngaihtuah a ngaih avangin. Chuvang chuan, zawhna correction ang deuh tih pawh khan a inmil thei tho a. A area a ram leilung mil zelin Sorkarin tunah hian ngaihtuahna a hmang mek a ni tih kha ka chhanna a ni e. b) Ngaihtuah lai mek a ni tih a ni.

S P E A K E R : Pu Zodintluanga, aw a neitu hi sawm hmasa ang aw, zawhna neitu Pu Saikapthianga.

PU SAIKAPTHIANGA : Pu Speaker, zawhbelhna, hmang mek tih kha a chhanna a ni a. Serthlum tamna hmun zawng zawng tih theih hi mimal ram Sorkarah chhiah fel taka chawina a ni a. Kan Sorkar hian Mauah hian hma a la nasa hle a. Tin, kan Sorkar hmalakna mai ni lovin Mau hrim hrim hi a hralh theih vek mai a, tun hunah hian. Paper Mill ten an mamawh tam avangin. Chuvang chuan Serthlum tamna ram zawng zawngah hian Mautam rah tuna rah tan mek hi a tam thei ang ber phun mai ila, Sorkar hian tha a ti em tih ka zawt duh a.

2)- Chutiang anga Mau chi lakhawm na tur atan chuan Sorkar hian Serthlum hmun Serthlumin a tam san tawh nei Mautam rah lakhawmna atan tanpui na ape thei ang em ? Tin, chutiang ang chuan a pathumna atan - Mimal khan an Serthlum huan thinah Mau lo phunin Mau Tam rah lakhawmin Mau kha lo thar ta se, Forest Department tena an Control thin ang ni lovin kan Serthlum kan hralh thin ang khan mimal ina zalen taka an hralh mai theih tur hian Policy a siam thei ang em tih ka zawhbelh e.

S P E A K E R : Pu Zodintluanga.

PU ZODINTLUANGA : Pu Speaker, zawhbelhna. September ni 30, 2005 khan he House zahawm takah MLA zawng zawng te Member zawng zawng ten lungrual takin Serthlum tam chungchangah khan Resolution kan pass a, chumi

zingah chuan Serthlun tam avanga tuartute awm thei ang ang pe turin Central Sorkar-ah thlen ni rawh se tih a ni a. Kha thil bawhzui khan kan Sorkar hian eng angin nge hma a lak Hma a la tawh em ? tih kha ka rawn zawi e.

S P E A K E R : A chhang turin Minister Pu H. Rammawi sawm leh ang aw.

PU H. RAMMAWI : Pu Speaker, a tawpiam atangin chhang hmasa ila; MINISTER Member zahawm tak Pu Zodintluanga zawhna kha kha thu bawhzuina ang khan Central lama kan thlen mai bakah hemi a zirchiang tur mithiam rualte pawh-in, Pu Speaker, a hmunah hmun hrang hrang an tlawh a, report tepawh tiang hian an siam nghe nghe a. Kan hlawkpui viau a ni. Amaherawhchu, kha kha a taka kalpui dan tur erawhchu thil awlai a ni hauh lova tih kha a hmasain kan sawi duh a.

Tin, Member zahawm tak Pu Saikapthianga zawhna kha, Mau phunna tur kha Pu Speaker, mithiam rual hianin Serthlum tam lawhtie reng reng a hi a hmun ngeiah khan kum nga tal hi chu Serthlum hi phun lo ila. thlai dang phun nise tih rawtna hi thurawn min pek ngun em em a ni a. A chhan chu, a hri kha a kai leh theih an hlauh vangte pawh a ni ang a, a hmunah khan thildang ngaihtuah a ngai ta a. Mau kha a tha ang em ? tih kha Mau hi kan Mau ang hi nge ni ang a, tuna ram dang ami Mau manto, a Mautuai tanah pawh export prospect nei thei, tih pawh ngaihtuah a ngai a. Mau rah chin vak tih kha chu kan harsatin ka ring lova, kan chin hrim hrim a kha chu.

Tin, Farmers hnena a Mau rah chin tur sema pawh kha kan harsat em em pawh ka ring lova. Amaherawhchu, nakinah a hralhna tih laia erawh kha chu a Mau a kha Forest lamte nena Department dangte nena inkaihnaawih a nih avangin, department khat atang sawi khawm anih hma a vawirniah chutiang khatiang chu a ni thei ang tih kha chu ka chhan tur anih leh nih loh pawh ka hre lova. Mahse, Farmers tana thil tha, kawng tha anih chuan Department hrang hrang te pawh tangtlang a, kawng kan zawn tlan a ngai a. Chutihlai chuan Teak ang em em hi chu ni lo turah ngai ila, Teak ah hian Teak chingtute an buai em em a, Forests thil chinah hian. Khang avang khan fimkhur deuh chu a ngaiin ka ring a. Mau hrim hrim ah hi chuan, Farmers te hnenah a chi supply emaw, Mau ah supply emaw khang lampangah kha chuan harsatna kan neih ka ring lova. Amaherawhchu, a farmers te khan, a area farmers te khan kha kha an riru rin zawng a ni ang em ? Farmers te kan mobilise thei ang em ? Farmers te kan convince thei ang em ? An duh ngei ang em ? tih erawh kha chu chian a ngai ang a. Chutiang ang bawh chuan, helai Area ah hian tunah hian long term project-in hemi Darlak atanga a thlang tlangdung zawng zawng a hi chu, thil chikhat ruahman lai kan neih a chu, kan Oil Palm a hi tunah hian nursery Darlak ah hian kan siam tan ang a. Khulai thla reng reng Western Belt reng reng a hi chu Oil Palm a cover vek kan tum a, a sprout harsat em avang hian vawi khatah, kum khatah hian zau tak cover theih anih loh avangin kan tawng huai ngam lova. Kumin ah Nursery an ti ang a, kum lehah June thla khi chuan a phun theih ang a, mahse a sprout harsatna avangin, chi hi a harsat avangin, duh tawh lak mai awm lova. Foreign atanga import te a ngaih avangin, kan tawng thui ngam lova, chu chauh a ni lova, thil pakhat kan ngaihtuah lai mek Lakhuihthei, fibre, a hnah atanga fibre lakna tur khitah Khumtungah khawh kan din mek a, in kan sa zo tawh a, electric connect a try thei mai a ni a. Chu chu a Lakhuihthei rah nilovin a hnah atanga ala zam, a fibre lakna tur a ni a. Chu chu a hlawk em ? hlawk love? A hralhna prospect awm a ni a.

Market tha a ni a. Chu chu kan ti thei anih chuan khulai thlaah khu chuanin a tha ngei ang a. Farmers idea Moduler pawh kha a that ka ring a, mahse, kan chhin rih a ni. Tun a tan thla hnih chhungah chuan kan chhin theih mai kan ring a. Chungte pawh chu ihil pakhat thlai pakhatah chuan kan tin ran ran a awm a. Thlai pakhat a cover vek hi chu a har mai thei a, chutih lai chuan farmer te harsat tak tak kan nih avangin engnge ni kum khat, kum hnih a rah thei deuh annual crop anih loh pawhin thlai sustainable ni ve si tih te kha ngaihtuahna kan hman ngun a ngai khawp mai Pu Speaker.

PU SAIKAPTHIANGA

: Pu Speaker, khawngaih takin zawhbelhna pakhat a hralhna chungchang tih kha tunah pawh khuan problem kan nei mek a. Serthlum hmun a tam san na ramah khuan mau tam tak a awm a ni. Mahse Forest Department lam atanga phalna kan hmuh loh kha a hralh theih flat lova. Chuvang chuan kha kha advance deuhin kan zawt a ni a. Red Oil palm an tih a ni khawthlang lamah nursery lian tak Company in siam a tum a. Hei hi tuin a chim chuan thi vek tura ngaih a ni a. Tunah hian kan MIP hotute leh Company thuneitute hian kum tina tuin a chim thinna ramah nursery hi siam an tum mek tih Sorkarin a hria em ?

S P E A K E R

: Chhang turin Minister ilo sawm leh ang.

PU H. RAMMAWI
MINISTER

: Pu Speaker, hria e. Godrej Company hnuaiyah hian peng pakhat Agrovet in nursery tur hmun tunah hian an dap mek a. Anmahni kuta dah vek a, anmahnin engkim ti vek tawh sela. An duh ang thlapin quality maintain sain a tiak te pawh kha a hrisel theihna tur leh a nihna tur ang dik tak anih theihna tuin an kutah kal tawh sela kan ti a kumin atang chuan. Kolasib lamah khuan an zawng a hmun pakhat an thlangfel ti tih tawhin ka hria a. Tin, chutiang bawh chuan Lunglei lamah an zawng a, an duh anga zau kha an hmu chiah lova, a nursery area kha. Helai Darlak area-ah hian khawthlang tlangdung bawh nan tuin hmun an zawng a. Hmun pakhat an earmarked kha chu a awm ngei mai a. An thlangfel leh fel loh chiah ka hre lova. Anmahni kutah kan dah a. Chutah chuan Pu Speaker, kan Member zahawm tak Pu Saikapthianga ngaihdan ang chiah kha advise pawh Company pawh ni ula tuin ka pe hlawm a. Mizoram chu furah tui a lian a, tui chim phak naah nursery hi in dah palh ang e, Water stagnation hi a haw si a. Nangni tan pawh a thalo ang a, kan vai tan farmer tan a thalo ang a, fur a tuilianin a chim phakna area chu thlang lo ula. Chu chu assess ula, uluk takin hei hi en ula. Kawngpui atangin a hla lutuk tur a ni lova tih tepawh advise chu ka pe ve hlawm a.

Tin, chubakah Pu Speaker, zawhna hmasa zawk a kha a hralhna lai tih kha tuna kan Chief Minister zahawm tak hmalaknaah hian Mau chungchangah chuan a chip tih theih dan hi ngaihtuah mek a ni a, thui tak an seng tawh a, hei hi a hlawk avangin, chutih lai chuan a hmarlam hi chu hetah Karimganj lama kal thei turin mau hralhna hrim hrim hi chu Mizoram Sorkar hian tha pui thawh a, kan beih a ngai a. Bangladesh Paper Mill pakhat ina an nikhat demand hi 300 m.tones vel a ni a, nikhat ringawt a an demand hi hi ntiin an mamawh a, a thlangah chutiang chu a ni leh ta a, hralhna hrim hrimah chuan a chip a ni emaw a raw a ni emaw problem a awmlo hrim hrim a ni a. Pu Speaker, tuna kan Chief Minister

Delhi a kalte pawh hi Bangladesh Prime Minister tenen hian an sawiho ngei ka ring a. Helai hi kan Chief Minister hian a buaipui em em a, kan Mau tuna tam tur hi tuna tam tur, a thih zawh hma hian sum tam taka chantir thei tur chuan a leitu turte chu helai ami hi a duh tamtu an nih avangin a hralhna lamah hi chuan Sorkar anga kan tan chuan mau kher kher ah chuan problem hian awm turah chuan Pu Speaker, nei turah ka ngai lem lova. Sorkar anga kan tan flat chuan kan ramchhung pawh kan process theih dawn avangin.

S P E A K E R : A lawmawm e. Stareed Question No. 108-na zawt turin Pu F. Lal Thanzuala ilo sawm ang.

P U F. L A L T H A N Z U A L A : Pu Speaker, Starred Question 108-na, Higher & Technical Education Minister chhan atan : a) Deficit College te Provincialise tumna hi a la awm em ? b) Awm lo se, engvang nge ni ? c) Awm ni se, eng College te nge provincialise tum anih ? tih ka zawt e.

S P E A K E R : A chhang turin Higher & Technical Education Department changtu Minister zahawm tak Dr Lalzama ilo sawm ang.

D R L A L Z A M A M I N I S T E R : Pu Speaker, Deficit College te provincialise tumna a la awm em ? tih kha, Awm e tih a ni a. Awm lo se engvang nge ni ? tih kha a awm e tih kha a ni a. Tin, Awm nise eng College te nge Provincialise tum a nih tih kha, heng Deficit College 12 awm atang hian Council of Ministers ten eng College nge provincialise tur tih kha chu an la rawn thlang mai ang chu. Chu chu ka chhhanna a ni e.

S P E A K E R : Pu Lalrinliana Sailo.

P U L A L R I N L I A N A S A I L O : Pu Speaker, ka zawhbelhna. Hei ka zawhna hi a awm hnunung thei riau thin mai a, 123 naah khan a awm tho va, a chhang hman lovang. Republic veng a B.Ed College ka tih mai hi sak chhunzawm thuai tumna a awm em? tih ka zawt a. Tin, awm nise engtikah nge chhunzawm a nih ang ? Hei hi han sawibelh deuh ila, kum hnih chuang ni tawhin ka hria a, khu sak chhunzawm chakawm em em maiin a awm a, a thing thup mai si a, a sum te kha engemaw tia chinpen leh deuh te kha a awm a. Khu khu sak chhunzawm theih nise Pu Speaker, tha ngawtin ka hria. Sorkar hianin engnge hma a lak chhoh dan tur ka rawn zawt e.

PU LALTHLENGLIANA : Pu Speaker, Middle School leh High School zawng zawngah deficit kan tibo tawh a, hei hi Sorkar tan pawh a hlawk em em a, an pawisa an hlawh lak cut zawng zawng a hi pakhatmah Sorkar-ah lut a awm lova, pension mai tur pawh an awm lova. Hietiang anga GPF an han dah te, professional tax an dah te, namen lovin Sorkarin a hlawkpui a ni a. Helaiiah Middle School leh High School leh tihbo anih tawh lai a, a lera College a deficit la awm fo a hi Zoram tan hekna mai a ni lawm ni? Tunah pawh hian nuai 36 vel hi a matching atan khan englai pawhin Sorkarin a pek a ngai a, heng College 12 atang pawh hian, thlatin nuai thum chuan a a matching a kha Sorkarin a tum a ngai a. Tin, State dangah te phei chuan 12% a ni a. Tunah hian 8% chauh hi a ni a. Chuvangin, min khing phei sela chu 12% pek a ngai dawn a ni. Hei ai hi chuan a rang thei ang bera provincialise hi a hlawk mai lawm ni, tih tur anih pawhin a zavai hian 12 chang pawh nilovin College lak tlak chin zawng zawng a hi chu provincialise a dah mai hi a hlawk zawk lawm ni? Deficit leh Government kha a thuhmun reng, an hlawh pawh an neih tur ang zawng zawng an nei fai vek bawk si a Peon te engkim mai. Khatiang ang khan a Staff zawng zawng hlawk kha Sorkarin a tum vek tho si avangin. Provincialise a dah ve hi a tha lawm ni College a vawiin ni thlenga deficit la awm hi a dik lo a. A hmuaiah pahnih, High School leh Middle School deficit a awm tawh si lova. Chuvangin, hei hi Sorkarin a rang thei ang berin min tihsak thei lawm ni? College te hi tiin ka han zawl duh a ni.

PU K. VANLALAUVA : Pu Speaker, zawhbelhna Aizawl pawn M.L.A. Constituency electoral roll a voter 25,000 chuang awmna, College Matric an pass atanga pawl 12 an pass tawh hnu pawha College kal ve duh ngawih ngawih, amaherawhchu, hmun hia zawk pan harsa si te tan College hi Sorkarin dinbelh hram tumna a nei lawm ni? tih ka zawhbelh e.

S P E A K E R : A chhang turin Minister ilo sawm ang u. B.Ed College building chungchang te pawh kha a in relevant chiah lo nang a, chhan theih chuan a bengvar thlak khawp mai.

DR LALZAMA : Pu Speaker, B.Ed College atana senral tawh chu MINISTER nuai 60 vel a ni a, tuna sak tawhnaah hian. Hei hi estimate siam atanga Central a Department in a thawhah khan an rawn sanction chauh mai si a. Tiang chuanin hna hi tan a ni a. A Schedule of rate te a lo danglam tawh a, thil man a lo to hman nasa tawh a. A complete zo ta lova. Chuvang chuan nuai 43 hi tunah dilbelh a ni a. Tichuan complete mai theih tura ngaih a ni. Hei hi in state fund atangin lo tih rawh u an ti a. Mahse, kan dil belh mek a, kan bei zel a. Tin, chubak hemi hi extension anga tih leh pawh an hrethiam lo anih chuan a Phase-II angin emaw extension chi dangte pawhin ti ila kan ti a. Chumi ang chuan kan dilbelh mek a ni e. Hei hi a rang thei ang ber a hnuh a, complete a luah thuai theih turin hmalak mek ani, tih kha kan sawi theih chu ni sela.

Tin, chumi bakah chuan Member zahawm tak Pu Thlenga'n Deficit tih hi School te te kan tibo tawh a, College ah pawh tihbo a tha lawm ni ? An CPF Sorkarin akhinna te hi thlatin pek a ngai si a, hengte hi engngc a thaina a ti a. Chuvang chuan khatiang khan Department pawhin an chhut hian nuai thum deuh thaw hi thlatin kha pek a ngai a. Chuvang chuan provincialised mai hi a hlawk a ni tun dinhmunah chuan tin Department chuan a ngaihtuah dan a ni fova. Amaherawchu, Department lama kan chhut dan leh Finance Department lam atanga chhut dan hi a in anglo deuh thin a. Nakinah pension awm tur te, khatiang hun rei zawk han thlir hian a ni mai thei e. Chuiang chuan chhut dan a in anglo deuh thin a. Engpawh nisela, khatiang kan chhut dan a in ang chiah lo thin a. Engpawh nisela, provincialise a tha mai lawm ni. A hlawk zawk lawm ni tih ang khan beiseina a awm a. Chuiang chuan hma kan la zel a ni. Tin, thingtlang lamah te College hi din belh a tha lawm ni ? tih kan Member duhawm tak Pu K. Vanlalauva'n a rawn tih kha chu thingtlang lama han din belh zel tumna chu tunah chuan a awm rih lo a ni, sum leh pai harsatna avangin.

PU SAILOTHANGA SAILO : Pu Speaker, ka zawhna Starred Question 109-na a) District Planning Board siam tumna a awm em ? tih leh awm lo nise engvang nge? tih ka zawt e.

PU TAWNLUIA MINISTER : Pu Speaker, Member zahawm tak, Pu Sailothanga Sailo, Khawnpui bialtu zawhna a- chhanna chu Lunglei District Planning Board a mi bak hi chu tunah chuan Sorkarin siam a duh chungin sum lam harsatna avangin siam tumna a awm rih lo a ni. Tin, sum harsatna bakah kan District te a lian lutuk loa, tun ah rih chuan kan ngaihpawimawh rualin, han siam nghal zung zung lo deuh pawhin kan la kal thei lo maw tih ngaihdan kha Sorkarin a nei hrih a ni.

PU SAILOTHANGA : Pu Speaker, ka lawm e. District Planning Board hi he House-ah hian zawh leh sawi a la hlawk lo viau thin a. Tuna kan Minister zahawm tak chhan dan atang khan Lunglei District ah dah a ni tawh a. chutih lain District 6 Aizawl tiam lovin la tih loh chhan kha sum harsat vang leh District te pawh a la te deuh a. Sorkar headquarter atang hian enkawl theih a ni e tih lam hawi khan a rawn chhang a ni a. Pu Speaker, tul riau a ka hriat te a chhan kha zawhbelhna kan siam duh a. District Planning Board entirnan : Kolasib ah dah ta ni ila, lo te deuh pawh nise Sorkar tan hawn a awl ting dawn a. A chhan chu pawisa involve a tlem ting mai dawn a.

Tin, District Planning Board awmlahna District a buaitlak ve em em zawhbelhna ka siam duh chu entirnan Kolasib District ah khuan Sorkar atangin development a lo kal a. District Planning Board a awmlah avangin bialtu MLA ten engmah hre lo tluk kan ni a. Kan bial theuhte Sorkar Planning pawisa a pek dan hi kan hre lova. Kan bial theuh te hmasawna tur zelah pawh hian a thuanawp phah em tih kha Pu Speaker, ka zawhna pakhatna ni sela.

Tichuan he Sorkar chak taka kan Chief Minister hi a fakawm hle a. Fund te pawh an dil thin a, nasa takin. Mahse ngaihdan hrang hrang avangin siam loh kha a ni thin a. Vawin chuan kan Chief Minister in tun kum chhung hian 5 lakhs min pe a. 2006-2007 ah phei chuan a let min pe leh dawn a ni a, kan hmang tangkai hle dawn niin a lang a.

Chutiang bawh chuan District Planning Board hi a District kha a te deuh a nih leh sen a tlem deuh a ni mai a. Sorkar hian hawn tum hram dan hi rihrah leh ngaihtuahna a nei thei lawm ni? Hawn anih chuan a thatna tur tam tak sawi sen loh a awm a. Hawn loh anih avang hian development kai hi a chak loh phah zawk em tih kha ka zawhve ni rawh se.

S P E A K E R : Pu Liansuama.

PU LIANSUAMA : Pu Speaker, hei Block Area tan a block Development Committee dinin MLA te Member ah min dah vek a, a tangkai hle a. Chumi zulzui chuan DRDA ah Governing Board ah MLA te Member ah min dah leh theuh a Sorkar hian senso a nei belh lovin MLA te kan kai pawh in eng department emaw Assembly emaw hian TA/DA min pe lovin, bialte ngaihtuahna avangin Member te kan kai theuh a ni. Chu chu a power kan pekbelh khan a tha hle dawn a. Himanni zawhnaah pwh chhuak tawh P.W.D. leh P.H.E. thahnem ngai ve ve in hma an la a. Tichuan Tui pipe te an in nawr chhiat sak a. Inpuhmawh chhungin mipuiin an tuar a. PMGSY kawng, Aibawh Tlawng-Darlung laih lai khan Pipe min nawr chhiat sak vek a. Electric ban te an nawr thlu vek a. Hun reife mai khaw thenkhat chuan eng an nei lo a ni. District Planning Board hi awmse chuan tha takin a Coordinate theih a rinawm. Development a Grass Root atanga intan chho ni bawh si, senso awm si lovin D.C pawh Chairman mai se a tih theih mai lawm ni. Minister hian kumthar hi chuan kan din ang han ti mai se a van tha dawn e ka ti a. A theih ang em?

PU S. HLATO : Pu Speaker, a chhanna kan hriat ang khan Lunglei chauh Planning Board a awm a. Hei hi Lunglei ho thukhawm a Planning Board a awm a. Hei hi Lunglei Board in an Recommend hi anih ang angin kaltlang pui a ni thin em? pawm a ni thin em?

Block Development Board hi siam a ni a, Pu Liansuama sawi ang khan MLA te Member kan ni a. Tih tur te pawh ruahman a ni a, Block a hnathawk tur reng reng chu khami Board kaltlanga tih tur ani tih a ni a. A monitoring thlengin, on the spot verification tih thin tur tih ni a. Mahse, Saiha District-ah hian kum hnih inuah vawikhat mah an ko ngai lova. An duh duhin an kalpui mai a, tu hriatpui mah a hlawh lova. Hetiang tur reng hi em ni?

PU TAWNLUIA MINISTER : Pu Speaker, Saiha bialtu zahawm tak zawhna kha BDO tena BDC an koh hun tur hi chu bithliah chiah a awm ka hre lova. Mahse, ngaihtuah bik tur hi a awm thin a. Keini Block Zawhnuam lamah chuan an

koh hi chuan MLA te pawh min ko ve ziah mai a. Tunah pawh hmachhawp a awm a. Kha kha chu BDO ten an tih ngei ngei turin enzui pawh kan lo tum ang a.

Tin, District Planning Board Lungleia mi pawh hi D.C. Chairman na hnuaiah Vice Chairman pawnlam ami a ni a. Member Secretary ah District Chief Planning Officer a awm a. Lungleiah hian High Power Committee kha a la awm reng a. An vannei hle a, Lunglei District hi a la awm reng bawk a, an vannei hle a, Lunglei District hi Sorkar in tun hma angin a lo duh sak a, District enkawina atan pawh a bik takin tunah te hian High Power Committee pawh an awm a ni a. He High Power Committee-ah phei hi chuan Chief Minister Chairman a ni a. Board Chairman ah tunah chuan Pu Z.H. Ropuia a ni a, khatiang khan Lunglei D.C kha Secretary a ni a. Chutiingin midang pawnlam ami an awm a ni. Kan Member zahawm tak tak ten a District Planning Board siam a tul nia in hriat thu in hian sawite kha a dik khawp mai a. Kan sawi ang khan tun dinhmunah chuan kan sum leh pai dinhmunte han enin han tih thuai thuai theih loh nia kan hriat avangin hei hi la tih loh a ni a. Hmanah Cabinet-ah pawh kan sawi tawh a ni, mahsela, kan District te hetiang a ruangam pawh kan la in din fel mai lohna karah chuan tunah chuan a tel lo hian kan la kal thei tho em tiin kan la ip deuh mai chauh ani a.

S P E A K E R

: Kan Member ten a pawimawh zia an sawi lang a. Sorkar pawhin a theih ang anga a enzui beisei ila, a tha ang e. Starred Question 110-na zawt turin Pu R. Lalzirliana ilo sawm ang.

PU R. LALZIRLIANA

: Pu Speaker, Starred Question 110-na, Tourism Department changtu Minister chhian atan - a) Tourist Lodge, Saitual ami hi sak that tumna a awm em ? b) Sak that theih anih loh pawhin repair a, mawihnai deuha chei dan hi a awmio em ni ?

S P E A K E R

: A chhang turin Tourism Department enkawltu Minister zahawm tak Pu Z.H. Ropuia ilo sawm ang.

PU Z.H. ROPUJA
MINISTER

: Pu Speaker, Saitual hialtu Member zahawm tak zawhna, Saitual-a Tourist Lodge hi sak that tumna a awm em tih chu Tourist Lodge Saitual ami hi tunah chuan sak that tumna a awm rih lo, tih a ni a. Tin, b-na - Sakthat theih a nih loh pawhin mawihnai deuha repair dan a awm em tih tih Tourist Lodge Saitual ami hi a theih ang anga cheithat mek zel a ni a. Tun hnai mai khan a building pumin rawngte kan hnawih a, sum indaihlohna avang erawh chuan duhthusam anga Repair work la tih theih loh a ni, tih hi ka chhanna a ni e.

.....540/-

PU R. LALZIRLIANA : Pu Speaker, tun hma kan tluk talo deuh hiekin ka hria a, kan Lodge te leh kan Rest House reng reng Department dangte pawh. Chuvang chuan tan lak a ngaiin ka hria a. Hei Tourist Lodge hi a thlen man hi a to riau mai a, Department dang Rest House te ai hian a to bik lutuk a. Tin, a khumte leh enkawl dan hi a nuam chungchuang bi chuang si lova. Chuvang chuan heng aia thlen, man tlawm hian ti ta ila. Mikhualte hi kan hip zawk thei ang em? Sumte hi kan hmu tam zawk mai lawng maw tih hi ka ngaihlan a ni a. Chuvangin, keini ang rual thlen ngamna chi ang deuh hian a rate hi a tuk that theih lawm ni tih ka han zawt duh a.

Tin, pahnihaah chuan Tamdila kan lodge neih khi a buaithlak riau a, khi khi a chhe hauh lova, a tha a. Amaherawhchu, enkawlu an tam lutuk a, Forests in a vel khi a enkawl a, a in ti thu viau bawk si a. Tin, a dil tak khi Fisheries hoin an enkawl a, an in ti thu hle mai bawk a. Tin, Tourism hianin a vela in te tak te te khi a va enkawl ve leh a, hetiang ang hi chuan hlawhtlin tik ni hi kan nei dawn lo reng reng nim ka hria a. Chuvangin Pu Speaker, Tourist Department kutah hian dah law law ila. Chutiang chuanin helai Aizawl hnai deuh a awm a ni bawk a. Chei that deuh leh enkawl tlak deuh hiekin Sanghate pawh ei tiakin a ei theih loh ber pawhina ennaawm deuh tawh a, Shillonga Ward Lake kan tih deuh tluka mi en deuh tham khuan a chei theih hi ka ring a. Chutiang chuan Tourism Department kutah hian a dah theih law law lawm ni tih kha ka rawn zawt a ni.

S P E A K E R : Pu Lalduhoma.

PU LALDUHOMA : Pu Speaker, Sakawrdai-ah khian Tourist Lodge sak mek a ni a. Hmanni khan kan tlawh a, Contractor ina Brick a hman khi a quality a chhe em em mai a. Khilai vela an lo siam chawp ve a ni a. Tin, kan han elh chhin a, a tu a pawh mai khan kan elh bung thei vek mai a ni. Ti tawh su u in elh bung hnem lutuk ang, kan inti a. P.W.D. S.D.O. ten an enpui phak bawk si lova. A department hnuaijah a kal daih bawk si a. Chutiang anih chuan sak zawh hnuah pawh a hlauhawm theiin a rinawm a. Chu chu Minister hian a rang lama min endik sak a min siam that sak theih dan a awm em? tih kan zawt a ni.

PU K. VANLALAUVA : Pu Speaker, pakhatnaah chuan kan Tourism Department hian Lodge an ngah tehlu nen a tlangpui thuin Staff te indaih loh viau chung a hetiang a maintenance tha taka a nei thei reng hi engnge a chhan? Pahnihaah, Staff tam tak han zawhchianin M.R. kan ni an ti deuh zel a. M.R. engzat nge tunah hian an rawih? Pathumna- Hun remchang tam takah hian telephone an dah a, indaihloh a na hle a. A bik takin Champhai a khual zahawm an thlennaah khian telephone a dah theih lawm ni? tih ka zawt e.

PU S. HIATO : Pu Speaker, ka lawm e. Hemi Mizorama dil lian ber chu Rih Dil a ni a, Burma-ah a awm tih a ni a. Tunah chuan Mizoram a dil lian ber chu Palak Dil a ni a. Chhimtuipui-ah a awm a. Chu chu tun hma atangin

Tourist Lodge sak tur ruahmanna a awm thin a. Tunah chuan Aizawi nula leh tlangval te leh mi tam takin an tlawh thin a. Mahse, riahna a awm lova, kan buai a. Forest atang khan nikumah 'en mek a ni' tih a ni a. Chu pawh chu a chhuak bawk si lova. Tunah hian Mizorama Dil lian ber kan neihah sawn Tourist Lodge min sak sak thei ang em tih ka zawt e.

PU LALTHLENGLIANA

: Pu Speaker, ka bial Reiek khuaah khuan tourist ho hmalakna a ropui hie a. Zokhua Modern Village tihte Typical Village te an din khuan Zoram mipui a hip hle a. Nikhatah Bus 18 te Krismas dawn khan a thleng thin a. Khutah khuan sum pawh a lut viau niin kan hria a. Engzat chiaah nge thlakhatah sum an lak lah thin tih ka zawt a ni e.

S P E A K E R

: Awle, a chhang turin a changtu Minister Pu Z.H. Ropuia i sawm ang.

PU Z.H. ROPUIA
MINISTER

: Pu Speaker, ka lawm e. Saitual bialtu zahawm tak zawhna - Tourist Lodge te hi thlen man a to si a, hei aia tlawm zawk hian a tih theih lawm ni? tih kha - Tourist Lodge te hi hmundang ramdanga inkal chuan in hria ang a, a sang tel vek thlen man a ni a. Mahse, Mizoramah hian a tlawm thei ang berin kan han ti a, mahni theih ang anga in manage hram tumin hma kan la a ni. Hmundang ngaihtuah chuan a tlawm hie mai a, a chanve, chanve leh pawh hi a ni lova. Chuvang chuan, hei aia tlawma tih tumna a awm lovin, a hmun te a thlenna hmun te hi tih changkan a, a aia to zawka la siam dan kan dap mek zawk a ni, tih kha ka chhanna a ni e.

Tin, Tamdil chungchang hi department pathum ang deuh Forest, Fisheries leh Tourism ten intawm na lai kan nei a, a dil a khi Fisheries ta a ni a, a bul rama khi Forest ho thu a lo ni leh a, tichuan keini chuan Cottage 6 vel khi kan enkawl a. Amaherawhchum, ilema khua a tanga a zuk hlat deuh avang hian a kawngte a tha lova a buaithlak hie mai a. a thawktu hlawh pawh kan in tum zo lova, enkawl dan pawh a buaithlak a, mi an kal dawn leh dawn loh a hriat lawk mang si loh a, zuk awm reng thu kha a awm si lova, ram palailengah hei hi improve pawh thil buaithlak tak a ni. Chuvang chuan engtia tih tur nge, tih hi kan lu a hai hie a ni. Ruahmanna dang kan la nei lova Sorkarin engtin nge a ngaihtuah ang tih tuna an han sawi dan atang khan department dangte nena in kungkaih anih avangin ngaihtuahna kan la hmang zel ang chu.

Tin, Sakawrdai ah Tourist Lodge sak mek a ni a, bialtu zahawm takin an brick hmante a tha tawk lo tih kha kan la hre hauh lova, hemi dinhmun hi department hnuaiah a awm si a. P.W.D. S.D.O. ten an han en dawnin department thu a ni leh daih si a, tih a kha chu hriat sual palh anih ka ring a, P.W.D. kutah pek a ni a, kan hnung deuh khan tender a ni a, P.W.D. project circle in an buaipui a niin P.W.D. building division enkawl a ni. A Department in a building sak hi a enkawl lo a ni tih a kha a chiang zawk a, bialtu hriat atan kan hriih duh a ni. Tin, enfiah turin P.W.D. kan lo ngen ang e.

Tin, Khawbung bialtu zahawm tak zawhna kha Champhaiah telephone te dahbelh tum a ni em ? Tourist Lodge ah tih kha, tunah hian detailed project ah Champhaiah khian V.I.P. ram leh Cottage engemaw zat tihbelh tum a ni a. Sanction pawh kan nei vek tawh a, sanction za a sawmriat (80%) hi min rawn released tawh a. VIP thlenna tur Room 4 dang, additional building sakna leh tuna dinhmun te khi tih changkanna te, telephone facilities pawh dah belh tum a ni, tih kha ka chhanna nise.

Tin, MR engzat nge tih a kha chu hetiang a han tih thut takah chuan an tam tham d euh a, nakinah a tul anih chuan a zawttu te kha a hranpain lehkhain kan rawn pe mai ang, tih kha ka chhanna nise.

Tin, regular chungchangah khan M.R. hi regular kan nilo, M.R. kan ni e, an ti deuh zel mai a. Regular post hi kan nei meuh silova. Churang chuan M.R. Sorkar-ah kan han dil a, min han pe a, M.R. ang a, thawk an ni deuh vek a ni tih a kha ka chhanna ni mai phawt se.

Tin, Palak Dil chungchang Saiha bialtu zahawm tak in a rawn zawhna kha Tourist lodge Palak Dil ah sawn sak hi kan tum fo mai a, tunah pawh cafeteria han riah theihna ni pahfawmin sak kan tum a. Sanction pawh kan hmu vek tawh a, amaherawhchu District Council hotuten helai hi a remlo, thil dang a tan kan ruahman a ni an tih avangin kan sa thei ta lova. Kan pawisa neih pawh a dang mamawhna tam tak la neih lohna te kan nei a. Chuta tana divert a chu tunah hian kan dil mek a ni. Sawlai District Council ten pawisa kan neihsa tawh pawh sak an remtih loh avang a ni tih kha ka han sawi duh bawk a ni.

S P E A K E R

: Khawngaihni Reiek i sawi hma kha question hour hi a tawp a ni mai a. Pu Thlenga zawhna kha a ka chhang zo lova, han chhang zo law law se a tha mai em ? anih han chhang zo ta che aw.

PU Z.H. ROPUIA
MINISTER

: Pu Speaker, helai hi ti hian hma kan han la a. Typical Village te kan han ti a, a hmaa lo sak then-khatte kha Mizo Modern Village kan han ti a. Tlawhtu pawh an awm neuh neuh a. Thlatin ang chuan chhut thiam pawh a har ang reng a, a pumpui thua an hmuh a pawh kha tunah hian an chhutchhuak mek a, tunah hian an hmuh zawng zawng engzat nge i ti nin ka hria a, a ni em? Nakinah lehkha kan rawn pe ang che u a, an la belkhawm mek a, kha kha engzat nge kan hmuh ve tawh tiin tunah hian kan in chhutchhuak mek a, tunah mai chuan kan han hriattir thei lo che a, nakinah kan han hriattir dawn che nia.

S P E A K E R

: Le, Question Hour a tawp a, List of Business angin kan kal dawn ang a. Chumi hmian Member absent te kan puang lawk ang e. Pu Zoramthanga, kan House Leader a zin avangin a lo tel thei lova. Damlohna avangin Pu H. Vanlalauva, Minister, Pu Sainghaka Member zahawm tak leh Pu K. Lianzuala, Member zahawm tak te kan rorelnaah an lo tel thei lo a ni.

Tunah chuan Presentation of Report hun kan hmang ang a, Pu R. Lalzirliana, Member zahawm tak Acting Chairman, P.A.C. chu Committee Report pahum P.A.C. Report 19-na, Report 20-na P.A.C. Report 21-na. Heng Action Taken Report pe turin ilo sawm ang u.

PU R. LALZIRLIANA : Pu Speaker, i phalna leh House remtiinnain 19th Action Taken Report of Public Accounts Committee relating to Power & Electricity Department leh 20th Action Taken Report of Public Accounts Committee relating to Social Welfare Department leh 21st Action Taken Report of Public Accounts Committee relating to Sericulture Department te hi he House zahawm takah hian ka present e, ka lawm e.

S P E A K E R : A copy kha sem ni sela a tha ang e. Assembly- ah hian Financial Committee kan tih bik hi P.A.C. te, Estimate te leh Public Undertakings te an ni a, an ni hi thla 30 chhung term nei an ni a. Kumin June ni 17 hi an term tawp hun tur a ni a. Mahse, danin inthlan tur a ti a, tin, chumi hma chuan Motion put luh ngai a tih avangin Session lai hian tih nghal a, kan thlan thar te hun erawh chu kumin June ni 17 atanga tan tur khan remruatna siam nise a tha ang e kan i a. Chuvang chuan tunah hian heng Finance Committee siamna atana Motion, an rawn put luh kan hmu a. Tichuan a hmasa berin Pu R. Lalzirliana, Action Chairman P.A.C. Motion move turin ilo sawm ang.

PU R. LALZIRLIANA : Pu Speaker, I remtiinnain Public Accounts Committee Member thlanna atan hetiang hian Motion ka moved e - 'that the Members of this House to do proceed to elect in the manner require by sub-rule 1 of rule 202 read with rule 215 of the Rules of Procedure and Conduct of Business in Mizoram Legislative Assembly to reserved as Members of Public Accounts Committee, Mizoram Legislative Assembly for a period of 30 months'. Thank you.

S P E A K E R : Hun dangah pawh kan tih thin angin a mal te te a ti lo khan han move kim sela. Tichuan a ruahin ngaihtuah mai ila, hunte pawh ahok lovin ka ring a, tha kan ti mai em? Tunah Pu Lalzirliana, Chairman Estimates Committee a motion move turin ilo sawm ang.

PU B. LALTHLENGLIANA : Pu Speaker, i remtiinnain Committee on Estimates MINISTER Member thlanna atan hetiang hian ka motion ka rawn move e. "That the Members of this House do proceed to elect in the manner required by Sub-rule

1 of Rule 202 read with Rule 254 of this Rules of Procedure and Conduct of Business in Mizoram Legislative Assembly to same as Members of Committee on Estimates, Mizoram Legislative Assembly for a period of 30 months" Thank you.

S P E A K E R : A lawmawm e, tunah Pu F. Lal Thanzuala, Chairman, Committee on Public Undertakings a motion move turin ilo sawm leh ang.

PU F. LAL THANZUALA : Pu Speaker, i remtihmain Committee on Public Un-dertakings Member thlanna atan hetiang hian ka motion ka rawn move e. "that the Members of this House to do proceed to elect in the manner require by sub-rule 1 of rule 202 read with rule 254 of the Rules of Proceedure and Conduct of Business in Mizoram Legislative Assembly to served as Members of Committee on Public Undertakings, Mizoram Legislative Assembly for a period of 30 months". Thank you.

S P E A K E R : Tikhan kan Finance Committee 3 te khan Inthlan tharna turin Motion an rawn move ta a. Tikhan sawiho vak ngai lovin tha kan ti tlang thei mai em ? A lawmawm e, khang P.A.C. motion te, Committee on Estimates te leh Committee on Public Undertakings motion te kha House-in lungrual takin a pawmpui a, kan Dan chuan inthlan tur a ti na a. House-ah hian kan la inthlang tak tak ngai lova, Legislature Party hrang hrang hruaitute inrawn tlangin rem hram ani thin a, chutiang chuan tun thla ni 14 pwh khan inrawna kan nei a, Vote thlak tak tak ngai lova tikhan member neih tam dan azir leh a remchan dan ang zelin proportion, a member kan neih hotu leh Chairman turte pawh kan siam rem tawh a ni. Chuvang chuan inthlan tak tak ngailo turah ngai ta ila, amaherawhchu inthlan hun tur hi tun Session hun chhung hi nise tha kan ti bawh a, chutiang chuan Office lamin Bulletin Part III chhuahin a inthlan hun tur a kha kan siam anga. Tin, kan Chairman tur theuha te kha kan hretlang tawh tho a, Member neih zat tur te. Chutiang ang chuan Bulletin chhuah hunah Nomination Paper te kha dan anga han thehluh ve theuh a uncontest a tling kha kan Session chhung hian puan human turin ruahmanna kan rawn siam dawn a ni.

Le, tunah chuan nimina kan Business kan tih zawh tak loh kan chawhhsan tak General Discussion on the Budget for the year 2006-2007 kan sawiho leh ang a, mimalah sawi hona tha tak kan nei a, a lawmawm hlein ka hria a, Member 11 laiin an sawi tawh a. Chuan nimina la sawi loten vawiinah sawina hun an nei ve turah ngai ila. Tunge vawiin sawihona chu han tan hmasa ang, minute 15, Leader te crawh chu hun kan pekbelh deuh thin a, Pu Lalduhoma ilo sawm ang.

PU LALDUHOMA : Pu Speaker, Democracy ramah Party hrang hrang kan awm a. Ram kan hruai tum dan mipuite hnenah puangin, Policy te, Manifesto te kan thehdarh thin a, chuta tang chuan mipuite hian duh an lo thlang thin a,

kan uar zawng te, kan tui zawng te a lo inang lova, mipuiin duh an thlana te chuan term neiin kan chungah ro an rei thin a. mipuiina an vote thin party policy leh manifesto kha kum nga lo awm tur atana a ram kaihhruai dan tura Political bible chu a ni a. Vawiin nia kan ram kal dan tur pawh hi kan ruling party in manifesto a puanchhuah anga kal tura ngaih kan ni. Democratic principle-ah chuan. Ruling party policy leh manifesto chu M.R. Worker atanga Chief Secretary thleng hian Department tinin tihhlawhtlin an tum chu an hna a ni a. ka ngaih dan a ni lo, tih hi sawi thiang pawh a ni lo. Mipuii duhtlan anih tawh avangin chutatangin kal tura ngaih kan nih lai chuan tuna kan ruling party hian kum hei chen ro an reina leh hmalam kal lehna tur atana budget thar an rawn pharh ah hian anmahni puala mizoram mi kaihhruai an tumna angin kan rama department hrang hrang hian hna an thawk em, an thawhtir em, an kaihhruai em? tih hi kan lo thir a. Chutiang ang hmuh tur chu a awm tlat lo a ni. Inthlanna mipuiin kan Vote policy kha awmia a nei lova? Kan ti ang an tih tam tak hlamchhiah a ni a. kan ti lovang tih tam tak tih a ni thung a. Chuvangin politician te hi mi bum hmang ah ngaih kanhlawh phah a ni.

Tunah hian kan Sorkar hi ama policy leh programme mumal a neih loh avangin Central atanga an rawn siam ang ang hian kan ram chu kaihhruaiin a awm ta mai a. PMGSY hi Central-in rawn siam lo sengin he Sorkar hian ama budget atangin eng kawng hi nge maw a laih ang le? Laih zawh mumal a neih ka ring lo reng reng. Anih leh NLCPR hi awm lo sela Central atang hian he Sorkar hian engnge a thawh tak ang? NLCPR hnuai major project 26 laite, kan water supply scheme te, kan Referral Hospital te, kan Bairabi Thermal Project zawng zawngte hi tih theih loh a ni dawn ta a ni. Central atangin policy leh programme an rawn duang a, pawisa an rawn pe bawk a, chu chu an lo tive tawk tawk a. Chu pawh chu a guidelines bawh chhiah, duhtthusam lo takin an thawk mai mai zawk a ni. Urban Development and Poverty Alleviation tihte pawh hi Central atanga an rawn siam sa zulzuin an tive naw naw a. Thingtiang mipuite chanvo kan sawi thin lai hian khawpuiab mi rethei tam tak kan awm tawh a. A bik taka Urban problem atan hian policy kan duan a hun tawh a ni. Chutah pawh chuan a bika helai atanga Sorkar programme siam hi pakhatmah a la awm lo. Central tih zulzui zela ni. Anih leh IWDP, BADP, NBCC, World Bank tihte leh NEC atanga programme te, CSS zawng zawng te hi la bo ta se, kan Sorkar hi a nep khawp ang. Tuna Sorkar ina a tih nia kan hriat tam ber leh sum leh pai leh development che vel hi Central atanga programme an rawn siam Central Manifesto an hman mai mai vek a ni. Chumi piahlamah chuan kan State budget atanga kan ram kaihhruai dan tur mumal tak siama budget ruahman emaw programme siam emaw hi hmuh tur sawi tham a la awm reng reng lo. IAY te, Food for work te, Free Text book leh naupang chhun chaw kan tih zawng zawng te pawh hi Delhi lamin programme an duan sa vek an ni. Chu chu helai ah an lo tive mai a ni. Inchhuanna tura a awm lo. Tu pawh Sorkar ila heng hi chu a lokal dawn hrim hrim a ni. Khawvela super power a insiam tum mek, khawvela ram ropui sawm zinga lut mek India hian India ram bung tin mai, a changkang lo lai ber pawh tih changkan an tum avanga policy an siam zar helai ah hian kan zo ve a. Tupawh Sorkar ila hei hi chu a lokal dawn a ni mai a. Amaherawhchu, keimah ni ram hruaitu ten keimah ni ramah, a bik takin kan ram kaihhruai an tumna Scheme hi engnge awm a, chumi atan chuan kan budget ah hian engnge awm? tih hi vawiin niah ka zawt duh a ni.

MIP leh BAFFACO tih hi Scheme thar awm chhun chu an ni mai. MIP chu sawi ilak a awm tawh lova kan hre theuh a ni. BAFFACO tih hi Department 15-ah Scheme a awm a Pu Speaker, Scheme thar a ni lova, policy thar a ni hek lova, heng department 15 tena an policy leh programme an lo neih sa te leh kal lai mek te belhchhah mai a ni, a enhanced chauh a ni. Fisheries Department chuan hman atangin Sangha khawi an lo ti tawh a. Chu chu a zuk belh chhah mai a ni. Chutiang bawkin Vety in Vawk an vulh a, chumi chu a zuk belh chhah leh mai a ni. Budget ah hian thii thar engmah a awm lo, hmalakna pangngai belhchhahna vek an ni. A beneficiaries thlan dawn tak takah phei chuan khaw tina kan Society tibuaia ruling party ten hleih nei taka an chetna hmanna leh politic bawhlhlawh hring chhuaktu mai a ni. Hmun tam takah chuan kumin kan budget-ah hian kum a lo tawp lunah chuan vaibelchhe 27 kan ba ang, deficit kan nei ang, a tlem ta hle mai, tiin nimin lamah nen sawi rik a nasa em em a. Nia a hmaa kan lei bat zat ai chuan a tlahniam tih ka pawm Pu Speaker. Nimahsela, keimahni own source a kan thawhchhuah a tam avanga tlahniam a ni lo, a lawmawm loh, kan State hian sum leh pai dek chhuak tam ta a. Kan leibat a lo tlahniam ta a ni tihna a ni lo, Per capita income a lo sang ta a, leibat a hniam a ni tih na a kawm miah lo. Privatization-ah mi tam tak mahni kea ding thei in kan siam ta a. Chuvang chuan kan ram hi a lo hausa ta a, deficit tepawh hia lo tlem taa ni tih na a kawm chuang reng reng lo. Chutiang lam engmah hmuh tur a awm lo BPL an lo tlem ta em a ni tih tur a awm lo, tunah hian Supply Department hnuaiah 68250 BPL kan nei a, a pung zel a ni, kiam lam a pan lo. Engvangin nge he kan leibat 27 crore hia lo nih theih tak a, a lo hniam tak kan tih chuan chhiah a pun vang mai a ni. Mipui phurrit tih belhchhah na mai a ni. Tunah hian kan Plan Fund punna hi zaah 10.66 a ni, a pung nasa tiin nimin lamah kan chhuang hle mai a, kan thenawm State te nena khaikhin chuan a tamna hi chhuan tlak a ni lova sin ! Anih leh 10% vel a Plan Fund a pun laiin kan chhiha chuan 100% in a pung a ni lawm ni, a lawmawm em ? Kan budget punna ang tai hi nisela chu kan hrethiam tur. Mipui dinhmun chawikang chuang si lov a mipuite chhiah rip zawk phurh tir anga leibat tih tlem sawi hi a lawmawm miah lo. Kan dinhmun a chhiat zia chu Central atanga tangpuina kan dawn cheng 75 min pek chuan cheng 25 kan vawm chhuah ve a ngai. Rs. 25 kan phawrh a Rs. 75 ka neih zel dawn chuan ka hlawk khawp mai. Nimahsela, State share kan neih loh avangin vaibelchhe tel engzat nge Mizorama lo lut tur hi lo lut theilo a awm le ? Chutiang dinhmunah chuan kan ding si a ni lawm ni ? Chutiang chu a ni a. Chuvangin kan budget hi ngun taka kan en chuan Revenue Account Receipt te, Capital Account Receipt te han en ta ila. Heta sum kan hmuhna tam ber chu Central atanga grant lo kal te, Planning Commission leh 12th Finance Commission atanga lokal te, Loan te, RBI atanga ways & means a kan puk te, Bank chi hrang hrang atanga cash credit kan puk te a ni. Kan Finance Minister zahawm takin Budget Speech a neihah khan ways and means ah hian vaibelchhe 63 chiah kan la tiin chhuang takin a sawi a. Nimahsela, supplementary kan pass takah khan chiang taka kan hmuh chu ways & means ruh nan vaibelchhe 424 a ngai anih si kha. Chuvangin kan Budget Speech te pawh hi a dik tawh lo, mipui an mislead em em a ni.

Member zahawm tak Pu Zodintluanga zawhna

42-na tun thla ni 20 a chhanah khan tun thla nikhat chiah a kan leibat zat a zawt a. A chhanna chu kan kawh theuhin ka ring a. Vaibelchhe 2313 tih a ni. Veibelchhe 2313 tuna kan bat mek laiin engtin nge kum tawpah vaibelchhe 27 chauh leiba neitura kan Finance Minister hian he House leh Zoram mipuite hi a hrilh theih le ? Kan budget speech ah te, kan dinhmun dik tak hrilh duh lovin mipui kan thlim dawn em ni ang ? Hei hi a diklo tawp a ni. Chuvangin, vaibelchhe 27 chauh hi kan ba dawn lo. Tuna kan bat sa pawh vaibelchhe 2313 a ni sa reng si a. Kan dinhmun dik tak hi chiang kuang takin rawn tarlang zawk ang hmiang. Kan budget a kan sum hmuh tur tam tak hmuh kan tumna te hi pui a ni a, leibat tipung tur vek tho an ni. Leibat tih tlem tum luat avang leh Central hlahh luat avanga Developmental Activity tihtlem vak ringawt hi a tha chuang lo. Ram Development in a tuar zawk a ni, kan leibat chuti zatin a tlem tih sawi chakna avang leh khulam amite hlahh avanga Development a inhrek vak te leh figure tih tlem duh avanga mipuite tawrhitr hi a diklo. Tunah hian India Sorkar chuan Look East policy a nei tih kan hria a. Asian Highway kawng lianpui pui kawng 55, ram 32 thawh turin an lai tlut tlut a, 140000 km. Vel an lai dawn mek a.

tipung tur vek tho an ni. Leibat tih tlem tum luat avang leh Central hlahu luat avanga Developmental Activity tih tlem vak ringawt hi a tha chuang lo. Ram Development in a tuar zawk a ni, kan leibat chuti zatin a tlem tih sawi chakna avang leh khulam amite hlahu avanga Development a inbrek vak te leh figure tih tlem duh avanga mipuite lawritir hi a diklo. Tunah hian India Sorkar chuan Look East policy a nei tih kan hria a. Asian Highway kawng hianpui pui kawng 55, ram 32 thawh turin an lai flut flut a, 140000 km. Vel an lai dawn mek a. President lo kal khan Pu Speaker, hetah ngei hian ka sawi tawh. Heng Asian Highway ah te leh Trans-Asian Railways ah te hian telve i tum ang a. Mizoram min tlawh dawn love tan la rawh u kan ti a. An la lo a ni ang budget ah hian engmah a awm lo. Chuvang chuan kan ram hi a tlawh dawn lo anih pawhin chung kawngui pawh tur chuan Linkage tal hi kan ngaihtuah a ngai a ni lawm ni? He Look East Policy hnuaiiah Moreh atangin Manipur Thailand tlawh turin km 1400 an laimek tawh. Mizoram chhunga kan khawpui zawng zawng te hi en ila, khawpui chhung kawng a chhe em em vek. Heng tepawh hi project lian thama kan budget a rawn putuh awm hi a lawm. Kan han zin a, kawng chu a nuam viau a, hua kan lut a a chhe em em vek khawtin hi. Hengte hi a hranpa a Budget a project siana tihtham a ni a sin. Kan ram lei zawng zawng te hi kan Truck te hian 120qt -200wtl an phurh lain kan ram leiah chuan a vai deuh thaw hian quintal 100 zia tam phurh phalloh tih a in tar vek. Hengte hi strengthen a va ngai ve, heng atante hian proposais leh Scheme kan siam a va hun ta ve Four Lane Highway tihte India ram danga an buaipui flut flut te hi Pu Speaker, kan House Leader zahawm tak hi ka zawt duh a, a awm lonain Kawnpui thlenging four lane chu a lo kal sela a dang chu three lane in a tawke, a ti pek em ni? a ti anih chuan a pawh khawp ang. Sawah Saiha ah khiah Tiau chhunin four lane hi a kal tur a ni. Kanyakumari atangin Kashmir ah, khutah Gujarat tuifnriat kam atanga khawchhak tawp thleng tura tih a ni a.

Tin, India ram kan nih chuanin kan rama lut ngei ngei tur a ni. Tin, chutiangin Vision NER 2020 te hi ka sawi duh. NEC chu reconstituted a lo ni ta a. Tunah hian Planning Commission Member pakhat chu Member pathum zinga pakhat a dah a ni ta a. NEC hi India ram pumpuia Planning Commission a awm angin Regional Planning Commission anga function tura tih a lo ni ta te hi a lawmawm em em a. Prime Minister thusawi nikum April ni 12 amite kha kan Sorkar te hian an hriatve ka ring a. Chutah chuan India hmarchhak te chunga a lawmzia te, a in pahnihna anih ziate leh a hun chhunga India hmarchhak tana tih a tum nasat zia te a inziak vek a ni. Chuvangin, NER Vision 2020 kum 15 chhung India hmarchhak hmasawna tur chu an duang ta a, kan Sorkar hian engnge a thehluh ve aw? Kumin budget-ah hian programme thar, nikum lama kan pass hnu tlema lo pung hret tih bak chu hmuh tur awm reng reng lo. Heng thil thar awmte hi engatinge ni hman tangkai nachang kan hriat loh aw?

Tukinah khan Saitual atangin phone ka dawng a, Saitual khuah chuan pawl thar an din a, party hrang hrang lungual takin chu pawlah chuan an awm khawm a. Mipui kan retheih lutuk tawh avangin kut hnathawktuten Saitual atanga Aizawl Assembly House thlenging mipuiin kawng rawn zawh kan tum dawn an ti. Chuti khawpa kan mipuite an mangan tawh lai hian India rama hmasawna thar lo thlengte chuhve nachang pawh re lova kan awm te hi a pawh tak zet zet in ka hria a. RAP an tih Restrict Area Permit te pawh hi tih tawp tum a hma kan lak a ngai.

Tin, Special Economic Zone, Free Tax Location an tihte hi tunlaiiah an uar thar em em a ni. Tripura ah te pawh an ti tan tawh a, an Industrial Growth Centre te, an Industrial Estate te kha Tax Free Location ahte Special Economic Zone-ah te an puang tawh a ni. Kan Zuangtui te, Luangmual a kan Industrial Estate te khu chutiang atan chuan tive ila, Foreign investment te pawh an lut ve ang a, kan ram hian khawvel changkanna rualin ke a pen ve thei tawh ang.

Pu Speaker, kan Sorkar hruaitute hian hengte hi an hria em? an ngaitven em? Kan mind set te tihdanglam a ngai tawh a, kan attitude te hi tihdanglam a ngai tawh a, khawvel hmasawna man pha a, Bus in min kalsan lohna turin vawuinniah hian hruaitu ni laite chuanir heng zawng zawng dawnthleng atan Budget hi siam rem a ngai ngawih ngawih tawh a ni. Call Centre te pawh Aizawl ngeih ve a va thia ve? DOEACC, Zuangtui atang ringawt te hian thalai training chhuak 337 chuan International Call Centre ah te leh IT Enabled Services ah te hna an hmu tawh. Hengiang hi budget-ah hian a lan a hun em em a ni lawm ni? Land-Custom Station kan fute pawh mi State te chuan an nei thleh thluah tawh a. Keirin pahnh kan busipui a, Zokhawthar-ah leh Tlabung-ah, a rei lutuk tawh. Tunah India Lock East policy-ah khilam South East Asian Nations zawng zawng te nen insumdawn tawna turin thil a kal riak tawh. Chutitlai karan chuan kan hmalakna te hi a muang lutuk bik a ni.

Hydel Project lian pui pui te hi India Sorkar a inhawn lai leh NER 2020 Programme hauaiah hian engah nge kan siam beli loh? Infrastructure tam tak mamawn kan nei a, an in hawn lain heng zawng zawngah hian Scheme thar kan siam a, kan ram hi hmasawn dawrh khawpin a siam theih a ni lawm ni? An in hawng a ni lawm ni?

A tawp berah chuan Pu Speaker, a chaw pawh kha lo nisela, Monitoring hi a pawinawh ber, eng ang project pawh awm sela, eirukna nen, a lu atanga chuti knati zat 4% tih ve Sorkar hotuten kan ram development sum an cut sakna ramah hian hmasawn theih a ni lo. Eng project pawh eng Scheme pawh, a fail dawn hrim hrim a ni. Chuvangin, heng kan Scheme neihra ang ang te pawh hi a guideline in a tih angin Monitoring Cell siam sela, Opposition kannte pawh min pun rawh se, NGO tepawh pun rawh se. Dic taka knathawt kan Sorkar hian a duhanh, chuan eng programme ah pawh hian Monitoring hi guideline in a phut angin siam zel sela. Chutah chuan min telh ve rawh se kan an ho ang. Tichuan, kan sam neih ang ang hi a dikin a kal ang. Chuti anih loh chuan a tharal dawn a, a pawh lutuk, hei hian kan moral a tichhe bawh, development in a thar bawh. Chuvangin, vawuinniah kan budget hi Pu Speaker, ka beisei ang a pha lo lutuk. Nikum aia kumin ah helalah hian cheng chuti zat in i tihbelh ang u aw, tih mai mai kalphung thar ti ve bawh si a, kumin mai budget panggai hlii mai sawi ho ziah mai hi a ninawm ta klein ka hria, ka lawm e.

S P E A K E R : Sawi duh kan awm mang lo a ni, nimitate pawh Khan e, phar leh hram maw, kan wize up tawh mai dawn emaw ka lo ti hman tawh a sin, Pu K. Lalriniiana.

PU K. LALRINIIANA : Pu Speaker, ka lawm e. Hei, tun kum kan Budget Finance Minister, Chief Minister ni bawkin a a rawn phar hi nikum te, jaw hmasa lamah te, a kan budget phar en chuan a chhuanawm hlein ka hria. Member zahawm tak tak te thusawi ilangpuih pawh khanin tun tuma kan budget hi a chhuanawm a, a ilangpuih tha thawkhat e, tih kha a tam zawk an ni a. Ratu bialtu khan a Leisel loh ang a ni tih kha a rawn sawi kha. Nia, keini pawhin kan duhthusam chu a ni vek lo ang a. Duhthawhna a rawn sawi a, mumang rannte pawh a rawn sawikai tho mathe pawh ka hria a, engpawh rise, duhthawhna vekah kei ka ngai a Pu Speaker. Engpawh rise, duhthawhna vekah kei ka ngai a Pu Speaker. Vawuinni a kan

budget-ah hian ka ngaihtuahnaah chuan Central Sorkar tuna mite hian nasa takin helamah hian hma an sawn tain vawiinniah pawh hian a a pumpui budget hi kan pharh thei a, a lawmawmin ka hria a. Hei hi sawi loh theih lohah ka ngai a, Vote on Account in kan kal thin a. Vawiinniah chuan a pumpuhlumin budget te kanhan pharh thei hi Central Sorkar in a sum hman leh ngaihtuahna nasa tak a a hman avang leh chutiang anga vawiinniah keini State pawn zuk ti thei kan nihna hi a lawmawm ka ti.

Tin, 2005-2006 tun kum kallai mek chhunga overdraft nei miah lova kan State Sorkar kan kal thei hi chhuanawm ka ti a, lawmawm ka ti ani. Hei hi Pu Speaker, ka veilam ami te pawn hemi chungchangah hi chuan lawmfhu pawh an sawi vein ka hria a. Helai hi a lawmawm hle a ni. Thawk tute thiamna te, hotupa berin a ngaihtuah peihna leh thiamna te vang a ni, a lawmawm tak zet zet a ni.

Tin, hei 2005-2006 a kan opening deficit te, tin 2006-2007 a surplus budget kan neih te, kumtawpa kan sum deficit avm tur crore 27.11 chiah mai an ni thei tur a hi a ropui ka ti a. Helai hi han en hian revenue deficit leh surplus chungchang han en a total an han ziahah hianin actual-in 2004-2005 ah khanin crore 106 chuang a lo ni a. Chutah 2005-2006 ah khanin crore 85 R.R. ah khanin crore 178 chuang a lo ni a. Tunah budget estimate ah hianin 135 a lo ni leh a. Khatah khan a plus hlir zawng a kan han kal chhohah hianin kan budget enkawtu te, sum enkawtu te, Sorkarin a sum hmandan te han en hian kan tha chho zel dawn nite pawn a lang a. A leh pek tur atan te pawh thil tha a hring turah kei ka ngai a.

Tin, Central Sorkar hianin kan sum deh dan te a rawn hmuh hian duhsakna kan dawng nasa a ni. Tam tak chuanin tun a UPA Sorkar an piang chhoah khan MNF Sorkar te hi BJP Sorkar te hi BJP Sorkar tawiawmute an nih avangin a sawp ang, sum leh paiah pawh an duhsak lovang, tihte an sawi thin a. Amaherawhchu, Central Sorkar hi Congress Sorkar chauh a lo ni lova, Party hrang hrang Sorkar a lo nih avang hian sum hmang thate, inrenchem te, a nihna a kal pui te hi chu a duh sak a ni. Nichina kan ngaihtlak Ratu bialtu in Central Sorkar ina a rawn puakchhuah liau liau kan hmu lo a ni, a han rigawi pawh hi sum hman dan te a dik chuan siloh chuan Central Sorkar pawh hian a hrek ve thin a. Chuvang chuan kan State hi vawiinniah chuan kang lam zel a kan kalna han en hian kan sum hmandante pawh hi a dik thawkhat nite pawhin ah hriat a, tun Session-a kan Governor zahawm takin House Addressed a pek a, Sorkar hmalakaa a rawn tarlan tam tak atang pawh khan kan ram enkawina tur atan leh kan intodelhua tur atan te, mipui tan te kan State Capital Aizawl enkawina zawng zawng mai bakah hian thingtlang khua mirethei zawkte chawikanna tur atan hian sum hi anihna tur atan a hmang chho zawk a ni. A theih ang tawk tawkin a kalpui a ni uh kha a rawn hailang chiangin ka hria a ni.

Chuvang chuan Zoram mipuite pawh hi an lawm a, inthlan Democracy kan nihna a kan in thlannaah pawh an rawn tilang thin a ni. Entiran, MIP te pawh hi thil thalo, sawi sawi chi a ni love ti ten kan han sawi Guin a. (Member zahawm tak thenkhat ten) MIP hi a nihna takah chuan ka ngaihtuah thin a. Jhum Control, Land Use Policy te kan kalpui thin a MIP te kan han ti a, NLUP kan kalpui laite pawh khan keipawn ka hriat ve reng chu Sorkar ina a tum dan leh mipuite chawikan a tum dan chu Policy tha tak tak a hmang thin a ni. Amaherawhchu, hmun thenkhatah chuan mipuiten kan zo thin lo a ni. Hmun thenkhat, khawkhat kan hriat ve ah chuan NLUP an dawnaah khan Vawk enkawina tur an pe a, tahchuan Vawk in tur

Rangva an pe a ni. Vawk hla tur Rangva an pek kha an lo hralh a, a bialtu BDO khan a zuk ngaihven a, engatinge in lo hralh mai le, hei hi hralh tur a ni lo a sin, nangmahni intunnunna tur, vawk vuhna tur a ni a, lin a zuk ko khawm a, a hralhtu te kha, anni chuan, Ka pu, hei vawk vuhna tur atan Rangva min pek kha keini Mau hnah chungah kan awm a, Vawk kha Rangva in chungah a awm si a. Vawk in min zah lovang tih kan hlau si a, kan hralh mai a ni an ti a. Chutiang chu mipui te dinhmun a ni. Kha policy kha tha takin Sorkarin kalpui thin mahse, kan zo thin lova, keinin kan lo it a. Anilo lamah kan hmang thin a ni. Chutiang ang deuh bawh chuan MIP kan han kalpui naah pawh hian Sorkar in chak taka a kalpui thin nachungin, Entirman - han sawi leh ta ila, mipui te hnegah thil chin tur a kawhhuah na kha a hralh na tur chiangsa a kalpui tan tawh a ni. Vawihnah pawh zawhna kan ngaihthlak ah kha Agriculture Minister zahawm takin kan mipui ten chiang taka ah thil thar te an hralh theihna tur atan Company hian tenen a in zawmin, agreement an sign a, mipui ten an chin a kha an hralh theih na tur atan Khan Sapthei te, Grape te, thil dangte mipui ten an chin tur Sorkarin a hralh ta a, khami a kha a lo thar chhuah chuan a bo a bang zawmova an hralh theihna tur atan Sorkarin ruabmanna a siam pui a ni. Chutiang chuan hrua orang hrang ah kan ram leitung te a thar dan a zirin Sorkarin mipui thil chin tur aruahanen sak tawh a ni.

Tun hma kha chuan kan ching a, kan thar a, hralhna kan hre thin lo, mipui te kan mangang thin a ni. Kan tha leh sum leh pai te kan seng thlawn thin, kan bua thil kan cha sen kha a thlawn thin a ni. Tunah chuan chutiang ang a awmlah natur atan kalpui a ni. Tin, mipui tepawh kan lo changkang chho tawh a, Sorkar atanga tanpina kan dawng ang chi pawh kha keimahni chhungkua ina eizawna ngial nghet a kan neih theihna tur atan, kan tu leh kan fate ro ding ni tura siam nachang hi kan hre chho tan tawh a ni. Chuvang chuan helai ah hian mipui tepawh kan lo changkang chho a, Sorkarin a hmalakna a kalpui mekah pawh ngaihtuahna kan lo hmang peih ta a. Sorkar pawh ngaihtuahna a rawn hmang chho tan tawh a ni tih kha a takin a lang chhovin ka hria a. Hei entirman, Horticulture hmalakna te, a bikir han sawi leh ta ila, Anthurium ah te pawh, India ramah chuan Anthurium tepawh a class tha pawh thar chhuah a lo ni ta a. Ramdangah pawh State dangah pawh kan hralh chhuak ve thei tawh a ni tih te kan hre vek a. Pu Speaker, chutiang bawh chuan Rose-ah tepawh hian hmanni Agriculture & Horticulture in Exhibition an buatsaih a, kan han kal ap chuta min lo hralh dan chuan Rose-ah pawh hian India ramah a ti tha pawh kan lo ni a ni. A quality tha pawh kan thar chhuak thei a ni. Mizoramah a stamp hi 700 vel kan mamawh a Aizawl khawpuiah te, chumi sia tam kan cut hunah chuan State dangah pawh kan hralh chho ve leh thei dawn tawh min an sawi a ni. Chutiang chuan mipuite zir tlak, entawn tlak tur ang chi kha Sorkar hian ngaihtuahna a hmang chho va, mipuite pawhin kan ngaihtuahna kan hmang chho a. A bik takin Anthurium ah Horticulture in hma an han laknaah hian mipuite pawh thil tak tak a ni tih hriain an rawn ching uar tan a ni. Hengte hi kan hmasawmna atan thil pawmawh tak, kalphung thar dik tak a ni tih hi Pu Speaker, sawilan thein ka hria a ni.

Tin, farmers hote pawh hi an pair chho a. Vawihna kan neih mek, engtik lai pawha kan thar theih heng thlasik thil ang chiah pawh hian mipuite kan harh chhuak tan tawh a. Intodelh pawh hi kan in todelh tan viau tawh a ni. Nizanah Doordarshan T.V. ah tepawh kan en a. Broccoli te, zikhlum te, parbawr te pawh kan lo thar ve nasa tawh a ni tih kha a chiang em em mai a ni. Chutiang chuan mai te, maipawl te, keimahni ram chhunga kan thar theih nitina kan mamawh ang chiah pawh hian Sorkar hmalakna a zarah mipuite kan thangharh chho a.

Mipuiten permanent a eizawna atan, kan tu leh fate thlenga eizawna nghet tur atan tan kan la tlang chho tan tih kha vawin hian sawilan a ngai a ni. Kan budget kan hman dik vang a ni tih kha a tariangin ka hria.

Tin, hei kan rama raw materials kan neih tun hma a kan ngaihtuah loh, Mahal ringawta vaiho in an rawn lak thin, lungdung an rawn mahal reng na chhan Mau chungchangah kan Chief Minister, Kan House Leader in theitawpin tan an la a. Vawiinniah hian kan hman tangkai a ngai a ni, a ti a. Tunah hi chuan Bamboo Chipping Machine te, Agarbati stick siamna tur atana khawli tenau ang chi te pawh mi eng emaw zatin eizawn nan an hmang tawh a. Kan Mau tunhma a kan hal ral mai mai ang chi kha tunah hi chuan tangkai zawngin agarbati stick atan pawh hian eng emaw zat kan lo hralh chhuak tain kan hlawhpui chho tam mek a ni. Tin, a chipping Industry kan neih chhoh mek pawh hi, Bairabi ah khuan Industry Department in building an han sa, a hmun an han siam fel a. Kei pawn ka zuk hmu a, ka bial chung a ni a. Khumi khu kan tih chhoh theih ngat chuan tun aia nasa a Mau hi kan hralh hunah pawh tun aia hlawk hian kan la hralh thei dawn a ni. Pu Speaker, helai hi a nihna tur anga sum kan hmanna mipui tupawhin kan rama raw-material kan neih Mau te sum tangkai zawka kan ram tana tangkai zawka Pathian min pek sa, kan hman tangkai theihna tur khan, kan Sorkar hian finna a hmu chhuak tharin sum leh paite, haichhuak tain. Chutiang anga kan Mau neihthe chu eizawn nan kan hawng chho tan ta a ni.

Tin, Sericulture ah te hian chhim lamah te pawh kan kal a. Keini Kolasib District ah te pawh a ni, Sericulture ah hian miten eizawna an hmu a ni tih hi a takin kan hmu a ni. Tin, hralhna hi an baihvai lo a ni. Chuvangin, vawiinniah mipui ten tha takin pawisa neih chhun ang ang a Sorkarin a atanpuina, a firm house tur te, rearing house tur te leh a tuina tur thlangra ang chi te, Oaven bak an beisei lo, theihmu huan an siam a, a chaw duh zawng an siam a. Khatiang ang atang khan vawiina intodelhna leh eizawna ngelnghet kan nei a ni tin Sorkarin a thei ang tawk tawk hna lakna hi mipui ten an hmu chiang a, an kalpui a eizawna ngelnghet nei turin an inbuatsaih chho tan mek a ni tih te kan hmu a ni.

Chutiang chuan kawng hrang hrang a infiamna lampangah te pawh khawvelin a lo ngaihsan a ni a, vawiinniah pawh kan hmalak mekeli pawh, kan budget-ah pawh Sport lam atan matching share kan han neih a hi, a ropui ve hrim hrim a ni. Tunhma ngaihtuah chuan hemi lamah pawh hian thalai te hna pawh hi kan Sorkar hian angai a ni tih hi sawi nawn ngaiin ka hria a. Pu Speaker, hun a lam lova, sawi tur tam tak a awm a. Sorkar hmalakna A.R.Ground nuai 600 chuenglai mai tun ang dinhmuna bul tanna tur atana Sorkarin a thailan an ni te kha thalai hma khua a ni tih kha chiangin ka hria a. Chuvangin, kawng hrang hrang a Department hrang hrangah hmalakna tur Health lamah te, Vety lamah te pawh sawi tur a tamin ka hria, Fishery lamah pawh sawi dawn ila, sawi tur a tam. Chuvangin, vawiinah hian a pangngai ang chuan kan kal lova, thil thar kan zawng a, a kal thin a ni tih hi Pu Speaker, han sawilan ka duh a. Vawin a kan budget pharh hi a chhuanawm ka ti a, a ropui ka ti a, kumdangah pawh hei aia tha zawka kan kal theih ka beisei a ni, ka lawm e.

PUR. LALZIRLIANA

:

Pu Speaker, ka lawm e. Ka hmaa sawitu Member zahawm tak khan Horticulture lam a kan than thu a sawi a. A dik a, kan thang nasa a. Horticulture hi kan ram hmel tilangu

khawvelah a ni a. Mahse, Department thang tur te an break kan dawh zel hi chuan kan thang chak lovang tih ka hlau a.

.....352/-

Kuminah te pawh hmalakna tur nei hauh lovin hetiang a kan siam zel a nih chuan tan a har ka ring a. Kan Department Officer te pawh an tan tur angin hma kan lak tir thei lo a. Hei India ram economic a changkang zel a. Chutiang chuan State hrang hrang te tan Central Government a inphal a ni tih kan hria a.

Central Sorkar hian an thawhpuite Sorkarna emaw Sorkar loh hun emaw a ngaihtuah lova. Keini India ram a State changkanglo special category a la awm, India ram uaihniamtu kan nih an hlau em em a. Chuvangin, nasa takin kuminah pawh min rawn vulh a ni. Hei hi a hma a miten lawmthu an sawi a, a pawimawh bawk a. Tin, a tu a pawh hi Sorkar ta ila, hetiang ang hian nasa takin min rawn vulh dawn tho tho a. Chuvangin, kan Chief Minister emaw midang emaw fak hleihluak kha a tulna a awm lova. Kum dang aiin 10.66% in nikum aiin a pung a ni tih kan hria a, a lawmawm hle a ni.

Ringlo miten rualkhai takin India mite an en a. Hetiang hi an entawntlak hle a. Keini Kristian State awmchhun inti chapo nan pawh hmang lek lek te hian he ringlo miten budget malkhai tak a State dangte nen min pek naah hian kan budget tur kan hmang tha ve em tih hi a hmangtute hian kan ennawn a ngai a.

Nimin lama sawitu MLA thenkhat ten deve - lopment lam a Sorkar hmasa engmah tan lakna awmlo ang a sawi nate a awm a. Heng hi a sawituten an lo ngaihtlak rual kha tumahin an awi chuangin ka ring lova. District Council kan nih lai atangin U.T. kan ni a, State-ah kan kai chho va. Khatah Khan Party tin kan Sorkar tawh a. He MNF ngei pawh hi a lo Sorkar tawh a. Tute pawhin kan phak chinah Development chi nasa takin hna kan thawk theuh a ni. Chuvang chuan, vawiin hi kan lo thleng chho ta a ni a. A chhe zawng sawi duh ta ila. Rural Connectivity kan tih, EGS ah te kawngthar laih kan han tih ang chite, kawngthar lai reng reng silo, a hmaa Truck road lo ni tawh te. New Construction anga kan han ti ngawt maite hi sawi duh ta ila thil zahthlak tak chu a ni zawk dawn lawm ni fihte hi ngaihtuahnaah min neih tir a ni. Chuvangin, Development lamah hian Party tin Sorkarna hnuaiah nasa takin kan hotuten tan an lo la tawh thin a ni tih a hriatin ka hria a.

Tin, hna Post ruak hnawhkhat duhlo Sorkar sum renchem avangin tihie kan han sawi a ni a. Hengte hi a sawina hun leh hmun a zir mai mai niin a hriat a. Vawinniah chuan Budget Session kan tan leh chauh a ni a. Helaiah hian Post ruak pawh hnawhkhat ngamlo niin kan han insawi a. Mahse, 2003 kan inthlan dawna kan Session kha enkir leh ta ula. Khalaia kan chhuan ber chu Post ruak kan hnawhkhat hnem em em a. 3500 chuang Post ruak kan hnawhkhat a ni kan ti leh si a. Chuvangin, a sawina hun leh hmun a zir hian, vawinniah chuan Sorkarna kom thum dawn a la awm a. Chutah chuan a ti thei ve lo deuh si, amaherawhchu, Ruling Party pui ten hna min rawn dil dawn a, hei M.O.U. kan sign a. A hnawhkhat theih hleih nem tih kan duh avangin vawinniah hian Post ruak hnawhkhat duh lo sorkar tiin huaisen takin kan infak mai mai niin a hriat a ni. A sawina hun leh hmun a zir mai mai a ni BAFFACOS sumte pawh crore 40 dawn lai kan hmu a, a lawmawm. Mahse, a hmanna tur lamah hian kan fimkhur lo hle. BAFFACOS hi sum lo chhuahna chhan chu Mautam vang a ni a. Mautam chuan engnge a hrin? Tutenge a victim chu? Thingtlang loneitute an ni. Mahse, thingtlang loneitute kha an chhawrna tur kawng hian Project Scheme kan siam lo a ni. Entirnan - Supply Department ahte Kudam nuai 20 chuang lai

kan han bei a ni. Kudam te hi eng a tan nge ? Buhfai dah nan, a dik zel a. Amaherawhchu, buhfai kha a free-a kan pek theih dawn loh avangin sum paia thingtlang mite hi kan vulh vawiin niah hian a ngai a ni. Chu Kudam sa tur chuan tutenge ni contract kan pek? Khawpui mite hlir an ni lovem ni ? Nuai 6 ten kan then a mi 6 te kan insem tir a, khawi veng veng amite nge? Khawpui amite a hlawm hlawmin an ni, a tam ber changtute hi, a dik lo em em a ni tih hi vawiin niah hian ka sawi duh a ni.

Chuvangin Pu Speaker, khawngaih takin heng kan sum hman turte hi lo ennawn leh nisela a thain ka ring a ni. Helaiah, Chief Minister Speech ah khan Revenue Surplus cheng vaibelchhe 135.05 kan nei dawn a ni a ti a. Amaherawhchu, hengte hi chu kei chuan ka ring vak lo. Sorkar kum serih a chellh tawh a, kum khat a nih laia a dream kha vawiinniah hian a la kalpui mai a ni. Chutah chuan Sapthei ching rawh u, tin khat hmun in neih chuan cheng nuai khat ka promise a ni a ti a. Sapthei chingtute vawiin nia tin khat hmun nei tunge cheng nuai khat hmuchhuak ta awm ? Chutiang lek a mumang angah chuan heng Revenue Surplus cheng vaibelchhe 135 lai kan neih turte pawh hi a rawn estimate chhuak leh mai niin a lang, a tak chang tur a awm hranpa lo a ni. Kan sorkarah pawisa hi a tam kan ti thin, a dik a ni a tam a ni. Thingtlangah te pawh kawng te kan lai a, kan leipse veng vung mai a ni, a dik a ni. Amaherawhchu, vawiinniah hian pawisa tam hian rilru chhia, mihan leh mite inkar a rawn siam dawn khawp mai. Thingtlang leh khawpui a awmte inkar a siam tan mek a ni. Kolduran thawhlawm atang chuan Sorkar hmasaah kha chuan khawpui ah 55% a ni a, thingtlangah 45% a ni, politics luh niah lohna thawhlawmah. Vawiin ni MNF Sorkarah hi chuan khawpui ah 62% a ni a, thingtlangah 38% a lo ni ta chauh mai. Heta tang hian thingtlangah ruaikhai takin kan mipuite hnenah hian thawhlawm, sum leh pai hi a thleng lo a ni tih hi chiang takin a hmuh theih a ni. Kan Sorkar hnathawkte a tam ber khawpui ah an awm a lawm kan ti aruh pawhin sum leh pai pek zawng zawngte hi khawpui mite hi an ni tih a lang chhian em em a ni.

Diang chuan Central Sorkar ata kan budget a pung zell kan ti a, mahse leiba a pung tuel tuel a. India rama a population wise-a chhut in leiba ngah ber state kan ni. Leiba zawhnaah kan zawt a, helaia kan zawhna Assembly-a kan zawhnaah chuan 230.13 crores emaw chauh leiba kan nei a ni. Amaherawhchu, C&AG Report 2004 a lo chhuak a, heta a landan chuan kan leiba hi 2710.745 a ni. Helaia kan chhanna te nena han en pheih chuan 397 crores ngawtin kan leiba hi kan lo chhut a chiang em em a ni. Chuvangin Pu Speaker, heti taka leiba kan ngah si lai hian hlim taka awm thei kan ni dawn em ni tih hi ka hmuh ve dan a ni a.

Tin, 2005-2006 budget speech ah chuan chhiah thar lakna tur a awm lo a ni a, a lawmawm khawp mai. Amaherawhchu, chuti chungin Revenue Department-ah te nasa takin kan leiman kan ti pung a. Nuai 22-in a pung a ni tih kan hria, zaah chuan 2006-in a pung a ni tih kan hria a ni. Chutiang chuan electric bill-ah pawh 25% lai a lo pung leh ta nghal a. Mireitheih hrut zawng zar zarin he Sorkar hian chhiah leh fee te kan la a ni tih ka sawi duh a ni. Central hriat lova nun kan tum dan hi a halthlak hlein ka hria a, kan budget speech-ah chuan chhiah thar lak lehna tur a lo lang leh ta lova, a lan loh lai pawhin tikhawp hian kan tuar a, a lanna kawng leihlawn leh tui metre-ah pawh kan la dawn a ni. Heng atanga kan han lakna turte kha ngaihtuah hian a lungchhiat thlak ka ti. Minor irrigation-ah an siam chhiatia te khawthlang lama an siam chhiat zia te he House-ah ngei pawh tun Session-ah ngei pawh kan sawi a ni. Chutiang lai chuan ei leh bara intodeih kan policy a mih mek lai hian kan lo neitute hrut zawng zelin chhiahte kan lak mek anih chuan a lungngai thlak hlein ka hria. Bi leh

barah kan intodeih ngai lo ang tih ka ring. Pu Speaker, Sawthing man Trade and Commerce-ahthe vawinniah a leina tur an dah ka hmu lo. Mahse, he Sorkar hian Vai hoin an lei iam duhin a rate a that apiangin he Sorkar hi Sawthing ah a inrawlh ve ziah mai. Mipui min tibuai thin, kumin hi Sorkar inrawlhna tur a ni dawn lawm ni? Rate a awm lova, Sawthing chingute an mangang a. Hralh ngaihna an hre lo a ni. Mahse, kan Sorkar tha chuan mipui te harsatna a ngaihven dawn lawm ni. Chutiang nilova a rate that kum apiangin eitur a tui hang a awm ve a ni tih an hriat avangin an inrawlh a, min tibuai ziah thin a ni. Chutiang chuan Sawthing kg-ah Rs. 20/- atanga Rs. 70/- a hralhna rate hria kan Chief Minister hi kum 7 a lal tawh kha, a hriat kha kuminah hian rawn lachhuak ang hmiang.

Kan sawi tawh angin, Sapthei tinkhat hmun rawh u, tinkhat hmun inneih chuan Rs. 1,00,000 ka promise che u a ti a ni. Vawinniah hian Sapthei chingute an mangang a, a rate a that loh lutuk avangin hralhna an hre lo anih hi. Chutiang chu tunah hian rawn inlar chhuak rawh se, Mautam avanga pawl lo ding Political Party a rawn inlet leh ta, MNF Party hian buai chiah a dawn a ni. Kum 2007 ah hian kan Chief Minister zahawm tak hian tun lmaaa Chief Minister te chuan a tuihang hawpna department PWD te Power & Electricity Department te, PHE leh Finance Department te an la chat thin a. Kei chu Chief Minister ka rawn nihve chiah hian department te Horticulture te, Agriculture te kan ram ei leh bara kan intodelhna tur leh a tuihang siam tur hian ka lo lut a ni a ti a, a fakawm ka ti.

Amaherawhchu Pu Speaker, vawinniah hian a hmaa Chief Minister te a duh loh ang chiah khan department mawm P.W.D. te, Power and Electricity te, Finance Department pawisa awm zawng zawng na khuahkhirh tur chuan a ni hian a la ta. A bu a let ve chiah a ni, MNF Party a lo ding a, Mau tam dawn khan. Mautam dawn chiah hian kan Chief Minister zahawm tak hian a department lak duh loh kha vawinniah hian a rawn la ta chat chat a ni, a tawp a hnai tawh a ni tih vawinniah hian ka sawi duh a ni. Tunlai thil awmzia kan han hmuh hrim hrim hian kan ram hi a buai, Sorkar hi a buai chuan ram hi a buai vek tih kan hria a, chutiang chuan kumin hi bul kan tan dan, kangmeiin bul kan tan a ruzanah pawh Marpara-ah in 4 lai a kang leh ta. Nitin, kartin deuh thaw in kang, mipui manganna kan hria, nitin deuh thaw accident awm pawh kan hria. Chutih lai chuan Pu Speaker, vawinniah Aizawl khawpuiin an ngaihven ber chu Lalroutmawii zai a ni, Lalroutmawii zai hian engnge a entir, lungngaihna thlamuantu kan mamawh tih a entir a ni. Khawhar zai a sa thin a ni, kan lung a leng a ni. Vawinniah hian thlamuantu kan duh a ni, thlamuantu an awm lo a ni kan ram hruaitu teah hian. Chuvangin Pu Speaker, kan Sorkar hi kan sun mek a, kan sun ral tep tawh a ni tih hi ka sawi duh a ni ka lawm e.

S P E A K E R

Thil pakhat nimin khan kan Member pakhat Khan State leiba ngah ber kan nih ka ring tih tawngkam a hmang a. Nichinah khan Saitual bialtu thahnem ngai khan leiba ngah ber kan ni

ti deuhin ka hria a. Rinthu te hi chu ni ta sela, kan ni em tih laia kha inhrial theih tak a ni a, ka tawngkam hi tlema a prove-na kan nei anih chuan thudang nise. Puffling deuh hleka (Interruption) Nia, ka lo ngaithla fuhlo emaw ni. Kan tawngkam kha tih a that ka ring a. Pu Andrew Lalherhiana ilo sawm ang.

PU ANDREW LALHERLIANA :

Pu Speaker, ka lawm e. Budget kan khel dawn a. Kan budget Amount zat velle kha chu sawi ngai lovin ka iria a. Demand kan pass zat tur hi crore 2360.29 a ni a. A lawmawm kan ti

tilang hle a. Mahse, Budget hi kan State dangte India ram ngoi pawh an hian present hian beisei na chu tiang hi a ni thin a. He budget ah hian mipuin engnge kan lo beisei dawn. He Budget hian job engzatnge a siam dawn thalaite tan leh mipuite tan engzat nge a rawn siam dawn ? tih hi an lo en thin a ni. Tahchuan hei India ramah UPA Sorkar te pawhin hna a pawimawh a ni, hnathawh tur hi mipuite pawn kan lo nghah a ni e tin UPA khan fel takin an minimum programme ah pawh khan mipuite chanvo tur National Rural Employment Generation Programme an puang ta a. Chutah chuan miretheite Sorkar hnathawk awnve lo te kumkhatah ni. Tahchuan hei India ramah UPA Sorkar te pawhin hna a pawimawh a ni, hnathawh tur hi mipuite pawn kan lo nghah a ni e tin UPA khan fel takin an minimum programme ah pawh khan mipuite chanvo tur National Rural Employment Generation Programme an puang ta a. Chutah chuan mirethei te Sorkar hnathawk awm ve lo te kumkhatah ni 100 chhung tal hna an neihna turin hnathawh tur an siam sak ta a. Employment Generation ropui tak a ni. Chuvangin, tum tum budget te kha ropui kan ti a ni. Vawinni hian kan budget bu sawifiahna kan Chief Minister rawn sawi kha han enve ta ila, he budget speech-ah khan. Eng hna nge a siam tih kan hmu zo lova. Amaherawhchu, hna lampang chungchang thu sawi chu hei hi a ni mai a ni. Some of this measure are in the form of non-filing up or abolition of post as well a ti a. Hna ruak hi kan hnawhkhat lo mai a ni lovang a, hmaruak awmsa te pawh hi kan pah bo zel dawn a ni a ti a ni. Hnathar hawn helai buah hian ka hmu velo reng reng. Chuvang chuan mipui mipui beiseina tur thalai hna neilo ten engin nge hna an neih theih ang tih hian sawi dawn hian khalaiah chuan hna awmchhun pawh kan pah bo dawn a. Tin, a ruak thenkhat pawh hi kan hnawhkhat dawn lo.

India ram hi tuna hian a buai em a Central Sorkar in engtin nge hna an siam theih ang tin khawvel Company hian hotu Bill Gates a te lo kal pawhin State Guest ropui tak angin an lo treat a, an duh ber chu hna siam thei an nih avangin, India ramah hna tam tak I.T. revolution avangin rawn siam se an duh a ni. Bangalore ah khuan chutianga tha taka an lo dawnawm thin avang khuan thlatin hna hi a thar nuai khat a awm e an ti a ni, hnathar nuakhat zelin a beih a ni an ti. Chutiang khawp chuan hna hi an ngai pawimawh a, amaherawhchu, he budget buah erawh chuan hna awmsa pawh kan fill up dawn lova, a then phe chu kan pah abolish dawn a ni tih a lang a ni. Chuvang chuan a mangan thlak viau dawn a ni.

Tin, budget han en hian an en leh ber chu engtin nge mipui hian kan tawrh tur leh tur loh kan hlawkna a awm em tih a ni. India Budget Parliament a an pharhah khan engnge kn hmuh zaah 7/8 zelin a thangdawn a. Chu mai nilovin chhiah kan lak belh lovang a, tam takah hian chhiah kan ti tlem dawn an tih a rawn tilang a. Chumi a rawn sawinaah chuan Pu Speaker, Chanchinbu te pawhin dream budget atihna chhan chu mirethei te tan kawng a in hawng a, ei tur thilah te, tin, Motor Car pawh a te lampang ahte onmon people in an chan ve theih tur ang chi kha, khangah khan chhiah a tlem avangin mi Car nei thei lote pawhin an nei thei dawn a, chhiah a tlem dawn a ni an ti a. Chuvang chuan chhiah tlem ram thang bawk si, hna pung bawk si, kha kha budget tha leh tha lo an sawina a ni a. Chutiang chuan Indian budget thar kha a ropui kan ti. Mahse, vawinniah chuanin chhiah kha a hmasa berah budget pharh hmam kum lak lawh lain nasa em emin Revenue chhiah an ti sang a, za a sang ten za a sing ten an ti sang a ni. Chu mai pawh chu duh tawk lovin he budget-ah hian tlem a mipuite tawrh

lohna a awm em tih han en leh ta ila. Chhiah Saitual biaitu zahawm takin a sawi ang khan anrawn sawi leh a ni. The Govt. is intending to start collection of small amounts of To-ll on road an bridge from 2006-2007, motor nei chuan kan hre vekin karing a, road tax kan pe tawh a ni. Motor te kawng a kan kal avangin road tax kan pe a ni. Mahse, khami piahlamah khan vawin niah chuan leih lawn zawh man te kan pe dawn a. Tin, kawng te pawh Motor in a zawh hmam mihringin a zawh tur nge ni a, kawng zawh man pawh kan la pe dawn a ni. Chhiah pung zel hi a manganthlak a ni. Hei vang hian vawinnia kan budget hi mipui tan lawmna a awm tlat lo, lawmna a hnekin min la hrek telh telh zel a ni tih a chiang em em a ni.

Tahchuan kan budget hi han analyse ve ta ile kan thiam ang tawkin. Chumi hma lawk chuan nimin tlaiah khan lehkhah a lo thileng a. Chu chu Account at glance tih kha 2004-2005 ah khan. Chutah chuan Mizoram leiba kha pheh 8-naah hian 2005 kum tawpah khan kan leiba zat arawn thlanah chuan vaibelchhe sanghnih leh za sarh leh sawm leh nuaih sawm sarh leh pali leiba kan nei anih kha a chiang nghal a. Chutah chuan vawinnia kan budget pharhah hian han en ta ila, Consolidated Fund-ah khan han en ta ila, hei Account-ah hian chiang takin hmuh turin a awm a. Kan pawisa hmuh tur reng reng lo kha vaibelchhe sang khat leh zakua leh sawmruk leh paruk leh nuaih sawmkua leh pali a ni a. Vaibelchhe sangkhat leh zakua sawmnga leh pakua, nuai sawmruk leh pahnih a ni. Kan hman tur a chu sangkhat leh zakua leh sawmruk leh paruk leh nuai sawmkua leh pali a ni a. Chuvang chuanin, Consolidated Fund atanga kan pawisa hmuh zawng zawng leh kan hmanchhuah tur zat han chhut khan kan surplus zawng zawng a ni tih hi chiang takin a awm a. Nuaih sasarih sawmthum pahnih leh point sawm leh pakua in kan Minus zawk a ni. Kan Budget Bu kan en hian. Engainge surplus anga anrawn thlan kan tih chuan Public A/C pawisa anrawn belh vang mai mai a ni. Kha kha Public A/C a ni a, Public A/C pawisa hi engnge ni tih kha chiang em emin he Budget Explanatory-in a sawi a. Public A/C chu Sorkar pawisa a ni lo Sorkar hnathawkten an hlawh atanga an Provident Fund te leh an hlawh pung tur atanga pek lohva compulsory a an deposit sak te, chumai bakah chuan hei min hna an thawk a, Sorkar ah Department hnenah Bill an la thei lova. A chhan chu K. Deposit-ah dah a ngai an ti a. Mi pawisa lak tur lo dah sak a K. deposit te, Khang ho belhkhawm a kha Public A/C a lut khawm a ni. Chu chu Mizoram Sorkar pawisa a ni lova, Sorkar hnathawk pawh Provident Fund leh chutianga an cut sak a, an dalikhawmna leh K. deposit awm khawm, Mizoram Sorkar pawisa pakhatmah awm lo kha an han belh a. Chumi an belhna atang chuanin a surplus a tam an ti a. Amaherawhchu, Mizoram Sorkar hian kha Public A/C kha a khawih ni min leiba nghal zawk a ni. Hei hi engti zia nge a surplus lampang zawnga kan belh thin tih hi a nihna dik takah chuanin he pawisa, Public Account pawisa hi Mizoram Sorkar hian a khawih ni a hman ni chuan leiba a ni nghal zawk tlat a ni. Public Account pawisa han belhna atang chuan, tichuan kan lo surplus reng alawm mawle tiin vaibelchhe 29 leh nuai 63-in kan surplus e tih kha kan Chief Minister pawhin a lo sawi a ni. Sorkar pawisa ni miahlo Public Account a mi dawn avanga surplus a lang hi a dik takah chuan surplus ani reng reng lo. A nihna zawk takah chuan kan leiba dik tak zawk, he budget dik tak han en a kan hmuh tur chu kha Consolidated Fund -a Account atanga pawisa hman tur zawng zawng leh lo lut zawng zawng khatia han buka a deficit zat ai 730 leh deficit amount sain he budget hi amount a awm a. Chutah chuan vaibelchhe za leh sawmnga paruk leh nuai sawmsarih pali a awm ani. Khami te pahnih kan belhkhawm chiah chuan tun tuma he budget hi a minus daih zawk, minus vaibelchhe za leh sawmruk leh pali leh point zero zix a ni. Hei hi anihna dik tak zawk a ni.

Public Account pawisa Mizoram Sorkar pawisa tel miah lo, Sorkar hnathawk GPF a dah pawh kan belh a kha surplus na tuna kan ti anih chuan keimahni leh keimahni kan inbum ang. Chuvang chuanin he budget hi a tawpah lo en chiah mah rawh u kan minus viau ang. Kan Account pawisa hi hmang zo chiah ila Sorkar hnathawkho deposit hi kan reading-ah chuan khatiang zat khan vaibelchhe 164.06 khan a deficit a. Chu chu kan dinhmun dik tak a ni a. Chubakah chuan nichina ka rawn sawi ang khan leiba hi pungchho zel a awm a. 2005 tawpah khan vaibelchhe 2710.74 leiba awmsa a ni a, a belhchho zel dawn tihna a ni tlat mai a ni, awmzia a awm lo.

Tin, kan Plan Fund pawh hi i enfiah teh ang u, han bihchiang chiah ila kan Plan Fund pawh hi a lawmawm vak lo a ni. A chhan chu Plan Fund hemi Central Sorkar ruahmanna a rawn siam ani a, Mizoram Sorkarin a pawmpui chiah hi en ila, opening balance-ah hian Plan Fund-a kan han siam dawn hian deficit sain vaibelchhe za leh sawmkua leh pakua Mizoram Sorkar khan opening deficit a nei a ni, Plan Fund-a siam dawnin. Chumi hnawhkhahna tur chuan negotiated loan an la chho ta a. LIC atang ten NABARD atangte IDBA khatiang hrang hrang atanga pui khawm kha crore 69.76 a awm ta a. Market borrowing ah khan nuai 38 a puk leh a. Chutiang zel suan State a Sorkar hnathawkte pawisa deposit provident fund atang khan crore 38 a puk leh a. Chutiang zel chuan State a Sorkar hnathawkte pawisa depositprovident fund atang khan crore 105 a puk a. Khangho belhkhawm zawng zawng atang khan opening deficit balance kha an han rul ta phawt a. Chumi rullna chuang chu crore 40.75 a awm a ni. Kha kha State-in kan contribute ve tur, kan leiba rullna bang, kan leiba tho kan pukin kan opening deficit kan rul a. Kan rullna atanga bang leibain a siam tho kha States own resource a ni. Chu chu crore 40.75 a ni a. Tahchuan kan Plan Fund a kan pawisa hmuh dik tak chu Central Sorkar atang khan crore 717 a ni a. Kan puk kan belhkhawm nen kan belhkhawm khan crore 758 a ni.

Chumi awmzia chu he plan budget-ah hian plan fund-ah hian Mizoram in leiba kan neih sa hi crore 100 chuang fe a awm tlat mai. Chumi chu kan leiba tur, nakina rawn tlingkhawm leh leiba rawn tipung zel tur anih avangin plan fund-ah pawh hian keimahni contribution nen a in co-incide a leiba awmte nena belhkhawmin plan fund ah crore 758 kan hmu e kan ti a, kan sawi uar viau a ni. Mahse leiba zel atanga rawn insiam thar a awm lova, mipui tan chhiah chawi tur aawm a. A pung chho zel a. Tin, a deficit a ni tih hi he House hi ka hrih tlat a ni. A dik chiang em mai. En mah rawh u, chu deficit budget kan neih chu a zahthlak e tiin surplus anga sawi taih kan tum. Nakumah te en chiah ila, kan leiba hi a pung sauh ang. Chuvangin, he budget ah hian lawm tur pakhat mah a awm lova. A awmzia takah chuan keimahni hian thawh chhuah kan nei ve lo a lawm. Thawh chhuah chu nei chho ta ila, chutiang chuan hma la ta ila, engtin nge revenue, earning kan neih ve theih ang tia hmalakna tur hi awm ta se chuan kan budget hi a lawmawm viau tur a ni.

Chutiang pakhatmah hmuh tur a awm loh laia tawrhna tur hrih budget kan keu thin hi awmzia a awm lovin a lungngaihtlak viau a ni. Chunga leiba chawng awm chho zel tura ni tih kha kan sawi duh a ni e ka lawm e.

S P E A K E R

: Budget hi a har fu mai a, kum hnih vel chu (MOS) Finance kha kan nei ve a. Tun thleng pawhin ka la thiam lova, sawi sual path te pawh hi thil awm thei ve tak chu a ni a. Kan

.....358/-

zirchian tlan theuh zel hi a pawimawh khawpin ka hria. Pakhat sawina hun a la awm thein a lang a. Tunge han sawi ang ? Nge, kan chawh rih mai dawn em ni ? Chawh lam hi kan awn deuh riau thinin ka hre mai a, nimin te pawh khan.

Minutes 15 chu kan in pe tho ang chu sawi duh kan awm chuan. E, Pu Nihara sawi duh maw ? a ni hi tun Session-ah hian a la ngawi tlat mai a, Pu Nihara i sawng ang.

PU NIHAR KANTI CHAKMA : Pu Speaker, ka lawm e. I am happy to participate in the General Discussion on the Budget for the year 2006-2007 presented by the Hon'ble Chief Minister on 14th March, 2006.

Since, it is the General Discussion Pu Speaker, I'll take the advantage to speak some of the problem faced by our people due to International Border Fencing. Pu Speaker, as you know that Border fencing is under construction. As you know Sir Mizoram shares near about 318 kms International Border with Bangladesh. And this 318 km will be fenced by 2007. What I would like to inform is that people in general were not opposed to the fencing but the problem is that this fencing destroyed vast tracts of cultivable land including agricultural lands houses were destroyed and even garden were destroyed. So, the people in the western belt of Mizoram who are residing particularly the Chakmak along the western border will be affected. As per the instruction of the Home Ministry fencing would be constructed one fifty yard inside the actual boundary then, our people are living enact within the range of this one fifty yard. So Pu Speaker, here is one question, one thing we must remember is we have to resettle this people and how to resettle them even the Govt. also does not know anything about the fencing. I spoke to the Chief Minister regarding the compensation and I have requested the Hon'ble Chief Minister and Revenue Minister also to send the Revenue Officer for assessing the damage carried by the fencing. As per the report available to me, the Home Ministry Govt. of India has allotted this fencing work to 4 different companies. No 1 ie. Engineering Project India Ltd (40kms) Demagiri to Mauzam and 2) National project construction corporation NPCC under water resource Ministry from Hlabung to Jamulsuri (55kms) and the third is the Border Road organisation (70 km) from Jamulsuri to Parva. The rate is allotted to NBCC. Pu Speaker, the fencing is already under construction what I mean to say is the people are in panic because their cultivable land were destroyed. Yesterday I received a message from Marpara NBCC destroy the House while constructing the fencing.

Therefore, it also damages to the vast tracts of cultivable land due to which one has to lose its livelihood. I would like to say here that many villages even within my area will remain outside the fencing e.g. the Villages like Nunsury Tablabagh, Kalapani, Likhisuri, some part of all these villages will remain outside the fencing, now what will be condition of those villages after the construction of Fencing. Even in the Buarpui Constituency, Tarabonia Village will remain outside the fencing. Now the Govt. should take the initiative. And 2 request that Govt. of Mizoram to send the team of legislators to assess the villagers and how to re-settle them inside the Boundary. As we know that Karnapuli is the main source of River and we are using the River Kornafully as a cheapest means of transport, also for drinking, for bathing, if fencing all these facilities. Therefore, Govt. should come forward before fencing is completed. All these Govt. facilities should be made available. So that they can happily settle in their respective places.

Pu Speaker, the Govt. should take the appropriate action regarding this. It is a sad thing in the Governor Address, the Governor did not mention anything about the Fencing. And the matter is very serious and urgent intervention of the Govt. is required Pu Speaker!

Since yesterday, I've been hearing Ruling and the opposition were charging against each other regarding conduct of V.C election the ruling Party must bear that money involvement in this election is very high. The more you spent the money, the more correct you become! eg. If the Candidate spent more than his capacity after winning the election he will try to recover all those money so it use the corrupt practices we are enjoying the fruit of Democracy, if we enjoy the Democracy in a corrupt way we can never devoted! Pu Speaker, Lastly before the presentation of the Budget as the representative of people we expect that some development activities considering our constituencies. But when budget is presented we see nothing the budget has given importance the collection of taxes like collection of tools roads & bridges in the form of water less in Minor Irrigation, this surely will effect the common people Pu Speaker, in a simple language in the Rural Area the people differentiate Budget, good Budget and bad Budget. If money reaches to the common poor people it is considered a good budget. The sums money does not reach to the Rural people, this budget is a bad budget in a simple term, Pu Speaker, but the Rural people has got some relief after passing the National Rural employment granted scheme by the Hon'ble Prime Minister Dr. Manmohan Singh under the guidance of Mrs Sonia Gandhi. I Congratulate them it will gratefully help the rural people at least they will be getting some employment for about 100 days. With these few lines Pu Speaker, I conclude my discussion thank you.

S P E A K E R

: A lawmawm e, minute 3 tling tawhlo a awm a, kan chawihsan mai a tha tawh lawm ni. Pu Nihara sawi kha nia, a budget lai tak kha a sawilo naa Bangladesh nena kan ramri India Sorkar ina hung a tih avang khan chhungkaw tam tak an eizawna te harsatna te an tawh phah ngei dawn thu te a rawn sawi a pawimawh hle mai a.

Mizoram Sorkar-ah chuan Home Department hi a modal an niin ka hria a, an Acting Leader hi Home khawihthu a ni bawk a, nakinah wine-up naah khami chungchangte kha Member te min bengvar thei a eng angin nge hmalak theih a nih tihte min bengvar theih chuan a aawmawm khawpin ka ring. Chawl rih ila chawhnu dar 2-ah kan thukhawm leh dawn nia. Sitting adjourned at 1 : 00 p.m.

.....360/-

9th Sitting 2 : p.m.

DEPUTY SPEAKER

: Le, kan business kan chhonzawm leh ang a, tunge bul han tan ang ? Aw Pu Rohluna ilo sawm ang.

PU H. ROHLUNA

: Pu Deputy Speaker, ka lawm e. Hei Budget General Discussion, 2004 December a kan neih khan, kan House Leader berin hmun dangah tulin min kalsan tawh a.

Nikum March thla a kan neih erawh kha chuan a awm a. Tun tumah hei tul dangah kan ram tana thil tha tiah ngai ta ila, min han awm loh san leh a. Ngaih pawimawh chi hrang hrang te tianga Member ten kan rawn sawi chhuah te chhinchhiah ngai leh umzui ngai ang chi te pawh hi a ni ber a, a awmlah hi chuanin a ho leh thin ang tih hi thil hlauhawm tak a ni a. Ka hriat theih theih kan sawi hmasa duh hlek a.

Tin, vawiinniah Finance lama mite emaw, Officer lian tepawh chawhma lam kha chuan an awm tha viau a, chawhnu lamah hei an hmel alo lang leh ta lova, a Official lampang te pawh hi tiang lamah pawh hian Department hrang hrang ami te leh kan budget chungchang hetiang zawng hian ni deuh se tiha Member te ngaih pawimawh an han sawi ang chite pawh hi tun ai hian attention hi min pek sak thei deuh hlek sela chuan a tangkai leh deuh turah ka ngai a. Nia, hei budget hi Pu Deputy Speaker, I dinglam amiten lawmna tur hi an hmuh tam viau laiin, a lehlamah chuan helam amite pawhin kan hmuh hmaih bik lo a ni. A lawmna tur awm ang chiah hi chuan tihte pawh hi min hriatsak se kan duh a. Kan budget lo pun chhoh nate pawh hi han sawi hlam vakna chi pawh niin ka hre lova, kan state thenawmte leh state dangte leh a India ram state hrang hrang amite han punna nena han khaikhin chuan kan chuti teh lua bik lova. Amaherawhchu, a kiam lam nilova a pung lama kan kal zel ve rawh hi chu thil lawmawm tak a ni.

Tin, Central a kan Sorkar ah te lawmthu Member tam takin an sawi tawh a, kum sawm hnua hian budget puilling a hun takah hetiang pharh theih hi a vawihnihna nikum leh kumin tun hun hi a ni a. Hengte hi Central-a kan Sorkar, iuna U.P.A. Sorkar dinglaiin tha taka ram tana hma an lak chhoh zelna avang a ni tih hi vawih niah a lang chho zel a niin ka hria a. Hei, thu lawmawm, thil lawmawm tak a ni a. Helaiha kan sawi thin a. Kan State Sorkar hi an peng puite, a party ang zawng te pawhin kan nilo anih pawhin min thliar hrang chuang hauh lova, hetiang a kan ram tan a tha taka thil ruahmanna min neih sak zel hi a lawmawm a. An entawntlak hlein ka hria a. Helai kan Sorkar tepawhin chutiang zel chuan kan ram chhunga Village Council hrang hrang te tan pawh hian a Opposition lam an ni emaw a Ruling lam an ni emaw thlei bik nei lovin mipui tan a Sorkar sum leh pai awm ang ang te hi chu han hmang ve se tih erawh hi chu kan ngen duh a ni.

Tichuan Pu Dy. Speaker, hei budget hi kan pass thin a, a tam lam te pawh kha i dinglam amite pawn an sawi uar thiam viau thin a. Nikum lamah te pawh a ni a, nikum lam performance te eng ang nge anih tih

hi a hmunah kalin sum leh pai development pawisa te pawh an hman dan te hi kan zuk chian vek seng lova. Chuvang chuan actual expenditure an neih dan te pawh hi Planning & Programme Implementation Department in nge a eng Department ber in emaw a bu ang tepawh hian han la khawmin anih anih loh pawhin a Department hrang hrang tepawhin an performance a hi kum kalta a mite hi a buin emaw han siamchhuak ta selangin. Chutiang chuan helaiah budget discussion kan neih laite pawh hian a in enlet nan te hian hmanraw tangkai tak anih ka ring a. Chu chu kan sawilang tel duh baw k a

Tichuan hei budget speech kan Finance changtu kan Chief minister zahawm takin a budget speech kan han ngaihtlak te leh a bu atang tepawhin nikum a Budget Speech leh kumina mite chu a in chhah hleih ang reng khawp a. Nikumah kha chuan kumihar a hmalak dan tur te, Department hrang hrang a mite kha an ngaihpawimawh zualte tarlan a ni a. Chumi zulzui chuan Member te tan pawh hian han sawi zawm hi a rem em em a. Amaherawhchu, kuminah chuan chutiang chu tarlan a awm ta miah lova. Nikum Budget Speech a tarlan tak Department hrang hrang a ngaih pawimawh tih tur anga rawn tarlan te kha tih hian a awm ta mangio em ni? Kuminah hian khatiang khan tih a awm ta lova, hei tarlan pawh a awm ta lova. Keini ang tan phei chuan a bangbo thlak ang reng khawp a, Budget Speech atang ringawt a han thir phei chuan chu chu a bu pawh hei a pan hle a, nikum amite phei kha chu phek 30 chuang nitein ka hria a. Department hrang hrang in hma an lak dan turte, an ngaihpawimawh laite kha tarlan a ni a, kuminah hi chuan tarlan pawh a awm ta lova, ti hian a tawi thei ang berin budget speech neih a ni a. Chuvang chuan kum thara hmalakna turte hi tarlan vek sen a ni lo tih chu kan hai lova kan hria a. Mahse, a tlangpuite hi chu Department lamin an tih baw k siloh hi chuan han tarlan tel phei chu nitasela chuan helai memberte tan pawh ngaihtuahna hman zui hi a awl phah deuhin ka ring a. chu chu kan sawilang tel duh baw k a ni a.

Tin, nikum Budget Session-ah te chuan Technical Department P.W.D. te, P.H.E. te, an rawn tichhuak a, kuminah chuan khangte pawh kha a bu kan la dawng lova, hengah te hiania an hmalak dan turah te pawh a hnungtawih zawngin kan kal leh ta deuh em ni ka ti a. Department dangte pawn ti thei se, tih hi helaiah Member ten kum kalta lamah tepawh khan kan sawilang thin kha a ni a. Mahse khatiang khan sawi awm lovin tunah hi chuan a department lo ti thinte pawhin an rawn ti tel ta lova Budget pharh rualin. Development Department te hi chuan an Work Scheduled-te emaw, Annual Action Plan te emaw hi chu May thla vel talte hi chuan Member te hi min han pe thei a duhawm hlein ka hria.

Tin, P.W.D. te, P.H.E. te, P&E lamte chuan an rawn ti thin a, a lawmawm hlein ka hria a. Department hmalakna a hming mahni bial ve angah tepawh hian kan hriatzui pui ve thei a. Chu chu thil tangkai tak a niin ka hria a. Development Department dang dang tepawh hian hemi zul hi chu han zui ve deuh hlek seng chuan a thain ka ring a. Chu chu Pu Deputy Speaker, rawtna a ni pahfawmin ka ngen duh baw k a.

Tichuan Agriculture Department hian land development atan te, pawisa a nuai sawm tel tel a 100 chuang te dah a ni thin a. Chutiang atan sum leh pai an dah tepawh hi khawilai hmunah nge hna an thawh a, eng angin nge hma an lak tih tepawh hi hriat ve tepawh a chakawm a ni. An hnathawh dan tepawh a dik takin kan zuk hmuhpui lem lova, an pawisa hmandan te hi hengah

nge, khawilai hmunah nge an hman a, khawiah nge hna an thawh tih tepawh hi hriat theih mang loh hian tihianin a awm thin a. Chuvang tak chuan ani ka tih ni. A sum leh pai an hman na te hi Annual report angin emaw anih loh pawhin, actual expenditure an han neih dan a kha, helai a lumpsum total a khaikhawm ngawt lo hian a hna timing leh location te nen hian a sum leh pai an hmanna kum kalta ami kha rawn tarlang theiin khang kha. Member te hi a bu te pawhin min han sem ve thei seng chuan Sorkar tan pawh an achievement tarlanna ani ang a, chutih rual rual chuan kan Sorkar hmalakna hi kan hriatpui ve a, helai hi chu hetizawng hian ni deuh se tih te, tin an tih thatna laiah hi chuan lawmthu pawh kan sawi anga, sawi pawh kan sawi mai tur a ni. Mahselangin khang kha hriat theih tak tak pawhin a awm lova, tihian a bik deuh hian kan kal niber te hian, a chang phei chuan kan hria a. Chuvang chuan khalai kha kan ngaih pawimawh deuh avangin kan sawi uar hmasa duh deuh hlek a ni a. Tichuan Budget Speech ah hian, ni e, a uar lai deuh tura sawi lan hi Buffacos te, MIP te roads and bridges (kawng leh leilawn te) tin, human resources an han siamthatna atana education te, tin Health care ah te poverty alleviation chungchangah te leh Sports infrastructure ah te tarlan a ni a. Buffacos chung chang te hi kan sawi ri tam em em a, sawi tam loh theih pawh hi a no lova. Hemi Budget Speech ah hian Para hrang hrangah a thu mal hi a lang hnem berin ka hria a, han chhiar hian. Chuvang chuan kan Chief Minister ber te pawhin a uar em em a ni a. Amaherawhchu, hei hi tuna kan kalpui danah hi chuanin a lungawi thlak lohvin ka hria a ni. Chuvang chuan ennawn ngun deuh hlek hi tha in ka hria a. Baffacos changtu a Department hrang hrang te hian a kalphung pangngai ang lo deuh hlek hian in ennawn leh thei sela. Chuita tangchuan mipui tan tunaia tangkai zawk deuh hlek tur hian kalpui theise tih hi ka duh tak zet a ni. Entirman, Fisheries Department -ah te hian bial thlan bik deuh te an han nei a, keini bialang ah te hian Sangha Dil nei an awm ve thluah a ni. Tin, nei chak tak tak pawh an awm, Sangha dil siamna tur atan Buffacos atanga tanpuina Sangha dil neilo te pawh pek theih anih chuan tiin kan bial atan hian kan han sawi ve dek dek a, in bial chu a huam ve lo intih san te hi anih avang hian ennawn chu a tha viarvin ka hria a. Min an dawng a ni, an hmu ngei a ni tih kan bial mipui ten an hre ve bawk a. Mahse beisei ngam loha a awm ngawt te hi chu a dikin ka hre lova.

Tichuan, MIP chungchangah te pawh hian, tunah phei chuan kan bialah MIP Sorkarin a kalpui tih an hre tawh lo reng reng, chutiang chu a ni. A tirah chuan sum leh pa an sem tlauh tlauh a, mahse, a kalphung kan thlak e an ti a, a tawp leh daih a. Chutiang vel chu anih avangin mipui intodelh tak takna atan he MIP hi a hmantlak dawn lohvin ka hria a. Chuvang chuan a kalphung hi ennawn leh deuh chu a ngai a ni. Mirethei khaichhuahna tur atan a kan tih hi kan khaichhuak tak tak dawn lovin ka hria a. Hei pawh hi tuna kan kalpui dan ang ngawt hi chuan nuai sang tam tak bona ram a ni ringawt dawnin a lang a ni.

Tin, poverty alleviation chungchangah hian Pu Speaker, hei kan kalpui dan hi en uluk a ngaiin ka hria a ni. Vawuinniah thingtlang mipui retheih dan hi kan Sorkar hian a hre phak tawh lo niin ka hria a. Rs. 50 kawlo chhungkua an tam lutuk tawh. Chutih lain chhih kan tipung a. Mipui kan run a., hriatthiam a harin ka hria. Chuvang chuan BAFACOS kan kalpui danah pawh mipui thleng phak rawh se. Mipui hi hi chhih pe thei tur hian siam phawt ang hmiang. Min nitina an eitur an ngaihtuah lungngaih em em lai hian an ipite atanga pawisa zenchhuahna tura he budget kan siamte pawh hi thil pawt tak a niin ka hria a. Tunah hian Irrigation-ah te pawh chhih kan la dawn niin a hriat a. Ka sentence kan zo phawt Pu Deputy Speaker. Irrigation ah hian han la dawn tak tak ila, tuna Agriculture record-ah chuan tam tak Mizoramah an siam a ni mai thei. Chung base-a an tih dawn phei chuan a chhe vek tawh mipui ten a hmantlak tawh lo, leilet tui a pe tawh lo a ni.

Chuvangin, heng angte pawh hi hetia Sorkarin a bua a chhut ang ai ngawt chuan a sum luttur hi a tlem ang tih ka ring a ni. Chu chu kan sawilang duh bawk a ni. Sawi tur a tam, ka titawp mai ang e Pu Deputy Speaker, ka lawm e.

PU RASIK MOHAN CHAKMA : Pu Deputy Sepaker, ka lawm e. Vawiina Kan budget General Discussion ah kan sawi hmasak duh chu. He Budget hi kan hriat chian duh chuan rilru dik tak put hi a thain ka hria a. Khatah khan Judicial lo deuh awm na chungin, kan State dinhmun dik tak leh India ram dinhmun process kha hriatthiam a ngai a. Rilru ruahman deuh a kan siam chuan thil dik lo tur leh dik lo pawh kha kan hmu thei lova. Tin, awmdan dik pawh hi kan hmuh theih a hlauhawm a. Chuvangin, helai Member te hian hetiang rilru put hi a pawimawh em em a ni.

Kan dinhmun dik tak hi engnge kan tih chuan mahni engmah kan neilo state kan ni. Engmah income thawhchhuah a awmio a, State tan income awmchhun chu Land Revenue te, Road Tax leh Power Tarriff uih loh hi chu kan State hian mahni thawhchhuah income kan nei lova. Lehlamah Central Sorkarin Annuall Plan Fund min allot dawn khan engemaw chen 10% Loan angin min pe phawt zel a ni. Chubakah Loan lak tur NABARD, Provident Fund atan te external agency atang khan loan a awmsa a. Chuvangin, Loan kan lak duh loh chuan Annual Plan Budget a tlem ang a. Pawisa a tlem na na na chuan thawh tam a har dawn a ni. Chuvangin India ram Financial system hi eng State pawh hian hnathawk tam apiang an ba tam a. A system in a kentel avang khan. Chuvangin, kan bat tam lutuk te kan buaipui a, bat tam hi tha ka tihna ni lovin kan State hian a intodelh theihna tur kawng zawng a pawisa puk pawhin infrastructure Development te, industrialisation te nakinah min pe let leh tur scheme hisap a kalpui hi thain ka hria a. Khami rual rual khan kan Administrative Cost hi tihlem a, Development lamah Activities titam turin hma lak a ngai a. Administrative Cost tihlem nan Office Expenditure te, Salaries head-ah te tihlem zawnga hmalak a ngai a.

Chuvangin, he budget hi a tha em em a ka hriatna chhan pakhat chu kan Administrative Cost hi tihlem zawnga hmalak zel a tha ka ti a. Chumi rual chuan Development Activities ti tam turin hmalak a ni bawk a. Kan Chief Minister, Finance changtu ni bawk hian a Speech ah pawh a lang a. Kumin Budget-ah hian 62.95 hi Development Activitites atan ruahman a ni. Chuvangin, a thain ka hria a.

Tin, heng thil kalpui zel tur chuan Ratu bialtu sawi ang khan Mindset hi a pawimawh em em a. A bikin mipuite kawng dika hruiai tur hian House Member ten Mindset dik tak put leh kan thilsawite fimkhur a ngai a. Dik lo taka Mindset pu chungka ka sawi anih chuan mipuite hi kan hruiai sual thei a. Chuvangin, Pu Deputy Speaker, i veilama thu Member te khan Central atanga Scheme a awm loh chuan he Sorkar hian engnge a thawh ang le, engmah Policy duan tha em em an nei hleinem ti zawngin an sawi a. Central Sorkar hian duhsak tak a sum min pek te hi lawmthu pawh sawi ta che u tih kha, lawm nachang hrelo angin an sawi a, hetah hian kan thil hriat tur chu kutdawh anga Sorkarin a Scheme min pek anga kutdawhte hnena mi pawisa pek a, kutdawh ho lawm tur anga

lawm turin min phut a ni. Kan hriat tur chu India Sorkarin National Policy a siam reng reng hian India ram bungkhat kan nihna angin National Policy zawng zawngah hian Mizoram mipuite pawh kan telve a ni. Khatah khan engemaw out of city khawngaih thlak lutuk tih zawng a min pek anga rilru min puir an tum dawn em ni? kha kha diklo taka ngaihdan min siam an tumna niin ka hria a. National Policy a Scheme awmte hi India ram tan an siam a, kan telve a ni. Khatah khan lawm em em emaw hnuaihning deuhah awm turin min phut em ni aw ka ti a. Chu chu ngaihdan diklo tak niin ka hria.

Tin, diklo taka min hruai theihna dan chu lehlamah mahni leh mahni intodeihna tur ti a oil resource kan nei lova, eng engemaw chhiah lak te kan sawi sel ve ringawt a. hei Water resource te tools scheme te ram changkang ah chuan hengte hi an tihdan phung a ni, engemaw thil thar a ni lo. Chuvangin a fel em em na tur awm pawn ka hre lo. Chuvangin, mipuite hi diklo taka hruai a, hetiang Sorkar tan harsatna siam tumna rilru hi ngaih dan diklo a ni. Khatiang Sorkar tan harsatna siam tumna rilru hi a dik lo tih hi ka ngaihtuah a. Khatah khan indap chi engemaw Sorkarin engemaw chhiah lakna tur tham kan neih loh na na na chuan lehlamah Central Sorkarin eng emawzat kan thawh chhuah tur min phut ve bawk karah khan chhiah lak theihna awm chhun chhunah kan lak mai loh chuan kawng dang engnge awm le? tih kha ka ngaihdan a ni a. Member zahawm tak ten a ni lo zawnga sawi hi pawh ka ti em em a.

Tin, thil diklo employment generation chungchangah sawi pawh hi employment tihah hian a bik takin Sorkar hnathawk LDC Grade IV tih ang reng Officer tih ringawt hi employment ah kan ngai hi a dik lo. Employment generate tur hian khawvel khawi ramah pawh hian employment tam ber chi private sector a ni. Sorkar hnathawkah hian mi zawng zawng hna hmu tur hian tu Sorkar mah hian an la siam chhuak lo. Kha kha Private Sector Employment generate tur chuan he Sorkar hian hma a la nasa a ni. Chungte chu kawng tha tak lai te, Industrialist te, abundant raw materials hmanga Industry dinchhuahna tur te, khangte kha employment generate na tur kawng tha ber a ni. Sorkar hnathawk chu Sorkar inrelbawina tur a tawk awm chu Sorkar-in a la reng ang. Chuti lo chuan Office a run theih lovang a, hei tuman sawi a ngai lo. Sorkar run tur chuan L.D.C. engzat nge ngai, Peon engzat nge ngai, Officer engzatnge ngai, tih chu tumahin kan demand loh pawhin an la tho tho dawn a. A ngaichin kan lak loh pawhin Office a run theih dawn lohva. Employment generate kan duh anih chuan mipuite chhawr theih tur zawnga kal a ngai a ni. Helala House zahawm taka thu kan sawinaah pawh hian hetiang zawnga thu sawi uar ila, mipui ten thil dik tak an hre thei ang a. He ram hmasawna kawngah hian thui tak kan pui thei a ni, tih ka sawi duh ve a ni.

Tin, he budget-ah hian thil thar tehchiam a awm lo an tih hi kan Member zahawm takte hian an prejudice deuh hlek emawni aw ka ti a. Thil thar thil lawmawm a tam hle a, a bik takin contact farming kan tihite, Employment Generate land tha em em farmers te hanthatna siam te, an harsatlohna tur an siamte hi thil thar lawmawm lutuk te a ni a.

Tin, Education lamah hian quality Education lamah pawh hian Cambridge University nen tangkawp a, training pek tur te, colaboration turin hmalakna te an nei a.

Tin, NCERT ah teaching method awm zawng zawng hi Mizoramah an letling te, mini-dieat paruk lai siambelh awmna te, hengte hi quality education kan pek tur hian thui tak min pui dawn a. Khangte kha thil thar lawmawm lutuk a ni tih hi ka hmuhdan a ni a.

Tin, Pu Deputy Speaker, main subject bawkah khan kal leh ila, tun budget session ah hian thil lawmawm deuh pakhat awm leh chu Pu Deputy Speaker, i veilama thu zahawm tak te hian kan Governor hi Session chhung hian an fak mawlh mawlh mai a, chu chu thil lawmawm tak tak a ni. Governor swearing in boycott tu ten. Tin, nikum lawkah pawh khan he House address laiin chhuahsan tuten amah Mizorama awm theihlohna turin hma chi hrang hrang an lakna te khan tun tum Budget Session ah hian a ding apiang hian Governor thatzia, felzia, Mizoram a hmangaih zia an sawi a, khang an thil sawi atang khan an rilru putdan hi Zoram mipuiten an hrechiangin ka ring a, hrechiang turin ka ngen bawk a kei tehluh hian. Khatiang chawp leh chilha ngaihnan thlak thei only for political mindate turin engemaw ngaihnan thlak thei te hian Zoram mipuite hian tihdan kawng an thiam ka ring flat a. He ram hruai tur, hmasawna thlenna kawng rinlak loh tur zia kha an hre tulh tulh dawn a, khangte kha rilru dik tak, mind-set dik tak pu turin kan sawi tam ta hle a, an mahni tawngkama inawk leh turin ka hmu thih a, a pawl ang reng ka ti khawp mai a.

Chuvangin, heng thilah a tawp ber atan chuan he ram hruai tur veilam a thu emaw dinglama thu emaw thudik tak, kan nihna dik tak sawi chhuak fo tul hian kan ngen duh bawk a, tawk mai e, ka lawm e.

PU LIANSUAMA

Pu Deputy Speaker, point tam vak lo ka ngaimawh zawng han sawi ka duh a, nikum budget session khan minor irrigation hnuuia AIBP sum leh pai hman dik loh chungchang ka sawi chhuak a, vawiin ni hian ka duh aiin a reh rei ta a, Agriculture Department hnuuia minor irrigation wing hian tui lak a siamah chhuah kan la dawn ngat anih phei chuan khalai a vaibelchhe 7 chuanga nuai 78 vel khuangcherbo ta kha a chungchang ka hre duh a ni. Vawiin hian sawi a remlo anih pawhin a demand kan sawi niah chuan hriat kan duh dawn a ni. Tun tumah hian AIBP ah an scheme of finance-ah khan vaibelchhe 25 lai irrigation siamna tur atan a lo lang leh a, a lawmawm khawp a.

Nichina Ratu Bialtu zahawm tak sawi ang khan pawisa hi anihna ang taka kan hman chuan a tam tham khawpin ka hria. Chuvang chuan tha takin siam sela, loneitu leh leilet neitute hian tui tha takin haw se, tui bill pek an hrehin ka ring lo. Mahse, pawisa kal tawh leh tuna kan hman tum mek atang hian leh nikuma kan sawi atang khan kum khat chhung hian eng rah chhuah nge kan hmuh tih crawh kha a demand kan sawi niah chuan hriat ve ngei a tulin ka hria.

Tin, Pu Dy. Speaker, ram chhuah chungchang hian sawi a hlawh hle a, hemi chungchang thuah hian keini party pawhin kan Chief Minister kan hmu tawh a, kan ennawn leh dawn nia a ti a, kan unau INC hotute pawhin an hmu tawh a. Chutiang tho chu a ni a. Hei kan mipuite tan tun dinhmunah chuan a rit hret a ni. Chuvang chuan, hemi siam tha leh tur hian kan Session chhung hian kan hotu lian zawkte aw hriat a chakawm khawp mai. Hemi thuah hian Gazette a lo chhuah veleh khan Revenue Minister pawh thahnemngai

khan Revenue Minister pawh thahnemngai takin kan hmu a, an han ti hniam hret na a, a chhiah petu tur tam ber ngaihtuah chuan ennawn leh ngai a ni a. Kan Sorkar te hi an fel ang reng khawpin ka hria a, hotuten a ni love an han tih hi chuan an aw thei zel a.

Chuvang chuan tun tumah pawh hian vantlangah leh he House ah pawh a ri zing ta khawp a, kei pawh chu chu kan auchhuak ve a ni. Heti laia Member lo kal khawmte hi chuan chhiah kan pe thei vek anih pawhin an mipuite hi an tlalab khawp mai. Hei hi erawh chu ennawn a ngai khawpin ka hria a. Tin, chutih ruala thil dang kan sawi leh duh chu India ram kan accounting system hrim hrim Central leh State tin tena tuna min tuk dan kal hmangin kan State pawh a kalve tho a. Saitual Bialtu zahawm tak khan kan Loan outstanding nikum March 31 ending a rawn sawi a, a dik a ni. Vaibelchhe 2710 a ni a. Mahse, kunin December thla tawp kum kaltaah kha chuan vaibelchhe 2147 a lo ni hniam ta a, vaibelchhe 463 in a lo hniam hman ta a ni. Chuvang chuan, loan hi a pung ang a, a hniam ang a, a pung ang a, kan la leh ang a, chu chu a kaldan tur chu anih avangin kan tawng finance tur atan hian loan components a awm hrim hrim avangin tupawh Sorkar sela, hei hi a awm tho tho ang. Vawina hian kan loan hi zero pawh nise, he budget finance na tur atan hian cheng vaibelchhe 260 chuang loan-a a kai leh dawn tho tho avangin zero pawhin kal ila, loan kha chu kan nei leh tho dawn a ni.

Chuvangin Central pawhin RBI-ah loan a la a, World Bank-ah loan a la a, Asian Development Bank-ah loan a la a, khawvel ram hausa ber America ram pawh hi leiba a neih mai bakah deficit finance in a kal ve fo a ni. Chuvang chuan keini State-in leiba kan nei hi a mak hranpa lova. Tichuan Khawzawl bialtu zahawm takin a rawn sawite pawh kha khalam ringawt ngaihtlak kha chuan hmulfhi a ding thei hial a. Mahse, kan budget explanatory memorandum phek 4 leh phek 5 hi en ila, revenue account-ah chuan kan hmuh tur aini kan hman tur a tem a, vaibelchhe 135 zetin surplus kan nei dawn a, revenue account-ah chauh a ti a. Tichuan, Capital account te a sawithla zel a, consolidated fund pumpui leh chumipiah lama contingency fund leh public account zawng zawng belh leh paih chawhchhuah vekin kum a tawp meuh chuan vaibelchhe 27-in kan deficit cheu dawn a tihna mai a ni a. Chuvang chuan han buai vakna tur tehchiam pawh a awm lo. Mahse, vanneihthlak takin phek 4-na chung ber hi en ta ila, Budget Estimate-ah vaibelchhe 156.74 a opening balance deficit a awm lai hian nakuma kan opening balance tur niawm tak chu vaibelchhe 27 vel chauh a lo ni tur hi a tha thlawtin ka hria. Chuvang chuan fiscal management ah hian Pu Dy. Speaker, i dinglama thute hian kan ti tha, kan ti thliah thliah a. i veilama thut tum hian an ti thalo kan tih chhawk mai mai a ni.

Chuvangchuan, vawina kan budget hi tunhmaa kan ruling nih laia kan budget nen hian chuti luain a danglam teh vak lo. A vanneihthiakna erawh chu Central atanga Pu Dy. Speaker, keini pawh kan Minister ve lai te leh kan Sorkar lai ai khan khulam an lo pawk ta tial tial erawh hi chu a vanneihthlak ngawtin ka hria. BADP ah rau rau pawh hian hman te ngaihtuah chuan sang tak a ni. Ratu bialtu zahawm tak khan khulam pawisa lo kal lo selang chuan engmah thil thar a awm hlei nem, a ti a. A ni reng alawm, State tin hi khulama inngat a bikin Special Category phei chu kan ni deuh vek a ni. Assam pawh khuan Delhi lam pawisa hmu lo selang chuan eng ual an ni bik lova. Kan nih dan ve hrim hrim a ni. Chuvang chuan helaiah thil thar a awm love tih emaw hmuh tur a awm lo tih pawh hian hmana a kaldan leh Central Sorkarin Account system min tuk sak angin a kal a, loan kan la zel ang a kan rul zel ang a, Plan fund grant 90% min pe ang a, 10% chu loanin a kal zel ang a. Chung kan loan turte pawh chu annin min ngaihtuah pui zel ang tih hi thu dik tak a ni. Mahse, thil pawimawh tak chu heng kan pawisa neihchhun hi a hman tangkai chungchang thuah

erawh hi chuan uluk a ngai a. Kan Minister te vawin nia Department hrang hrang enkawltate hian Planning Department-ina pawisa charvo tur an pek hnu hian a hman leh zelna tur hre miah lova Budget Session-a an lo kal thin erawh hi chu tihdanglam a tha khawpin ka hria. Sectoral allocation an awm hnu hian kan Minister te hian chu chu Budget wise-ah hian engahnge kan hman dawn Salary engzat nge kan hman dawn, hnathawh nan engzat nge kan hman dawn tih hre mang lovin hman atanga tun thleng hian kan la awm chho zel a. Helai system erawh hi chu thlak danglam ngai ngawtin ka hria a, hei hi ka ngaih pawimawh zawng kan sawi ve bawk a ni.

Central atanga pawisa lo kal emaw State Finance ringawtin anih loh chang hian Private-te pawhin kawng an lai a, Power Generation-ah hna an thawk a, Water Supply-ah hna an thawk a. Amaherawhchu, heng kan tih dawn hian kan tihna hmun tur leh a pawisa lut tur mipui tena harsa kan tih chungchang thleng hi chu kan kal loh ka ring a, chulaite chu kan sawi kai duh zawk a ni.

Pu Deputy Speaker, nikum April thla khan Mara District Council Area-ah inthlan kan hmachhawn a, tin, October thla khan Lai Autonomous District Area chhungah Inthlan kan hmachhawn a. Tichuanin nikumah vek December thlaah Kawrthah leh Phuldungsei bialah MLA Bye-Election kan hmachhawn a. Chuta Election Campaign-a ri ring tak chu Direct Finance chungchang a ni. Kum 1087-1988 lam deuh tawh khan Congress-a kan la awm ho lain Governor Special Power tipung turin Central-a Pu Rajiv Gandhi-a te an Sorkar lai daih tawh khan kan chhuah a, tichuan Governor power chu a lo sang ta khawp a, a hun laia a tha dawn emaw kan tih kha a lo tha lo hlein ka hria. Chu mah mah chu a tha lo anih chuan (District Council Area-a kan hotuten min lo ngaithiam sela) Direct Finance in sawi hmuh hi kan ram tan a tha a ngem ? tih hi ka ngaihtuah a ni. Kan duh tak tak maw, entirna atan - Assam-ah Bodo Territorial Council a lo piang ta a, Assam Sorkar atang chuan a indang ta tih kan hria a. Inthlan dawn a tlin duh vanga kan ram tana tha silo hi kan sawi thin a ni em ? Chuvangin tute nge U.T. dil ? Chumi Direct Finance hi han sawi hmuhin a tak tak lo ni ta sela kan ram sahthlakna tha tak bul intanna anih ngei ngei ka ring. Cachar nena kan border buaiah thahnem kan ngai em em a. Kan chhim lam unauten U.T. te an dil mek a. Chuta tanpuina tha tak chu direct finance hi a nih ka ring. Chuvangin kan ram pum tan hian a tha ang em tih hi ngaihtuah a ngai khawpin ka hria. Party-a kan thawhpuite an ni thin a. U.T. dil chungchang thua hming sign tu zawng zawng kha kan ram trana tha tak tak an ni.

Kawrthah leh Phuldungsei bial bye-election a lo thleng a. Direct Finance a ni leh a. kan Opposition leader, kan hotupa kha chen kan zui kha Finance Commission Member te lo niin Chief Minister hun rei tak, Finance Minister pawh lo ni tawh a ni a. MLA bial pahnih khat hi a hran bikin, Central atangin a enkawl theih ngai dawn emawni le ? Chuvangin zirtir tul lote hi kan inzirtir tel em ? Anih leh hetiang hian kan sawi teh ang. Helama thu zawng zawng hian contest lovin I.N.C. M.L.A. zahawm tak takte hi pakhat tai han bang ula, chuh lovin tling ta ulang, Central atangin direct finance a lokal inring em chu bialah chuan. Chuvangin, Mizoram mipuite kan kal felna tur atan hian eng kawng zawng lovin budget kan sawiho hian Pu Deputy Speaker, i veilama thu ruling kan bei deuh a. Ruling lam hian financial management kan ti tha a kan pung a ni kan ti mai a. Hei hi chu a kalphung ve a ni mai a. Chu aia thuk zawk chuan kan ram tan hian pawh kan khawih phah em tih erawh chu tun hnu hun kal zelah kan ngaihtuah pawimawh khawpin ka hria.

Chutiang zel chuan Pu Dy. Speaker, ka ngaih pawh mawh pakhat han sawi leh ka duh chu education ah hian khawvei an intihsiak nasa a. India ram a tuna changkanna, he Session chhung pawha kan sawi, India ram a lo hausak tial tial na a pawisa an lak luh tamna ber chu service sector service industries a ni. Manufacturing ah Service industries-ah miten sum a la lut nasa em em a. Call Centre leh thil chi hrang hrang kan hre ve ve det det a. Kan thalaite hian service sector-ah I.T. Telecommunication leh a dang dangah entirnan - IIM-ah, I.T. ah kan tu leh fate kan produced ta lo reng reng. Tun hma chuan keini hun te i ti ve tawh mai teh ang, Thiamna lamah kan nula/tiangvai te IAS, IPS Sipai Officer ah an lut zut zut a, kan hnam phu tawh chuan kan lut tha khawp mai. Enga ting e vawin niah chutiang in tihsiakna sangah chuan kan thilalai te hi an tel ve phak tak loh! kan tih chuan Education a but thut atang hian keini heti laia lo kal khawm hianin kan hre thiam phalo anih pawhin consultancy firm tha tak rawih akhawi lai hi nge kan natna kan chawi chhuah loh chuan helai hi chu tih hmaih chi ni lovin ka hria.

Pu Dy. Speaker, nimin piah lawkah Matric Resut a chhuak a, High School 65 matric an nil thak, an fail vek. Sorkar Sikula tam em em mai bawh si a. Chuvang chuan engati nge han dem lohna lai tak, Higher & Technical education ah tuna kan budget pawisa pass tur 100 zel a 11 pek a ni a. Chuvang chuan heti lai hi thalalai nakina kan ram kaihruaia he House-ah te lo thu a, kan Kohhran leh kan khawtlang kaihruaia turah hian nu leh pa in kan tu kan fate an zirna investment kan ti lal ang hian education-ah hian kan ti lal ngei ngei tur a ni. Chuvang chuan chumi ruala kan budget kan thil hian kum hmasa lam ai chuan a tha hret a. Cambridge lam tenen kan tang ho dawn tih te, Science Stream hi High School-ah kan introduced tak tak dawn tih te kan hmu a, a lawmawm ka ti khawp mai. Hei aia tam hi a pawimawh a, pumpui a han keu thawh thawh in he budget hi a chhiatna lam uluk taka han zawn chuan a tam ang. Mahse, a thatna lam nena han buk hian kum hmasa aia a that hretna chu kan dedicit tur forecast hi a in la hlei ta em a. Revenue Section-ah rau rau Surplus kan ngah thei ta hle mai hi chu a chhuanawm khawpin ka hria. Chuvang chuan Pu Deputy Speaker, Pu Zosiaman a ti mathlawn lovin sawina hmun lam hianin a zir ve pakhat a, chuvang chuan, tuna kan sawi atang pawh khan uluk taka ngaihtuah duh tan chuan ka tum a chiangin ka hria. Kan ram tana thatna turah hi chuan sawlama thut leh helama thut hian rilru a la inpawh khawp mai. Thalo chu kan ngaipawimawh tiang a. a tha pawh kan duh tiang a. Chutah chuan kan intawh khawm thin a ni.

PU LALRINLIANA SAILO :

Pu Deputy Speaker, ka lawm e. Hei Budget Session laiin kan House Leader zahawm tak kan Chief Minister a awm lova. Minister te pawh hi budget hi thalo an ti nge an awm mang lova. Ka rilru ah chuan a awm a, kan budget pawisa ruahman hi 1966 crores a ni a, Mautam te an ni dawn chho a, khawvei hi a inher danglam dawn emawni chu aw ka ti a. Chuvangin Luka te kan lo zir nen Nagaland atangin thlarau miten he ram hi an rawn vei tawh em a, engemaw tak hi kan tawh dawn emaw chu aw ka ti a. Ngeni, I dinglama thute kha an tan ni leh thla hi a eng tawh dawnlo nge ni thlarau boruak tha a pialral ram an chak chuan a lawmawm turah ngai ila. Pu Dy. Speaker, kan budget hi a buatsaih tuten thahnem ngai takin an buatsaih a, budget thalo a ni e han tih tiawng hi a tha chuang lova.

.....369/-

Amaherawhchu, han fak chiam a, a thatna lai tur han thlir hian a vang viau a ni. Tin, i dinglam a awm ten an fak a, a lawmawm e, amaherawhchu, kan sawi tawhin ka hria a. Ministry in a rawn tih atang khanin a tlahniam ta dawrh mai a. 1999-2000 ah pheih chuan 8.11. a lo nita a ni. Vawinah hian Central-ah kan Economy tlein ka up chho e kan ti a. Sorkar te kan Treasury Bench te pawhin an rawn fak a, a lawmawm a. Chutih rualin hemi Ministry i dinglama thu ten Sorkarna an lak hnu hian ten point something vel bak hian a punglo reng reng a ni. Chuvangin, financial management ah hian an tha em em lo a niawm mange ka tih chu hei hian a tichiang hle a ni. Tunah kan ngaihla zo chauh a, Phuldungsei bialtu zahawm takte chutih laia Ministry tawh tute an ni a, ka fak khawp mai. Management a tha hle a ni tih a chianna chu 20 velin a pung vek a ni. Chuvangin, in enlet chu a tha hlein ka hria.

Pu Speaker, tunah hian a pawimawh chu fiscal deposit kan sawi kha tuna kan sawilai mekah hian 121 crore zet a lo nita a. Outstanding Debt fiscal deposit atanga awm hi kumtin pung ve zel a ni tih hi chu kan hretlang a ni. A hnawhkhah nan hian puk emaw Tax revolution emaw share dang atangin emaw chu a ngai hrim hrim a. Chuvangin 2006-2007 budget a Public Debt payment atan 128.05 crore ruahmannah tel tur a ni ta hial a ni. Tin, a principle ruh nan hian hi a ni leh nghal a, interest nen crore 206.87 a ngai kan tih tawh kha. Chuvangin, 2004-2005 ah khanin 181.49 crore anih lain 2005 ah chuan 295.96 a lo tling daih a ni. Chuvangin tunah hian ngun deuhin chhut ila ka hma a thusawiutte khan an hlaulo a. Kei chuan an hlaulo anih chuan an fimkhur nan a tha ka ti hrim hrim a. Special Category State-ah hian tunah hian a ratio rate-ah kan sang ber niin ka hria a ni. A chhan chu 2002-2003 ah khanin 8.56% a ni a. Tin, min dawtu chu Himachal Pradesh a ni. Tin, Sikkim an nileh a, anni hian Resources an nei tha em em leh nghal a, keinin kan nei si lova, nichina kan ngaihtlak ang khan an neih loh avangin mipui tuar zawngin kan nei ta chiam mai lehngal a ni.

Chuvangin, advance estimate-ah chuan nakum kumtawpah chuan ka rin danin 90% velah chuan kan chhoh ka ring. Kan chhoh loh chuan a lawmawm ngawt ang. Chuvangin, tunah hian tha kan intih rualin a ruk takah chuanin kan thatna em em a langlo a ni. Tin, 12th Finance Commission khan a report 9-10 ah 75% a pello tur a ni tia a rawtna kha a chiang em em bawk a ni. Chuvangin, kan budget a tuna Pu Speaker, surplus revenue nei thei kan tarlanna hi a reality tak takah chuan a ni thei lo hrim hrim a ni.

Kan ngaihla tawh a, tuna C&AG report hnunung berah khanin khatiang kha a ni tawh a, nikum khan 223.18 crore a ni a. Chuvang chuanin a tak taka mipuite Zoram mipuiin kan chhut chuan kan surplus sawia hi thudik lo leh rintlak rinduap tak a ni hrim hrimin ka hria a rintlak a ni lo a ni. Chumi anih vang chuan a niin ka ring a Pu Speaker, hei 12th Finance Commission report bak hi pawisa kan hmu dawnlo reng reng a ka hriatve chinah. Hei hi han chhut han chhuta han en chuan engatinge Fiscal Management a hi ka tihfuhlo tawp nia ka rinna chu Man has expenditure for mother irrigation ah hian Mizoram in 4.39 crore kan neih lain, Meghalaya chuan 37.63 crore a ni. Meghalaya awn Nagaland ka tihna Meghalaya 39.14 crore a ni, kan va inthlau em em ve. Tunah hian State lian leh State ropuite chu State hlun tawh chu kan in compare thiang hauh lovang. Chuvangin, Finance Commission report-ah hian theih ang taka mipuia sawi sia a tak nisi lo a hi apawi ka ti a ni. Hei hian a rawn sawi chiang em em a ni.

Tin, Maintenance for expenditure for added for rights and tihah pawh hian Mizoram in crore 120.25 kan neih lain Meghalaya chuan crore 290 an nei a ni, 290 point a pungie. Chutiang zel chuan food subsidy ah tepawh hian Pu Speaker, engatinge rethei leh a thuam ngai zawka hi hetu em em a Mizoram in 4.45 crore a hmuh lain Nagaland chuan 9.95 crore a hmu daih a ni. Meghalaya chuan 11.55 kan va thlau em em ve. Thitithei leh project siam thiam har ka ti a ni. A tam mai, hemiah hian a in ziak teuh mai. Tin, chutiang bawk chuanin heng ang General Education ah tepawh hian Mizoram in Crore 869.99 kan neih lain Nagaland chuan 1,230.08 a nei a, kan in thlahna chu crore 360 zet a lo ni. Tin, Meghalaya in crore 1,424.64 a ni a, 371 chuangin kan thlau bawk a ni.

Chuvang chuan kan Zoramah kan Budget leh mipuite kan enkawl dan leh kan sum leh pai enkawl dan leh kan sum leh pai enkawl dana hi kan fimkhur tawh loh avangin min rawn restrict zawk a ni tih hi ka rilruah a awm a ni.

Kan sawi zel teh ang, hei medical leh Public Health & Family Welfare ah pawh hian Mizoram in vaibei chhe 218.87 kan neih lain Nagaland chuan 376.08 an nei a. Tin, Meghalaya chuan 376.34 an nei zawk a ni. Chuvangin a inanglo nasa lutuk. Hengte hi a chian nan kan ti zel ang e. Grandee for maintenance for forests te hi Pu Speaker, engatinge Mizoram in Sq.Km. 17,494 kan neih lain, Nagaland in Sq.km. keini aini an nei tlem deuh, 1,3345.25 chauh an nei, tin Meghalaya chuan keini aini an nei tlem daih 1,5584 an neih lain crore 30 an nei anih chu. A va mak ve keini hi. Manipur in keini aini an nei tlem Forest. Forest enkawl tura ram nei tlem zawk 16,926 an neih lain crore sawmthum an nei a ni. Tichung hian mipui ah ti tha kan ti a, mipui ah pawchhuak thiam kan inti a. a va mak ngai ve. Chuvangin, hei road & bridges te pawh kan sawi tawh a. Tin, building-ah tepawh chuti tho chu a ni. Mizoram in crore 23.29 kan neih lain Meghalaya in crore 35, Nagaland chuti bawk. A State lian leh State hlun kha kan compare phalo hrim hrim tih kha kan sawi bawk a ni.

Tin, Pu Speaker, nichinah kan Member zahawm tak ten thudik sawi a tha. House-ah hian sawi a tha an ti thin a, kha kha ka pawm a ni. Vawimniah hian mipui hnena pawisa tam tak hnuklut tur anga kan insawi hi anih loh zia chu hemi Twelfth Finance Commission Report hian a rawn tichiang em em a ni. Chutih rualin kan hnunglamah mi thal ve theih loh tuikhur chawi anga thal anga kan insawi lai khan mipui leh House pawh hi thudik kan hrilh tur a ni. Pu Speaker, hei hi kan hre vek a, 1996-ah khatih laia Prime Minister zahawm tak Deve Gowda a lo kal a. Tichuan mi thlal ve theihloh tuikhur chawi anga thal anga kan insawi NLCPR ah te khan Mizoram in crore 370.98 kan neih lain Manipur chuan 406.18 an nei a, an va thal thei ve chiang em. Tin, Assam in 709.61 an nei a, Tripura in 502.78 an nei a ni. Tiang mai mai Zoram kan bum a, Zoram a kan sawi anih chuan thubelhchiandawl tak sawi a tha khawpin ka hria. Chuvangin, khang te kha engngeni Peace Bonus kan han ti lehngal a. Khati anih chuan kan let a tam zawk khan eng Peace Bonus nge an hmuh ve? Hei hi kan sawilang duh kher a ni.

Tin, Pu Speaker, kan sawi tawh a, kan budget-ah hianin performance budget a ni tak meuh meuh em tih hi han sawi leh ka duh a ni. A dik takin nikum lamah khanin technical department leh department tlem te chauh khan an rawn tilang thei a. Khatianga thlan pawh kha a execute lo leh tih puitlinloh alo awm vang a ni, tunah hian hetiang hian an rawn tilo niin ka hria a, a pawimawh khawpin ka hria a, hei hi tih leh a thei nganglo em ni?

Tin, thil pakhat leh chu kan Planning te, kan budget reng reng te hian awmzia a nei tur a ni a, awmzia a nei rual rualin mipui leh harsate a hre ngei ngei tur a ni. Tunah hian a thlenna tur kan hmu flat lo, a chiang lutuk. Chuvangin, kan hnungah te pawh nimin lamah te pawh kan sawi a, SGRY te pawh an in chuh mur mur a, an in zen tawm nuai nuai a, Zokhuaah a thleng ngailo reng reng a pawisa hi a chiang a ni. Chuvangin, mipui te hawi zawngin an tilo hrim hrim lehngal a, dik tak chuan hetiangah budget pawisa awmsa a hmandan fimkhur tha ka ti. Bairabi Hydrel thar chungchangah pawh hmannah ka sawi a. Motor pawh a hran hran ina enkawl a, tihvel ai chuan mi pakhat ina an enkawl hi a tha a ni an ti a. Chutiang chuan Bairabi leh Teirei chungchangah pawh. Bairabi-ah pawh Pu Speaker, a dik tak chuan Diesel to vanga run theiloah, Power generate thei lova an sawi kha a pawisa ka ti khawp mai. Diesel man tur hriatsa a ni a. Tin, Thermal Project install dawnin engkim a in sak te, transport te, a development te engkim mai kha ruahman sa vek, hriatsa a ni. Chutih laia vaibelchhe 90 dawnlai hmanna tura diesel hman theih loh tih chu thil awihawmluh lutuk a ni ringawt. Khawl chhia assemble nge nia khawl chhia an remkhawm nge, engnge a awmzia? Motor thar tha tak nei ila, TMB Truck nei ta ila, kan nei hlimah diesel a awmlu tih avangin kal ngam ta lo ila chu nen chuan engnge a danglamna? kan ram pawisa tiang hian a titur a nilo reng reng.

Tin, khulai Teirei pawh keima tan chuan zan thim thama kal a har tawh lehngal a, a khawl nurilai ngeiin ka zuk kal a. Pu Speaker, nichinah Pu Rasika pawh minute 7 dawn an pe ariah, hei chauh hi kan sawi ang e, thil awihawm loh lutuk khawl hi minimal an enkawlin a tha zawk a nia an ti a, a dik khawp mai, mahse Company danah awmna hmun ngaiyah Engineer te an awm reng ngailo reng reng, thla ruk danah an insawn vek, Tuirial Hydrel project ah pawh a hmunah kan zuk lut thla a ni, i bial chungah. Thla ruk danah an awm vek, khatah khan side Engineer nen Biaka nen kan inkawm a, ani pawh a kal leh mai tur a ni. Mizoram a Engineer te hian kum hnih kum thum an enkawl thei zawk lehngal a, khatih kara thiam tak mai a awm ang deuh maia insawi kha a diklo hrim hrim a ni. Chuvangin, hetiang budget pawh hi eng ang pawn pass ila eng anga tam pawh nise a hmanna kan fimkhur loh chuan kan ram tan hian a tha chuanglo reng reng tih kha kan sawi duh a nia Pu Speaker, ka lawm e.

PU P.P. THAWLLA

Pu Speaker, ka lawm e. Hei General Discussion a ni a, kan budget bu hi party dang dang Sorkar na siam la sela tun aia tha hi han siam vak dan awm dawn pawh-in ka hre lem lova, a tha tawh hlein ka hria a. Tin, kan House Leader zahawm takin duh tawka kan sawiho atan budget bu fel fai tak min present a. Chumi hna a thawh hnu pawhin a dang thawk belh mawlh mawlh kan zingah pawh awm hman lovin a thang mek a ni tih kan hria a, a lawmawm hle pawhin ka hria a, a taimakna avangin fakawm ka ti hle a ni.

Pu Speaker, Mizoram hi kum 34 zet chu Govt. of Mizoram kan lo ni ta a, U.T. Sorkar kan nih tirh 1972 vela kan budget te, kum 14 U.T. Sorkar kan nih hnu a State puitling kan lo nih 1987 vela kan budget te, State Sorkar kum 20 kan lo nih hnu a vawin a kan budget hmuh te hi han ngaihtuah chuan, kan ram leitung hausakna chhuan em em tur neilo mah ilangin a ropui thawkhat hlein ka hria. Kan sum hman tur te hi a tam tawh hlein ka hria a ni. Eng party pawhin he rorelna hi chang ta selangin kan duh ang angin kan budget hi ti tam tur leh duh ang tawk tawk a siam tur hian mahni a hausakna nei sa lo tan chuan tih vak ngaihna a awm chuang lova. Kan Central Sorkar lam ina min pek ang ang atanga siamrem anih mai avangin fel thlap mai, perfect chu a awm thei lovang tih chu a rin theih sa a ni.

Chuvangin, kei chu han sawichhiat ngawr ngawr te, han fak ngawr ngawr te ka ti thiam ve lova. Amaherawhchu, rilr a awm ang angte flem a zawng han tarlan ka duh a ni. Sorkar kum 34 a kal hnu a kan budget bu te han en a, kan hnu hmate hian chhui vel hian, Pathian hnam thlan, Mizoram Pathianin min kaihhruai dan te, min tanpui dan te a ropui hlein ka hria a. A bik takin Pathian hnam thlan, ram enkawr tura hnam Party ina a rorelna an han chan dawn vel te khan ka ngaihtuah let thin a. Ka hmaa sawitujin a rawn sawi ang khan 1996-ah Central lama Sorkar lo inthlak chuanin kan ngaihtuahnaah pawh kan ngaihtuah phak ngai loh Central non-lapseable pool fund, hnam ropui te hausakna, thingtlang kilkhawr amite, hnam intodelh lo te pawhin kan tawmve theih nan, nidanga kan hriat ngai loh a kha bul a lo tan phawt a. Pu Gowda khati laia Prime Minister khan. Tichuan 1998 atangin tuna Sorkarna chelh mektu party hian rorelna an han chang zui ta nghal mai a. Tunah hian kum 7 he Sorkarna hi a kal ta a. Pathian kaihhruaina kan chang hlein ka hria a. He ram tan leh State dangte tan pawh ni sela. North East amite a bik takin, hnam ropuite hausakna kan tawm ve theih nana Pathianin a kawng min lo ruahman sak dan te hi han ngaihtuah hian Pathian hnena lawmthu sawi hi kan ba nasa hlein ka hria a ni. Bialtu zahawm tak pakhat han nih ve chhunah he Sorkar hi Sorkarna nghet a lo nih theihna tur atana kan thlawp man pawh a awm hlein ka hria. A hun laiah chuan vauna thute leh rik rapna tepawh hriat tur awmin, chhungkua chu rilru leh ngaihtuahna han khur ve der der mahse, tuna kan ngaihtuah let hian a inchhir awmlon ka hria. Mahni mimal bik lamah emaw, chhungkaw bikah emaw, thiante tan a ni emaw ropuina sawi em em tur awm rihlo mahse Mizoram puipui tan ka thil tih kha a inchhirawm pawhin ka hre lem lova, lawmna a ni chho zelin ka hria a. Chu chu ka hnu hmate hmasa duh a ni.

A dawt leh a kan sawi duh chu, he Sorkarna kum sarin a kal chhung hian an hnathawh hrang hrangte kan thilr thin a. A bik takin Zoram ka fang tam rih lova. Mahni ram bik lamah kum sarin chhunga he kan ngaihtuahna, kan thilr velin a awm thawkhat hlein ka hria a. Hmanni lawk khan Tuipang ah kan Kohhran khawmpui lianah ka kal a. Chutah nidanga kan hmuh ngai loh LAD -in a NBCC hmanga tualchhung hmasawmna hna a thawh te ka mitin ka hmu a, min tilawm hle a ni.

Tuipang velah chuan lungchher tur hi a awm vek lovin kan hria a. Hmanni ka han zinchoh chuan Step siamna tur te leh a phah a phahna turte Cubic lung tling tak tak hawi atanga lo thleng nge tih pawh hriat lohin khawlaiah rahna tur pawh awmlon khawpin a inliang thur mai te kan hmuh leh an hnathawh mam tak tak mai British kuthnu ni awm tak tak District Council Affairs pan chhohna kawng te. Tin, pedestrian pavement kalkawng an siamte kan hmuhin Tuipang khua pawh a lo ropui sawt hlein ka hria a. Chutiang bawh chuan Saiha lamah te pawh hmasawmna ropui tak tak hmuh tur a awm a.

Autonomous District Council huamechhunga awm kan ni a. Mahse Council sum chu sawitlak a awm lova. Chuvangin State Sorkar develop phakin kilkhawr taka mite pawh an awm reng a ni a. State hausaknain a thil loh pawhin Central thatna azara pool fund sum te chu Mizoram State te pawh chuan duh tawka pawh theih turin a la awm leh zel a. Chungte hmanga he Sorkarin a Central Sorkar thiam taka a dawr zel a. Sum a pawchhuak zel a, kilkhawr ber ber amite pawh hmasawmna hnuhma min hmuh tir zel hi a lawmawm hlein ka hria a. Chuvangin he Sorkar hi thlawp man awm hlein ka hria a, chu chu ka han tarlang ve duh bawh a ni.

A dawt lehah chuan sawi tur tam hle mahsela, demand lama tlem azawng han thawi ve hlek ila, kan budget bu hi kan keu vel thin a. Ka hriatchhuah chu 2004 November ni 19 a ka resolution ka ngaih pawimawh em em Kawichaw atang Phura kalkawng hi metal road ni ve tawh sela Motor liante, Bus te tlan ve zung zung sela. Kan Mara ram a thler chanve kawng tha neihloh vanga hmasawn hlei theilo a awm reng hi kawngtha nei ve tawh ila tih resolution kha lungruai takin House in kan pass a.

Budget buah hian khami hnathawhna turte kha lang ve nghe nghe se chuan kan budget bu hi han fak viau hi ka duh a. Mahse, chu chu State budget a tei chi a nilo. Central Project alang tur chauh anih avangia, hei hi kan House Leader hian hma min lak pui ka beisei a. Central sum atangin BRTF lam a ni emaw PMGSY sum a ni emaw, kawng tha neih kan nghakhlel em em a ni tih ka tarlang leh duh a ni.

Demand No. 12 ah tlem tarlan duh ka nei a. Hetah hian Parliamentary Affairs Department sum 22 lakh vel a ni a, a tlem tham hle a ni. Hetah hian Parliamentary Affairs Department sum 22 lakhs vel a ni a, a tlem tham hle a ni. Heta ka tarlan duh chu nikum 2005-2006 ah khan Travelling Expense-ah 2.30 lakhs a lang a. He Department hi te hle mahse a Chief Whip karite hi biai bla ber ami nih takah chuan heti zat lak hi chu indaih a har hle a. Tunlah chuan MLA te facilities te a tha chho zelin MLA te hi Free Travel avail thei an ni a. Free Travel zawm zel tur chuan a involvement kha a tam viau mai a. Heti taka Domestic Travelling expenses lo lang ta mai hi engtin tak he department hian inenkawl tak ang maw tih ngaih tuahna min siam a ni. Chuvangin, hengte hi kum khat lek kan experience atang pawhin han siamthat a belh theih nise a van duhawm dawn em tih ka tarlang duh a.

Tin, Demand No. 27 ah hei Mizoram State Sorkarah hian District Council enkawl lai pathum a nei a, chung pathum te kan sum chan chu a tlem hle a. Kumin Budget Bu a a landan chuan Lai District-ah 2829 lakhs, Mara District 2508 lakhs, CADC-ah 1440 lakhs a ni a. Ka hriat chinah chuan kum sawm dawn liam ta atang khan Council budget hi same size a ni reng mai a. Hmasawn vak ngaihna a awm lo hlein ka hria. Hengte hi kan Sorkar chak tak hian han tedanglam a, duhsak duh dan hi a awm thei em ?

Ka han sawi leh duh chu District Council hi 1994 atang khan Enhancement of Power pek a ni a. Khami kuma Council pathum te tana budget bua lang ang ang chu a lumpsum a pek vek a ni a. Mahse, a kum leh budget buah khatiang hu vela budget han tihpun sakna a awm chhunzawm tak lem loh atang khan Council thuneihna lain zawk chang si kha retheih kha a in tan ta chauh a lo ni a. Kum sawm a han kal zet chu District Council hruaitu nih hahthlak dan te, a mipui tan pawh a a retheihthlak ziate kan hre tulh tulh a. Chuvangin, he kan Sorkar chak tak hian District Council te tak te te pathum te hi tun aia duhsak zawk dante nei thei hram se tih duhthu ka sam tel duh bawk a ni.

Demand no. 33-naah hian Soil & Water Conservation Department hi rei lote ka enkawl ve tawh a. U.T. kan nih hma pawha Department kan neih tawh a lo ni a. Tun Sorkar kum 34 a kal hnua Soil & Water Conservation Department dinhmun chu sira hnawl ang lek a lo nita mai hi a department tangkai tak si, hman tangkai hleih theih lohna a awm ta mai hi a lainat thlak hlein ka hria a. Chuvang chuan he Department hi tlem a duhsak ve ni tawh sela a tha lawm nile tih niruah a awm a. Chu chu sawiho niah hian tun chawpchilh

.....374/-

a siam anih theih loh pawhin a lehpek zelah kan hotute leh kan Official hote pawhin heng hi hman tangkai dan awm sela a tha dawn hlein ka hria a. chu chu ka han tarlang duh a.

Nikum 2005-2006 Budget ah khan grant-in-aid ringawtah nuai 42 leh sing thum chuang a awm a. Tun kum budget-ah chuan grant-in-aid kha pakhatmah a lang leh tawh lova, engnge ni a chhan ni ta tihte kan hre duh bawk a ni.

A dawt leha kan tarlan duh chu Cooperation Department Demand No. 37-na hi pakhat han tarlan duh leh ka nei a. Grant-in-aid hi nikum budget-ah khan nuai 357 a ni a. Kuminah chuan nuai 344 a ni a. Nuai 13 lain a tlahniam leh ta a. Cooperation Department te hi thingtlang daikilkar mirethei kut hnathawk mite, Society hoten kan lo thilr ve reng thin leh kan inngahna pawimawh tak pakhat a ni a. Chuvangin, he kan Sorkar chak tak kal zel hian Cooperation Department hi Contract hna lian beisei tur nei mihring awm khawmna pawh ni lo, mirethei te te awmkhawmna pawl anih avangin Grant-in-aid te hi kan beisei em em thilte a ni a. Chuvangin, hetiang nikum budgeta a lan aia nuai 13 lai a tlahniam ta mai hi a chhan hriat ka duh a. He Department pawh hi Pu Speaker, kan Sorkar hian ngai pawimawh deuh sela, thingtlang mipui rethei zawkte kan lo tawm a he State Sorkar thil fithei kan lo tawm ve nan ngaih pawimawh nive deuh tawh se tih hi ka duh bawk a ni. Ka lawm e, Pu Speaker.

PU F. LAL THANZUALA :

Pu Speaker, a hmaah ngaihnawm tak tak thu kan ngaithla thin a, sawi tur zawng zawng leh thu tangkai zawng zawng sawi zo tawh hmel pawh kan puin ka hria a.

Amaherawhchu, mahni ngahdan tiem azawng tal han tarlan loh chu tiin kan ding ve duh a.

A hmasa bera kan sawi duh chu kan budget hi a tha chung chung hian a thalo tih kan tum niin ka hre deuh a. A lo pung a, loan pawh a pung teuh a. Non-Plan pawh a pung teuh bawk a. Chu chu thalo kan ti emaw ni chu le, a hmasa lampang kha kan han sawi vak a, khami khan kha budget tha kha han vur bawlhhlawh chawp kan tum deuh mai mai niin ka hria a. Tin, hei kan Financial Commissioner te pawh relatively transportable situation-ah a awm kan ti a ni a. Thaw a veng tan deuhah kan ngai a ni a. Chungte leh kan leibate, khami kan surplus-na tur engernaw te reng reng pawh kha a tha lam kha a inziak kha a ni a. Khati chung chung a thalo kan ti leh thin hi chu dik tawklo deuhin ka hria a. Kan budget hi budget tha tak a ni a. A thatna em ema kan hriat chu hei Baffacos te hi an awm a, he policy hi kan Sorkar hianin ting tak hianin a hmang a. Mautam te chu 1959/60 vela huphurhawm ang kha a ni tawh hauh lova, khati lai chuan kawng tha pawh a awm lova. Thingtlang vel reng reng kha Motor kal lohna deuh vek a ni a. Tunah erawh chuan thalah na na na chuan Motor tlawh theih loh khua hi awm pawh a awm tawh lo a ni.

Tin, Kudam awmmate kha hla tak a ni a. Tunah erawh chuan khaw lian deuh angah hi chuan a awm deuh vek a. Chuvangin, kum khat kan buh thar a fail avanga mangan lutuk hi a hlauhawm lova, kumtinin kan nihphungah hian vai ram lam atanga buhfai kan lak luh kan ei a, henge chu Godown-ah tam tawk chhek theih reng a ni a. Kan Supply Department lampangte pawh an inring a, tunah pawh hian an chhek tam em em a ni. Hemi ei tur neiloh buhfai neih loh chungchangah hi chuan he tam lo thleng tur a huphurhawm lem loh.

.....375/-

Mahse chuti chung chuan kan Sorkar hian he tam Mautam vanga lo thleng tur hi thiam takin a hman a. Khami Mautam tam a buh thar a lo fail avanga buhfai kan neih loh tur mai nilovin khami eichawp thil mai nilovin kan ram develop na tur thil tangkai tak tak long term te, short term te a duang a. Heliang programme ropui tak hi kan budget hian a pai a ni. Chu chu tunge thalo ti thei ang le, kan budget hi a tha em em a ni. Thil inzir chho zel kan ni a, kan ram tana tha tur deuh te kan hrechhuak thar zel a. Grape thatzia pawh hei kan hre chhuak thar a. Hnahlan ami ten an tan a, sum tam tak an lalut tih kan hria a. Tin, Grape hi Mizoram hmun timah a tha thei tih pawh kan hre zel a. Chutiang chuan kawng zawn a lo ni a, heng Grape Oil Palm tih te, kan Agriculture lampang Hoticulture lampang tih te leh Department reng rengte an ti tha hie a. Khatiang khan thil tangkai tur kan la hmuchhuak chho zel a. Kan thil sawi tam takah khan khumi phailam kan hotute budget leh keini budget hi kan khaikhin leh mai thin a. Hengte chu khaikhin chi a ni lova. Keini chu mihringa chhian a dangpawh kan neih loh lain anni chu khawpui ropui tak takah an lo awm hman tawh a. an thiamnate chu B.C. atanga intan tawh kha kan ni a. Keini te chu Missionary lo kal te pawh kha kum za na kha 1994 ah khan kan lawm chauh a ni a. Missionary lo kal te kha mihringa chhian tak a bar pawh kan awm em ni, civilised ho atang chuan tih tur kha a ni a, mawi tak kha kan ni a.

Chuvang chuan tun thleng pawh hianin kan thil ruahman leh kan kalkawngah hianin tih sual deuh leh hriat sual deuh awm pheng phunglo thei a ni lo. Inam reng reng hi mihring khangtiang deuh hi kan ni a. Naupang thang duh tak te hi fing viaua lanna awm mahse chhawna riau an nei duh ang deuh hian kan ni a. Keini Mizo hnam tepawh hi kawng tam takah kan san ve nalai te chu awm mahse, phailama kan unau te, vai kan tih mai thin rilru put dan leh kan rilru put dan hi chu inthlau tak a ni.

Chuvangin, tuna kan budget tha tak hi han sawi bawihban duhna avangin Central-ah kan hnam puite, kan hnam lian pui pui hmasang atanga lo ropui tawh tena budget an buatsaih nen hi chuanin khaikhin loh hi a tha a ni. Chuvang chuan ka ngaihtuah danin heng Baffacos grape te hi a chang chuanin kan budget hi mipuithleng phak a ni love tihte an ri leh zauh thin a. Grape te hi mi zawng zawng chin theih a ni a, kum thum lek pulting thei a ni a. Tunah a kalkawng hi kan Sorkar-in a satkaw chho zel a, hengte hian mipui a thleng em em a, Oil Palm te, khatiang ang khan kan budget-in a pai te hi a tha em em a ni.

Tin, kan sawi leh duha chu kan hotu kan Leader thenkhat te kawngkam atangin a lo lang a, vai hlauh vang tih ang reng deuh hlek te kha alang a. Keia bengah chuan a mawilo lam niin ka hria a. Vai hlauh vang tih te chu hetiang House zahawm takah hian kan sawi tur a ni dawn em mawni le, a communal deuh riauin ka hria a. Khatiang kha chu tih leh chiah ka ngai a. Engpawh nisela, kan chungah thuneitute an awm a. Development kan neih theih nan sum kan lakna te a ni a, kan tana a thatna atan chuan an thu kan awi dawn lawm ni? Mahni tana thatna tura thuawi duhlotu khu mi a kan ni mai ang. Kan Mizoram Kohran kan Sorkar hian fing takin engkim a ti a, thu awi tura thu chu aia a awiloh tur chu a awilo ve mai a ni. Hei Planning Commission te Finance Commission te hian keimahni atangin Revenue te tichhuak ve turin min phut reng a. kan budget a thatna em em na chu Revenue lak a tam ta hi a ni a, items an tipung te hi kei chuan a tha ka ti a, mahse, a tam zawng hi a lutuk deuh anih chuan kan House leader in hmun thenkhata a sawi tawh angin heng te chu la ennawn pawh a ni ang. Mahse, chiah lakna chang kan hre ta hi a pawimawhin a tha em em a, hmanah chhian kan la lo tih hi chhuan tur a ni hauh lo a ni, lak hunah khan kan lo la lo zawk a. Chuvang chuan, kan in

zirna hunah khan kan ti lova, tunah hian a ngai a, development kan duh a, kan ramah thil tha tam tak awm se kan duh ve, mahse, pawisa min petuten chhiah te hi khawn ve ula in resource te hi minimize thla ula chuti chuan keini pawh kan lo tanbelh zel dawn a ni an ti a. Chu chu kan tana tha tur anih avang khan hetah chhiah kan lak a tam veleh khan an nin min rawn tihna pawh kha a tawn buak a kha Central atangin a tam veleh ta a ni. Chuvangin hengte hi kan tana tha vek ni. Mahse, tih lutuk erawh chu a tha lovang a, hetah hian Mizo te rilruah chhiah pe lo tur ang dawn dawnin zirtir kan duh emaw tih a awm dawn a, hei hi a dik lo reng reng a ni. Chhiah hi kan pe ang a, tam tak pe thei tur dinhrunah kan ding dawn a ni. Chhiah hi kan ngaihtuah ta ila hmasangah entirnan, sawn man te pawh han sawi t ila, sawn man Rs. 40/- an tih lai khan mi pakhatin siki thum an nikhat hlawh te a ni a, kha siki thum an nikhat hlawhte Kamis ban tlawn tha tak kan lei thei a ni. Kamis ban tlawn tha tak chu tunah chuan Rs.300/- vel man a ni. Tichuan, sawn man Rs. 40/- an inchawi tir kha a na hle a ni. Tuna Rs. 40/- a la ni rengte hi Customary Law lam a ni a. Chutianga Legislate chi a ni lova. Mahse, a kalphung hrim hrimah khan Zoram chhiah kan tihte pawh kha khati zel kha a ni a. Tuna an tihpun hi a punna hrim hrimah chuan na lua engmah a awm lo, hmasanga an lo tih kha ana zawk daih, mahse, chhiah chawina rilru hi kan lo in tuh loh avangin chawina rilru aia in sawibo siak ti zawnga kan lo kalthui tawh avang khan kan pek tur awma pawh hi pe thei rilru kan pu ia lova. Chumi avang erawh chuan kan Sorkar pawh hian a tisang lutuk khawimaw laia a awm chuan an tihhiam chu a dik a ni. Chuvangin, kei chu ka ngaihdanah chuan Pu Speaker, chhiahte kan han la ta a, ahrang hranga kan han thawn tan hi nakinah kan zavai atana tha zel tur niin ka hria a. Chuvangin, kan budget hi budget tha tak niin ka hria a.

Hei Tax hrang hrang tih kawngah te pawh, tin, lei zawhnahte pawh khatiang neuh neuh a lo awm ang a, vai rama kan kal chuan lei sei deuh kal tlang ila kan chawi zel tho a tiang chuan chawi a awm zel a ni a. Chuvangin, hengte pawh hi thil mak a ni lova, kan ramah kawng thar rawn awm thin mahse a maintain nate harsa tak a ni. Amaherawhchu, tianga hetia kan han lak chuan hengte chu motor neitute emaw khami kha an chawi tur kha a ni a, mimal te te ina a chuangin a an chawi tur pawh a ni lova, mihausa lampang va tax-na kha, va lakna zawk kha a ni a. Chuvangin, heng hianin mipui vantlang tuarna pawh a thlen dawn bawh hek lova. Amaherawhchu, khami tlingkhawm atang khan kan kawng maintenance nate pawh hi a lo ni dawn a ni tih pawh a inziak a. Chuvang chuan kawng tha kan neih phah dawn a, kawng han siam thar ringawi hi chu har hle mahsela kan han ti a, a maintenance hi a har em em thin ni. Chumi avang chuanin keimahni leh keimahni tana tha kha a ni.

Tin, retheite va tax lehzualna tur pawh kha a ni lova, chuvangin, Pu Speaker, kan budget hi kei chu a tha ka ti a. Central Sorkar thatna chu a ni a. Amaherawhchu, Central Sorkar in tianga min han pe tam a, Central Sorkar chauh han fak han tihte kha chu thil awm a ni lova. Khatia tih tih kha chu indirect khan Sorkar dinglai pawh hi kan fak tho a ni tih hi inhria ila a tha awm e. Chuti chu ka sawi duh tawh a ni e, Pu Speaker ka lawm e.

S P E A K E R : Sawi awm tak zingah sawi lo pahnih kan la awm a, wine-up kha angai ve dawn a, engtinngge ni ang, sawi lote khan an sawi ve vek phawt sela, kan hun kan pelh deuh leh kan pel mai ang chu kan ti thei em? A nih Pu R. Khawpuithanga ilo sawm ang aw.

PU R. KHAWPUITHANGA

: Pu Speaker, ka lawm e. A hmasaa kan sawi duh chu hei vawim ni thlengin kan Member pui thenkhatte damlohna avanga an lo kal theilo hi pawl ka ti em em a. Chu chu kan sawi hmasa duh a. An tan kan tawngtai sak a ni tih hi kan sawi hmasa duh a ni.

Vawiinniah hian kan sawi rei ta a. A tawp lamah phei chuan demand ahte kan lut dawn emaw ka ti deuh tawh a. Mahse, kan la lut em lova. General Discussion-ah kan la awm zel rih a. Naktuka luh hlan a nghahhlelhawm dawn hlein ka hria. Kan sawi tak ang khan State tinin budget kan nei a. Budget Speech-a General Discussion nei theuh kan n a. Vawiina kan sawiho hi ngaihnamw ka ti a. Budget hi harsa ka ti bawk a. Ka inzirve pawh hian ka inzir var hlei thei vak lova. Mahse kan budget hrim hrim erawh chu thiante zarah ka hre ve thiak thuak dawn niin ka inhria a. Kan ngaihthlak atang te pawh khan a ni ang a. Engpawh nise, kan budgetr pun chhoh zel dan ka han en hian a lawmawm hlein ka hria a, tun tum ami hi. Hei 2003-2004 ahte chuan crore 480 a ni a, development lam bik, 2004-05 ah hian crore 616 a ni a. Hetah hian a zuang nasa hle mai a. Crore 136-in a sang chho a ni. Tin, 2005-2006 ah pawh hian crore 69 in a kang chho a. A vawin crore 685 kan ram budget a ni a. Tunah hian kan hriat theuh angin crore 758 crore 73 in nikum aini a lam a ni. Chuvangin, a thang lam zelin kan kal a. Crore han tih mai hian vaibelchhia hi tam tak a ni a. Hmasawnpuina tham a ni. Hemi chungchang thua hian State tin ten tan kan la theuh a. Finance Commission lokal pawh khan kan hre theuh a kan hmu a. Kan Sorkarin nasa takin tan a la a. Heng a lo pun zelna atan te pawh hian Financial management chu kawng khat nimalsela, anni lo biak thiam hi a hiawk em em a ni. Chuvangin an lo kal pawhin helaiah kan Sorkarin tha takin a lo thleng a, anni pawhin uluk takin kan financial managements leh kan ram dinhmun te a practicalin min thir thin a. Nikum lama kan budget hman tawhte kha engnge a an, tih min thir a ni. Keimahni tawngkam thiamna mai nilovin keimahniin ei leh in leh a tui tha theih ang tawka kan lo mikhualna ringawt ni lovin, a kal zelah min ending a, kan sum hman danahte a lungawithlak em tih ngun taka min en hnuah tunah hian hei hi min pe ta a ni a. Hma kan sawn zelna hian kan financial management kha akawk tel a ni, tih a lang Chiang em em a ni. Chumi financial management atan chuan a bik takin kan Sorkar hruaitu kan House Leader Chief Minister Finance changtwin thahnemngai takin Finance management lamah hian hma a la a ni tih a hriat a. A Department lam amite pawhin Finance Control chungchang thua hian a tul lovah sum an pe chhuak mai mai lo a ni tih a Chiang em em bawk a. Heng hi awmla ta sela, vawim hi kan thleng lo mai thei a ni. Kan financial management hian a kum leh lama kal zel dan tur a hriat avangin a pawimawh em em a ni. Tichuan, kan hriat angin surplus budget-in kan kal thei ta hi thil lawmawm leh ropui tak niin ka hria a.

Tin, hei Budget Speech pawh a bua chhah lo kher mai a. Mahse, hetah hian a tlangpuiin Sorkar hmalakna leh kal dan tlangpui chu a hriat a. Tin, budget bu a tam hle a, bu engemaw zat kan nei reih ruih mai a. Hei laiah hian tihsei vak pawh a tul lem lova, a dangah khan a Chiang vek mai a. Chhiar peih tan chuan a lang Chiang em em a ni. Helaiah kan hmuh theuh ang hian kan plan budget hi a tha tawk a. Duhthusam erawh chu a n lo. Kan hriat theuh angin mahni intodelh lo kan ni a. Kan intodelh theihna turin budget a pung chho zel a, leiba pawh kan nei tih kan hre theuh mai a. Tin, a lehlamah chuan kan budget hi a san chuan kan hriat theuh angin ka hma ami ten an sawi tawh angin 10% a pung zel kha a lo ni a. State hausa zawkah leh lian zawkah phei chuan 10% mai nilovin 30% a ni a, 70% kha State in a neih chauh te a ni a. Keini erawh chu kan vannei hle a bik takin North East te kan ni a. Tichuan, Mizoram pawh planned budget atanga 10%

kha a tluk leh dingawm engngemaw tel kha chuan bat kha a tam lo thei lo a ni. Chu chu anih avangin bat pawh a tam ngei mai a. Mahselangin heng working group RBI atanga an compile atanga en hian ka hma amifen an sawi tawh ang khan, an sawi dik tho a, nikum lamah chuan 2710 crore anih lain kan management a that avangin kan tlahniam a crore 463 in. Tin, State dangte pawh an ni ve tho mai a. Manipur te pawh 2710 crore an ni a, keini aini mihring an tam daih a, State upa an ni a. Nagaland te phei chu 3609 crore an ni, Tripura 4256 crore, Assam te phei chu 18,000 crore, West Bengal, Maharastra tih te phei chu khitah a ni daih a. Chuvang chuan kan liability hi a tam ngei mai a kan sawi tak ang khan mahsela State tinte hi ba neilo kan awm lova, leiba nei tura Central atanga budget la kan ni a. Amaherawhchu, tan kan lakna tur chu a awm a ni tih chu a chiang a ni.

Chuvangin mahni intodelhlo kan nih avangin abik takin a dang kha chu kan sawi tam tawh viau a, kan uar duh deuh hlek laia chu spoon feeding hi kan nizel dawn em ni tih laia kha a ni a. Thirfiante a chawm reng ngai, nausen ang kan nih reng chuan a dik takin chhiahkhawntu hi kan ngai thei hauh lovang a, than kan tum loh chuan.

Tin, thil a cash a sem chi mipui thleng phak sum a awmlo kan tihte pawh hi engnge ni aw ka ti a. A dik tak chuan kan budget zawng zawng hi mipui thleng phak budget a ni, mipui ta anih miau avangin. Amaherawhchu, hei budget-ah khan non-plan a awm a, non-plan ah chuan kan hriat theuh angin kan House Leader in a sawi thin angin Fatu hlui deuh a tih ang khan Sorkar hnathawk hlawh te a tam ber a lo ni a. A bakah mipui hlui atana dahte hi han en ila kan Budget hrim hrimah hian a lungawithlak thawkhat hle a ni tih kha ka sawi tum chu a ni a. Chuvangin, hetah hian keimahnina kan thawh chhuah ve tur Central pawhin tum tura min tih helaiah pawh hian a tawp lamah point 19 naah hian chiang takin a lo lang a. Central pawhin keimahnin kan thawh chhuah tur hi a phutin min phut tawh a ni a. Chu chu anih avangin VAT kan lakte pawh hi kan tihte awm ngawih ngawih a ni a. Ahniam Sale Tax te kan la a, mahse a tawh lova. VAT kan lakte pawh hian nakinah chuan min sep chho zel ang a, hei hi financial management atana pawimawh em em a ni a.

Tin, chubakah chuan chhiah Revenue tepawh kan la tam kan ti a, la tam lo thei lo pawh kan ni, kan lak dan pangngai a hlui lutuk kha chu tun dinhmun atan hi chuan a lak tlak tawh lova. Khatianga kan kal zel chuan kan leibat a tam zel dawn a. State ina kan tum ve tur chin kha a thang ve zel tur a ni a. Tuna pawh hian dik tak chuan kan in tum chin hi 135 crore vel emaw a hma ang phei chuan kha aia tlem daih kha a ni a, kan thawhchhuah ve hi a tlem em em a ni. Chuvang chuan tam tawh kan thawhchhuah ve theih chuan kan Budget te pawh hi a pung ve deuh zel dawn a ni. A nih loh chuan Finance Commission te an lo kal leh ang a, tling lova min hmuh chuan an phu tawh pe teh ang min ti sela. Budget tun ang hi kan tlin dawn hauh lo a ni. Helaiah hian tlem tlem a lo lang a, kan hriat tak ang khan hei Motor-in a zawh avanga chhiah lak tur te pawh a ni ang a. A dangah pawh hian mi ina chhiah an laknaah hian kan lak ve zel hi kan tih tur a ni a. Chutiang a nih loh chuan thirfian hian min chawm zel rawh se kan ti tihna a ni ang a. A puitlinglo em em a ni. Chuvang chuan chhiah hi kan la ang a, amaherawhchu, thenkhatang sang lutuk awm anih erawh chuanin tihhniam leh theih a ni kan House Leader pawhin a tih kha.

Chuvangin Party dang dang pawhin a hnena an kalin hei hi chu kan ennawn leh ang tihte a nei a. Khatianga khan kan Sorkar pawh hian a lo sang lutuk laite pawh alo awm anih chuan a siamtha thei thova. Amaherawhchu, kan kaldan a tarlanah erawh kha chuan chhiah pawh hi a tam zawk

la turin kan in suangtuah tur a ni dawn lawm ni? Mi hausa leh changkang zawkte kan thir chuan an chhiah pek a sang em em tih a ni. Keini pawh hi hetiang han kalve zel chuan neitu channa tepawh kan nei ang a, keimahni lamah pawh chutiang zelin kan budget sanzeina tur leh financial management atana pawimawh te an ni a. Heng hi State tinin a kan tiha kan tanve chho zelna tur lai a ni a, ti talo ila eng ang nge kan dirhmun tura kha ngaihtuahawm tak kan ni dawn a ni.

Tichuan a tlangpui thuin a lungawi thlak a, helaiah hian sawi tur tam tak a awm thei a, kan budget kan hmandan atang hianin kan financial management kal zelah khan nakinah min thir nawn leh ang a, kumtawpah tepawh tuna crore 27 vel khami a a deficit na lai tur a tawpa tlemtea kan han indaih lohna deficit awmna lai tura tepawh kha a lo langchho dawn a ni a. Tichuan hemi kan budget kalzel atang hian kan development hi hei hian a entir a ni a, hei tunah tepawh tuna budget mai bakah hian Revised Estimate alo kal leh ang a, Revised Estimate hian budget pumpui nakinah chuan a belhkhawmah chuan namen lova sangin a up dawn a ni a. A dik tak chuan a pangngai lawng lawng hi chuan rampum hmasawmna hi a tam lutuk theilo a ni. Chuvang chuan, kan Minister te leh kan Chief Minister te ngei pawhin thahnemngai takin Mizoram tan Central-ah sum an haichhuak a tin, kan Official te pawhin budget discussion-ah te pawh nasa takin an tang thin. Education Department-ah tepawh hei tan an la a, a namen lovin hmanna kan sawi tawh ang khan naupang singkua dawnlaite hnenah chhunchaw an pe a ni. Central Policy ni bawh mahsela helaiah department te thahnemngaihna avanga an thawh a ni bawh a ni. Khatiang khan PWD te phei chu sawi dawn ila vawiin niah hian sawi tur a tam em em a ni.

Chuvangin, department dangah khan henga kan hmasawmna zawng zawng hi kan budget hian a rawn reflect a ni a. Tichuan, kan budget atang bawh hian hmasawmna sum kha kan hmu dawn bawh a ni a. Chuvang chuan tunah hian alo kalchho zel mekah pawh hian R.E. a tel tur ang chi PMGSY te pawh hi an rawn telh thar leh a ni a, Kan hriat theuh angin metral road tepawh a thain a rawn kal dawn a ni a, han sawi ta ila. Khulai Lungphun atanga Kanghmun te, Tlawng atanga Darlung tepawh tun thalah hian tan choh mai tur a ni dawn a. Chutiang chuan chhim lamah hla zawkah te pawh. Tin, dik tak chuan hmanna 2000 kuma Pu Rasika te yeng kan va kal lai te kha chuan a hniam ve em em a ni. Tunah erawh chuan Rest House tha deuh deuh leh Hospital thar te pawh an nei ta a. Lei dawh tur a ni a, thil thar a tam em a ni. Kan sawi seng lo ang a, hun a ral dawn si a, ka duh tawh tawh mai ang e, ka lawm e.

S P E A K E R : Sawi tur kan awm tawh loh chuan kan General Discussion chu kan lo duh tawh dawn tawh ang a, kan House Leader aiawh, Minister zahawm tak Pu Tawnluia kan sawihona te wine-up turin lo sawm ila. Hei minute sawm pawh a awm tawh lova, rei deuh a duh ka ring a, a peih deuh pawhin kan ti tlang mai dawn em ni ang? Anih a peih deuh pawhin kan titlang mai dawn nia.

PU TAWNLUIA MINISTER : Pu Speaker, ka lawm e. Hei vawiinniah kum 2006-2007 Budget General Discussion he House zahawm takah wind up- na hun kan lo hman theih dawn tak avang hian lawmawm ka ti a. Nimin chhun atangin hei vawiin tlai thlengin, Member ten tui takin tha tho takin discussion-ah hian an participate hlawm niin ka hria a. Member te

ngaihtuahna leh inpekna an taimakna tam tak hmuh tur a awmin ka hria a. Tin, thusawi zawng zawng te kha kan react hman vek lovang a. Amaherawhchu, helai hian kan lo chhinchhiah ve zel a ni tih kha kan sawi duh a.

Pu Speaker, kan hriat theuh angin hei tunah hian kan House Leader kan Finance Minister ni bawh Pu Zoramthanga chu Central Sorkar hotute nen a thusawihho tur pawimawh leh indawrna tur pawimawh a awm avangin a zin bo hrih avangin vawiinniah pawh hian Budget General Discussion hi a conclusion-ah hian hetiang hianin khaikhawmna hun ka rawn hmang leh a ni a. Tihual leh phuaiuai tam tak a awm ang tih ka ring a. Member ten min lo hriatthiam ka duh a ni.

Budget chungchang hi han sawi hmasa lawk ila. Planning Commission of India kum 2006-2007 a tan a kan annual plan size a tihfel hma avangin kumin 2006-2007 a tan hian full budget kan lo present thei leh ta a. Kum 2005-2006 atan a full budget kan present theih laia khami ang tihova a kum zawna tianga full budget kan present leh thei ta hi a lawmawm tak zet zet a. Central Sorkar-ah pawh kan lawmthu kan sawi a ni. Tichuan, kum 2006-2007 atana Mizoram Annual Budget Plan size chu crore 758 a ruahman a ni a. Nikum i ti tawh mai ang 2005-2006 kan plan size kha crore 685 a ni a. Kuminah hian crore 73 velin a pung a. Chu chu a percentage zawng chuan 10.6 percent-in a pung a ni.

Tin, Pu Speaker, kan House Leader in Budget a pharh laia a sawi tawh ang khanin kum 2006-2007 hi indaihlohna kal mek opening deficit crore 156.75 nen bul kan tan dawn a. Kum 2006-2007 chhung ngau ngau ah hi chuan pawisa hman bang budget surplus crore 129.63 nei thei turin kan inbeisei a, hetiang anih hian kum 2006-2007 a lo tawp huan kan sum indaihlohna la awm tura beisei kan closing deficit chu Rs. Vaibelchhe 27.11 chauh alo ni dawn a ni. Kum 2006-2007 chhunga sum hman bang kan neih theihna chhan langsar ber te chu 12th Finance Commission ina Non-Plan deficit sum thawachhuah ve alo pun avangte leh sum hmanna a inrenchem na hmalakna kal zel avangte a ni ber a ni.

Pu Speaker, loan chungchangte kan sawi a, helai hi han sawi chho leh zel phawt ila. Member tam tak ten Sorkar ina loan a lak chungchang te ngaimawhin kan sawi chhuak a, loan kan lak nasat thu hi thil dik tak a ni. Zep kan tum lova, kan zep bawh lo a ni. Maherawhchu, heng loan te hi State Sorkarin keimahni thua la kan ni mai lova, hmasawmna hna kawng hrang hrang heng Annual Plan sum te, Non Lapseable Fund te, NEC leh Central Sorkar Scheme hrang hrang te hian 10% Loan leh 90% grant anih deuh vak avangin sum kan hmuh hmem chuan Loan component pawh percentage a lak anih avangin a tam lo thei lova, tichuan heng loan te hi financial institution hrang hrang kan lak pawh keimahni duh thu thua kan duh thala la kan ni lem lova. Annual Plan sum huan tur thenkhat hi loan-a kan lak a ngaih avangin Sorkar kaimang angin kan lak tura Planning Commission in min tuk sak chu kan la lo thei lo a ni. Hetianga loan kan lak siloh chuan hna a thuanawp dawn bawh si a, loan hi Sorkar inrebawl dan kallumangah lak loh theih loh a ni ve bawh e. Kan State leibat chungchang hi Member thenkhat ten an han sawichhuak a, khang kha thahnenngaihna avanga an sawichhuah anih avangin lawmawm kan ti a. Reserve Bank of India in working group an compilation of State Government liabilities an in chhut dan chuan, ni 31 March 2005-a State Sorkar hrang hrang 26 zinga loan ba tingkhawm item ber 4-na kan la ni a ni.

Pu Speaker, hei kan budget hi mipui mirethei zawkte tana budget tha tak a ni tih kha sawitu tam takin an rawn sawi a. Duhthawhna avangin khawimaw laiah erawh kha chuan kan Opposition Bench lam atang zawk khan chuan duhthawhna ihute kan dawng nain, a pumpuia chuan kan budget hi mirethei te budget ramhnuk khawih budget a ni tih kan hmu Chiang a. Kum 2006-2007 budget hi ram hnuk khawih tak tak budget a ni kan ti thei ang. Kan nih lanna chu budget-ah hian ram hnuk khawih thil pawimawh tak tak heng Mautam do letna BAFFACOS kan tih mai te, Mizoram Intodelhna Programme te, Intodelhna Project te, Agriculture leh Horticulture leh Rural Development ah te sum thahnem tak a ni. Baffacos atan phei chuan Additional Central Assistant atang te leh 12th Finance Commission atang tepawhin pawisa tam tham tak kan hmu mek zel a ni.

Tichuan Revenue Expenditure ah hian pawisa hman tur 62.95% zet hi Development expenditure ah hian hman tura ruahman a ni a. Chumai bakah chuan Capital expenditure-ah pawh ro tling siam natur sum kan dah chho zel bawk a ni a. Khatiang ang khan kan budget hi bellhchian dawl tak a ni tih a kha kan han sawi duh a ni a.

Pu Sepaker, kum 2006-2007 a kan Consolidated Fund a sum hmuh tur beisei zawng zawng hi cheng vaibelchhe 2096.57 a ni a. Plan atana cheng vaibelchhe 758.03 crore a ni a. CSS-ah cheng vaibelchhe 1.25 a ni. Plan a hnuai ah hian NLCPR leh NEC atanga hman dan tur tawkin prvision tepawh dah tel a ni. Kan sum hman dan tur hi hetiang hian Service-wise in dah a ni. General Services ah cheng vaibelchhe 578.70, Social Services-ah cheng vaibelchhe 468.79, Public Debt-ah cheng vaibelchhe 128.06, Loans & Advances ah cheng vaibelchhe 37.69. Capital outland and General Services ah cheng vaibelchhe 16.29, Capital Outlay and Social Services ah cheng vaibelchhe 30.13, Capital outlay on Economic Services ah cheng vaibelchhe 262.84 a ni a. Tichuan a vaim cheng vaibelchhe 2036.70 a ni a. Tichuan deduct recoveries-ah cheng vaibelchhe 69.75 a awm a. Tichuan net total chu cheng vaibelchhe 1966.95 a ni.

Pu Speaker, Member thenkhat ten GPF chungchanga Sorkar kaldan an han tarlang a, hemi chuangchang hi Sorkar pawhin a ngaihtuah a, kumin atang hian GPF hi Department tin a thuneihna pak a ni a. Pawisa dat iuh leh lakchhuah avanga narsana awm ion nana LOC hmanga Department apek chhuah a ni. Kan simplify ta a ni.

Tin, Member thenkhat ten C & AG Report 2004-2005 House-a la pharh anih loh chungchang an rawn sawi a. Hemi chungchang hi Sorkarin a ngaipawimawh a, tul apiang te a kalpui mek a ni. Tun Session chung ngeim House-a pharh ngei tum a ni.

Kum 2006-2007 atana thil thar chhinchhiah tlak tak Chief Minister Secretariat atana Budget Head hran siamte. Tin, Health & Family Welfare Department-ah pawh Directorate of Hospital & Medical Education tan Budget Head hran kumin atang hian siam a ni a. Heng hian kan Sorkar sum dah dana kallmang pawn a rawn finchhuah kan beisei a ni. Tin, thil dang chhinchhiah tlak pakhat chu Right to Information Act, 2005 ina a ken tel State Information Commission din tura budget hrang kan lo siam ta hi a ni.

Tichuan Pu Speaker, helai ah hianin kan Member te han sawi atang hian budget deficit emaw surplus emaw anih chungchang kha han sawi belh leh hiek ka duh a. Member thenkhat ten kan budget pharh tak kha Consilodated Fund atanga chhutin deficit nia a lan avangin, a surplus a ni thei lo tia rawn sawi te kan member zahawm tak teah khan an awm a. Hemi chungchang-

ah hi chuan India ram kalphungah Accounting System hman mekah chhutchhuah dan kalphung awmsa a ni a. Public Account pawh hi a chhutnaa tel ve liau liau a ni. Churvangin, hetah hian Public Account hi danphung dik taka chhut dan tur zingah India ram pumpuiaah chuan a tel liau liau a ni a tiha kha kan hriatfiah chuan nichina kan Member zahawm takte sawi kha a fiah main ka ring.

Tin, Member te duh ang a chhutchhuah dan siam a budget hi surplus emaw deficit a puan mei theih a ni love. A chhut dan tur anga chhut anih hnuah Surplus emaw Deficit emaw tur a hriat chauh a ni thin a. Churvangin, 2006-2007 Budget pawh hi deficit emaw Surplus emaw chhut dan phung dik tak a chhut a ni a. Tichuan Rs. 129.63 crore in a surplus thei ta a ni.

PU LALDUHOMA : Pu Speaker, Member te ngaih pawimawh lai chu Consolidated Fund a Revenue Account chauh a surplus kan neihve lai a kan Chief Minister Speech ah a pumpui a surplus anga a sawi kha a dik lova. A misleading a ni. A pumpuiaah hian 27 crore in kan deficit a ni tih kan hre vek si a. Chutih lai a surplus lamrik leh thin kha a dik thei lo. Revenue Account laite chauh kan sawi dawn chuan surplus chu a awm a lawm. Mahse, a pumpuia kan dinhmun dik tak kha pehhei lova tarlan mai tur a ni tih kan sawina a ni a.

Tin, Public Account a sum zawng zawng kha a vai hian Sorkar ta a awm lova. Pek let leh vek tur a ni. Kan hmuh ni ni atanga kan bat, kan pek kir leh vek tur anih avangin, a surplus lam side tipung tur a belh ngawt kha a misleading kan ti a ni.

S P E A K E R : In dik e, dik love pawh thin ka hre lova. India ramah hian Financial Accounting System a awm a. Chumi chu kan hmang tlang vek a. Chutianga chhut chu a ni ti main ka hria a.

PU ANDREW LALHERLIANA : Pu Speaker, khawngaih takin chutianga anih law law chuanin a closing balance kha sawi ula, tah khan crore 27.11 kha Deficit a ni tlat a ni. In duh lai berte kha (interruption)

S P E A K E R : Deficit hi crore 27 chuang chu a awm dawn a ni tih pawh a chiang a. Thusawiah pawh a lang a, Document-ah pawh a lang a. Mahse, kha ringawt kha a sawi theih bik lova. Revenue Account te, Capital Account te a awm ve a. Churvang chuan, khalaia a lo surplus vete pawh kha an lo chhuang ve deuh nite pawhin a lang a. Kha kha India ram Accounting System a ni a. Churvangin, a dang tehchiam kal thei pawh kan ni love. (Interruption)

PU TAWNLUIA MINISTER : Pu Speaker, Rs. 27.11 crore kha closing deficit 2006-2007 - ah chuan. Mahse, 2006-2007 chhungah hi chuan Surplus 2006-2008 tlat a ni, kha kha kan hre-thiamin ka hria. Pu Speaker, State Sorkar leibachungchang hi han sawi leh lawk ka duh a. Member thenkhat ten leiba chungchang insawi chhuak a.

Tin, han sawi leh lawk ka duh a, Member thenkhatin leiba chungchang an sawi chhuak a. Assembly zawlna leh chhanna Mizoram Sorkar ni 1.3.2006 a lejba a chhut chhuah cheng vaibelchhe 2313.19 hi a diklo ni angin an rawn sawi a. A.G. in Account at a glance 2004-2005 a lang cheng vaibelchhe 2710.74 hi ni 31.3.05 dinmun angin a tarlang a, a kum kha a danglam tih kha hria ila. Hemi chungchangah hian Sorkar leiba chhutna hi chu C&AG IN Mizoram Sorkar Finance Accounts 2004-2005 a tanga chhut a ni a, hetah hian Sorkar leiba liau liau Public Department-ah hian cheng vaibelchhe 2288.35 a lang a. Chu chu March ni 1,2006 thleng a Sorkar leiba pun belh nen chhut chhuakin cheng vaibelchhe 2313.19 a lo ni ta a ni. Tichuan A.G. in Account at glance in 2004-2005 a cheng vaibelchhe 422.39 lai mai other Education hnuaia a dah hi Sorkar leiba chhutnaah a telh lo a ni. Heng hi Sorkar leiba public department-ah neih pangngai anga kan ngaih loh theih loh a ni e.

Tin, Pu Speaker, Member te an hriat atana kan duh chu Sorkar leiba chhutna chungchangah hian R.D. a Finance Commission leh AG chhut dan te hi a in ang diak diak thei bik lo laite pawh a awmve bawk a ni. Tin, kan Sorkar chuan C & AG in a Finance Account in a Finance Account an tih ang hi kan han rin ber chu a ni e tih kha budget chungchangah khan kan han sawi duh a.

Tin, Pu Speaker, kan Member zahawm tak tak ten hemi discussion kan han neihnah khan point thenkhatte han tarlan an neihte kha han sawi ka duh a. Pakhatnaah chuan chhiah lak chungchang. Hei Tax lak a ni lo ang a awm lo tih a ni a. Kan pha hauh lova, lak tur zawngin tah hian kan han tarlang a ni. Mipuite hnenah E, helaiyah hian mipuiin tha kan thawh a ngai e, kan ti a. Chu chu Toc Tax Road and Bridges-ah kan la ang tlem azawng chu kan ti a.

Tin, Water Cess kan ti a, Irrigation-ah pawisa tam tak kan seng a, tikhan lo nei tuten tui an lo hmu ve thei ta a. Chungah chuan a maintain zelnaah pawh tlem azawng chu kan la ve ang kan ti a ni a.

Tin, chung bakah chuan, water meter angin tui bill kan chhut tawh ang, kan ti a. Hei hi chu hmannah kan sawifiah tawh a. Tiang khan chhiah kan han lak vena tur atana kan Chief Minister zahawm takina budget speech a a tarlan te kha a ni a. Heng hi Roads and Bridges-ah leilawn naih tak, kal kawngte hi cheng tam tak senga siam anih avangin han maintain zelte a lo ngai a, hmun tam takah tihphung a nihve bawk avangin he laiah pawh hian a hmingin tlem chu in la ve ang kan ti a.

Tin, Irrigation pawh chutiang bawk chu a ni. Helaiyah hian Pu Speaker, kan sawi duh India ram Sorkar NDA ah pawh UTA ah pawh hian Public Participation hi an uar hle a. Secheme lian pui pui project lian pui puiyah pawh Public participation an ti a, Public Contribution an ti a. PHE ah pawh kan tui supply tam takah hian Public Contribution an ti a. Tiang khan kan thingtlang tuilak tepawh kan enkawl thei lova. Chuvangin, Public Contribution in ti mai rawh u an ti a. Tichuan, Village Council ten Committee an siam a, tui enkawltu an siam a. Chutiang ang chuan vawinah pawh kan Sorkar in a bul tanna atan khawngte tlem chuan helaiyah hian mipuiin tha in thawh tlang the ang kan tih ang kha a ni a.

Tin, VAT chungchang kha chu kan hre tawh a, a kal lai mek a ni a. Kan sawi duh tak pakhat chu Land Revenue chungchangah a rate hi a sang lutuk e tih a awm a, party ang pawhin Government-ah representation te kan theh lut liam liam tho a. Kan House Leader pawh party aiawh ang te pawhin kan hmu tawh hlawm a. Tin, keimahni Legislative party pawhin kan sawi tawh a. Chuvangin, Land Revenue rate chhiah kan lak dan hi chu Sorkarin a ennawn dawn a ni tih ka sawi duh a ni.

Tin, thil lawmawm tak chu mipuiin tha kan thawh vena tur laiah kan thawhna tur Tax kan ti emaw Sales Tax kan ti emaw thil hrang hrangah pawh kan pe tur a ni lo, tih hi a ri khat ta hle mai a. Kan puitlinna pawh a langin kan hria a. Mahse, a rate hi a sang lutuk deuh e, heti lo deuh hian tih erawh chu ngaihdan a insual mai a ni a. Chuvangin, Mizoram Mipui pawh kan puitling tawh hle a. Sorkarin kaihhruaina a siam angin Sales Tax pawh kan pe a. Dik tak chuan a hma aia kan retheihna em em pawh kan hre chuang lo. Heng kan pek hian, tih tura kan ngaihah chuan kan pek khan engmah min nghawng chhe tu awm lemlo khan a kai ve mai a. Kan Sorkar leh kan House pawh hian heng chhiah lak chungchangah hian kan zirtir naah hian mipuite kan changkang sawt hlein ka hria a, a lawmawm kan ti a ni.

PU ZODINTLUANGA

Pu Speaker, point khat lek. Helai chungchang thu hi a lawmawm em mai a, hei wawinniah te veng hrang hrangah an la au a, pek turin an ti a. Vawinnah in rawn pek loh chuan ti a, a double-a chawi turte. Khalai kha kan Leader zahawm tak ho hian khami chhung, kan ennawn chhung kha an lo utawp thei ang em le.

PU TAWNLUIA
MINISTER

Pu Speaker, dan a awm a, Existing rate kha pek a hun chuan khami hun chhung khan pek tur a ni ang a. Nakinah tihdanglam anih chuan hei hi chu effective date atangin pek tur a ni ang a, mipuite pawhin an hriatthiam kan duh ang a. Chu chu Sorkar kalpui dan tur pawh a ni ang. A nilo zawngin tumah kan inzirtir loh kha a tha viauin ka ring.

Pu Speaker, thil pakhat kan sawi leh duh chu kan Member zahawm tak ten post ruak hnawhkhah loh mai nilovin a then abolish em em te chu a tih kha ngaihawh an nei a, a awm khawp mai a. Abolish hian ti hi a awmzia chu voluntary retirement scheme kan ti a, Vehicle kan privatised a, tah chuan Driver lo senior tawh te chu voluntary pension-a an kal theihna tur provision kan siam a, Driver voluntary pension a kal reng reng post ruak kha chu kan abolished a ni, a hranpain post dang hi kan abolish lo, kan fill-up lo mai a ni. Chutiang chu abolish kan tih awmzia a ni e.

Tin, Pu Speaker, tunah pawh harsa tak chungin loh theitlohna avangin mamawh belh a engemaw zat chu lak loh theih loh a ni thin a, heng Health & Family Welfare Department-ah pawh tun hnai lawkah khan Doctor 27 kan la a ni. MPSC kaitlangin. Khatiang khan Staff Nurse te, Health Worker te, Pharmasist te, Lab. Technician te, IV Grade te regular leh contract in engemaw zat lak an ni a. Public Health hi India Sorkar in tunah hian a ngaipawimawh

mai bakah kan State-ah pawh khan kan hmalakna hmasa zingah a tel a ni. Tichuan hmanna Health Department atanga regular leh contract a kan lak te kha a vaiin 214 an ni. Chu chu Department pakhat kan entirnan kan sawina a ni a. Khatiang ang khan Department dangah Taxation ah pawh khan engemaw zat chu kan la a ni a.

Tin, Police Department ah pawh hian M.R.P. hi za chuang a ruak tawh a, vacancy, M.A.P., Armed Group ah zahnih chuang a ruak a, Finance in lo la rawh u tiin green signal min pe thei si lova, kan ip rih a. Hengte pawh hi Sorkar hian min ngaihtuah sak thuai ang tih te pawh ka ring a, a Department changtu angin kan sawi ni ta sela. Chutiang chuan Department dangah pawh a tul zual chu kan fill-up chho dawn a ni a. Tin, tunah pawh ka sawi tawh a, Right to Information Act dan angin Information Commission tepawh din tur a ni a, khalaiah pawh khan post creation kha a tul a ni. Loh theih loh chin leh tul zualah chuan kan kal tho a ni tih kan sawi duh a.

Tin, Pu Speaker, thildang kan sawi leh duh chu kan Sorkarin Right to Information Act te kan ngaipawimawh em em a, zawhmaah tepawh kan chhang tawh a. Tunah hian implement mek a ni a, kan duh angin rules kan la peih loh kim lo deuh a, a vai hian kan implement thein kan kal thak e chu kan kal thak e chu kan ti lo nain tunah hian engkim churni rules awm hma pawha a tul anga hman theih dan ruahman vek a ni. Kan implement tawh kan ti a, a vai erawh chuan a process a lo thui deuh avangin kan la zo lo deuh chauh a ni. Hengte hi Zoram mipui tan a tha a, chu chu India ram pumah pawh hman a ni a, kan ramah pawh kan hmang thei ta hi he Sorkar hian mipuite rawng a bawlmaah mipuite hnena thu puang zar tur hian a inhuam hle tih kha a lang a.

Tin, Separation of Judiciary pawh hi tunah chuan a han kal chho a ni a, kan Sorkar hian dan leh dun leh inrelbawl dan phungah hian mipuite hma khua ngaiin changkang zawnga kan kal theihna turin hma kan sawn theihna turin hma kan la chho zel a ni tih kha kan sawi duh a.

Tin, privatization of vehicles (govt. vehicles) pawh kha tunah hian kan kal chhoh pui mek a, tunah hian kan la zo lo deuh a, a tlangpuih chuan a kalphung tur chu entitlement kan siam a. Chuta entitle a tel lote, Motor lo kawive thinte kha chuanin an khul thei ang (book value) a, an private Motor chu an hmang ang a. Tin, Sorkarin khatianga vehicle an lo neih pawh khan Driver kan provide hrih ang a. Khatiang ang khan Driver kha a retired ve mai hrih loh avangin chhawr tur an awm hrih tho dawn a. Chutiang chuan tunah hian Sorkarin hma a la mek a. Hei hi Sorkar hmalakna kan tangkaipui em em tur zinga mi kan sawi tel duh a ni a.

Tin, thil pakhat chu hei kan House-a thil, ka rin ai taka kan sawilan vak loh, pahnih khat kha chuanin rawn sawi ri zauh chu an awmin ka hria a. Pu Speaker, nangma hmalakna ngein MLA ten Area Development Fund kan nei ve thei ta a. Kuminah a bul tanna atan chuan Member tinin mahni biala hman atan cheng nuai nga theuh Sorkarin min pe a, kum thar atang chuan kan ngaihtlak tak ang khan nuai sawm theuh turin ruahman chhoh a ni hi kan Sorkar hian kan Legislator-te, Member zahawm takte hmakhua a ngaiin bial enkawlina atana mahni ngaihpawimawh anga han hman theih turin kawng an siamte hi a tha hlein ka hria a. Vawinniah hian chung chu kan sawi lang tel lawk duh bawk a ni.

Tin, thil pakhat lawmawm tak chu Pu Speaker, hei Air Link, Mizoram leh State dangte kan inkalpawhna atana Thlawhna thlawk flight hefi zat kan nei ta hi a ropui hle a, kan Chief Minister hmalakna ropui tak mai niten kan hria a, khang kha thui sawi lovin kan sawitel lawk duh baw a ni.

Hei Mumbai-ah Mizoram House kan nei thar ta a, Delhi-ah Vasant Vihar-ah peih tep a ni a. Guwahati-ah hawn theihin Annexe peih a ni a. Khatiang khan Shillong-ah pawh a hmun kan nei fel tawh a. Kumin chhovah a sak kan tan chho thei ang a. Imphal lamah kan tan chho thei ang a. Imphal lamah tepawh a hmun kan nei a. Chutiang ang chuan kan vahchhuah hun pawha Mizoram Sorkar hnathawkte ah kan hotute kan politician te vak vel han thlukuhna tur inte pawh kan nei pung ve tial tial a, a lawmawm tak zet zet in ka hria a ni. Tin, Pu Speaker, thil pakhat a tlangpui kan sawi leh duh chu kum 4/5 chu Power supply te pawh hi a regular ta riau a. Gas te pawh khawlaiah in lei duh em an rawn ti ta ang thuk a ni a. Tun hma chuan nileng zankhua a kan intlar pawhin kan indaih lo a ni a, tiang khan kan Sawrkar chhung hian thil tam tak hmasawna chhinchhiah tiak a awm a. Kan building te a sang tawh a, Aizawl khawpuih hian Motor te pawh a tam ta khawp mai. Heng hi hmasawna zel rawn tilang tu a ni a, a lawm awm tak zet zet in ka hria. Tichuan Pu Speaker, nichina Border fencing chung chang sawi lam kha a bik takin han sawi rik a tha niin i hria in ka hria a. Chuvang chuan kan han in buatsaih deuh hlek a, kha kha kan sawi ang e. Mizoram leh Bangladesh Border Fencing leh Road Construction hna hi Central sawrkar hmalakna a ni a. Mizoram sawrkar hian a hriatpui tam vak lova. Mahse Ministry of Home Affairs ah an hma lak dante leh sanction amount te hetiang ang hian kan inhriat pawh dan chu a ni.

Pakhatna ah chuan Fencing tih tur hi 318 km a ni a. Road Construction hi 246.5km a ni baw. Tin, Estimate sanction amount hi road leh fencing atan a kawpin crore 656 a ni. Road leh Fencing kha a hrana ti lovin khami kawp atan khan crore 656. Tin heng hnate hi Agency hrang hrangah Home Ministry in an pek a ni. Chung an pek te leh an thawh sei zawng tur chu Boarder Road Organisation BRO Pioneer kan tih mai hi a ni. Hei hi km 70. Pahnitna, National Building Construction Corporation Limited NBCC 147 Km. Pathumna, National Project Construction Corporation Limited NPCC 46 Km. Palina, Engineering Project India Limited EPIL 55 Km, a vaiin Km 38. Fencing hi Border atanga yard 150 inkarah phun tura tih a ni. A Border atanga 150 yard inkarah. Tin, a chungah hna thawk tur a tih Agency pali te hian hetiang hian Home Ministry in sum a pe tawh a, he an sum pek zat hi chu kan interest vak pawhin ka ring lova.

NBCC Fencing hna thawk turah hian 80 Kms lai hi Dampa Tiger Reserved chhung ami a ni a, tunah hian NBCC in Forest Clearance a dil mek a ni. Hetah hian in NBCC in keimahni Forest Department ah chutiang ang dilna chu a rawn ti a. Amaherawhchu kha kha la peih fel loh a ni e. (Pu ANDREW LALHERLIANA .. chu kan ram chu an hung kha keimahni ram chhungah 150 yard a an hung luh tak siah chuan kan ram kha 150 ft ang zel kha Fence oawnah khan a la awm tihna a nia, engtinge chu chu kan hloh dawn nge thil engmah a tih theih dawn tawh lo em ni.) BRO hian 2005-2006 tanga tanin Burma lamah 10 Kms an thawk mek a. Fencing atan a mimal ram lak a ngaih leh ngaih loh hi Mizoram Sawrkar chuan tunah chuan engmah hriatna a nei hrih lova Ministry of Home Affairs in a hna thawk tu te an sanction-na order a pekah hian Agencies te hian mimal ram lak emaw Forests Environment clearance lak a tul emaw a nih chuan State Sorkar an dawr tur a ni tih a ni. Hetah hian chu order-a pawh chu a awm vek a ni a, a condition-a pawh kha, a condition a awm em tiha kha hetah pawh hian a awm vek a ni. Chuan tun thleng hian mumarlam lak tur chungchangah hian Agencies heta thawktute Mizoram Sorkar min la dawr lova, a dawrtu awmchhun chu Forests Department ah clearance zawng khan an bei a,

compensation chungchangah kha chuan engmah min la dawro a ni. Chuan tunah hian chutiang chu dinhmun anih avangin keini pawhin Chief Secretary atangin lo in dawr zui ula kan ti a. Kan ram chhunga hetiangah fencing an tih dawn a fencing road construction border hrula aw tih awmah hian fimkhur a ngaih avangin mimal ram a lo awm pawhin chulai chu compensation a ngaih pawhin khang kha entur a ni a. Helaiyah hian keini pawh a dik tak chuan Home Ministry hian Mizoram Sorkar a palzut deuhin kan hria a, lehkha pawh kan ziak tawh thin a. Tunah hian hetiangah House-ah zawhna leh sawi chhuahna te an awm takah phei hi chuan hemi chungchangah hian Home Ministry pawh an fiah lehzuai ang tih kan ring a. Hei hi Home Department atangin theihtawpin kan lo bawhzui lai a ni e tih a kha Pu Speaker, kan han sawi a ni.

Pu Speaker, tiang khan Member zahawm tak ten kum 2006-2007 Budget Demand General Discussion ah uluk takin kan sawiin kan zir chiang tawh a. Naktuk atang chuan demand wise te pawhin kan kal dawn a. Chuvangin, hemi chin hi helai atanga kan khaikhawmna leh kan sawi chin nisela, ka lawm e.

S P E A K E R : A chianglo maw, compensation kha pek a ngaih dawn chuan company-in Mizoram Sorkar a rawn dawr ang a. Tin, kha kha an rawn dawr lova. Khatiang thil a awm pawh khan mahni bialte leh englo kha hetah State Sorkar ah ti ila, Sorkar pawhin lo bawhzui thei ngei turah ngai ila a tha awm e.

PU LALHMINGTHANGA : Pu Speaker, Tlabung bialtuin a sawi dan khan khaw thenkhatte kha chu tuna an fencing alignment an propose danah khan fencing pawnlamah a awm tih a sawi a. Chuvang chuan Sorkar in a Construction Agency ten an rawn dil nghak lovin thil awm dan dik tak chu a hmuna en turte siam a tha lo maw? Tin, a hrim hrimah ka thlirve danah chuan Home Ministry khan khatiangah an rawn ti dawn anih pawhin heng fencing leh Road alignment chungchangah hi chuan kan Sorkar a a rawn ve ang a. Tin, instruction ah pawh khan a border line dik tak leh chuta tanga a teh a 140 yd. Inkarah fencing leh road chu a kal tur a ni tihna alo ni ta a. Chumi anih avang chuan a lay of the land leh natural counter in a permit dan angte pawh kha en ilan a ram neitute kha chu involve fir ngei ngei tur a ni dawn lawm ni? Fencing chauh a ni lova, Road Construction a tel a, khamiah khan a Construction Agency te emaw India Sorkar representative ringawt te emawin Mizoram Sorkar tel lova a alignment te an tihfel vek kha chu keini hriat loh lutuk a an tih ani a, thil nakina pawl tur awm thei niin a lang a. Heti zawng hian Sorkarin hma ala thei se alawmawm ngawt ang.

S P E A K E R : Kan hriat lohin an lo protest tawh chu anih kha mawle.

PU LALHMINGTHANGA : Pu Speaker, protest mai kha a tawh lova, tunah entirman, km 318 kha chu thui tak a ni ta a. Chuvang chuanin a kaldan thuah te khanin neih ve kha a tha em emin ka hria. Chuvangin involvement thuk zawk kha neih niselangin a tha lawm ni ?

PU R.M. CHAKMA : Pu Speaker, khua chawp chawp hian a ni chuan a ngaidam a, must people display in a awm dawn a ni. Khang ho a compensate pek ringawt kha a tha dawn niin kan hre lova, anmahni awmna tur land allotment te Mizoram Sorkar in a buaipui loh chuan khang most people display tur kha engnge cse tam tak a awm dawn a. Khangte kha Sorkarin hma min lakpui sela. Tin, an leibat te an hlep tur kha a hrana land allotment min tihsak theih dan awm sela. Khatianga mimal te ina Special development scheme pawh kha min dil sak sela.

Pu Speaker, kha kha kan sawi sentence hnih khat lek, khatah khan Land Allotment a ngai dawn a. Tin tunah an kawnglai hi petrolling man a ni a, heavy vehicle run theih loh, zimte. Mahse, lehlahmah khan khami Water course kha a hman theih dawn loh avangin Transportation facilities aiah kawnglian zawk heavyvehicle te run theih nan Central Sorkarah dii theih dan a awm lawm ni ?

Tin, Government properties, Govt. Sikul te hmanni lawkah Rs. 3,50,000/- in kan sa a. Khangte kha sak that leh a ngai dawn a. Chuvangin, Central Home Ministry khan a hranin pawisa min pe tur a ni kan ti deuh a ni.

S P E A K E R : Aw, a chiang e, Pu Nihara kha engnge clarification kha a la duh em ? A duh tawhlo maw, anih kan House Leader kha react a duh em ?

PU TAWNLUIA MINISTER : Pu Speaker, han sawi ta ila, keini pawh Sorkar-ah Department tangin mawhphurtu kan lo ni a. Home Ministry lakah hian kan vui khawp mai a. Chief Secretary kal-chhuak ta leh tuna thu mek hnenah pawh hian ka sawi a. Anni pawh hian hma chu an la zel a. Amaherawhchu, khulam atanga direct a athawk tute an rawn thianfel tawh hian chuan a buaithlak a. Tin, tunah hian kan sawi ang khan hei hi kan hria a. Compensation tur anih chuan khatianga law law a kha chu kan ti tur a ni a. Tunah hian nidang ang lovin an rawn inhnar tam deuh tawhah kan ngai a. Tin, tunah hian Home Secretary, naktukah Chief Secretary aia awhin Delhiah a zin dawn a. Hemi Hmar refugee chungchangah meeting an koh a. Chutah chuan hei pawh hi ka lo chah ang e.

S P E A K E R : Awle, a lawmawm e. Vawiin ni atana kan business chu kan zo ta a, kan chawng a Naktuk March, 22nd, Wednesday zing dar 10:30 a.m. ah kan thukhawm leh dawn nia.

Sitting is adjourned 4:35 PM.
